



直隸  
地理志

全壹册

編者  
林傳甲

---

---

●直隸四道一百十九縣歌

高等小學校  
國民學校語

閩侯林傳甲撰

津海道治天津縣，青縣在南運河便，滄縣鐵獅橫海軍，鹽山場利富民分，慶雲南界連無棣，南皮遠溯齊桓世，靜海西河鎮子牙，河間求是重儒家，獻縣獻王開漢學，肅寧白菜可拔擢，任邱最愛鄭州魚，阜城大陸衆民居，交河三系滹漳連，寧津古蹟滄津近，景縣安陵十八陵，吳橋連鎮快車乘，故城四女祠邊路，東光水陸馬頭渡，盧龍寨上盧龍山，遷安三屯營壘開，撫寧南海黑洋口，昌黎碣石禹蹟久，灤縣煤田次第開，樂亭月坨海船回，臨榆山海秦皇島，遵化東陵益母草，豐潤唐山煤礦豐，玉田砂細玉堪攻，文安窪地極卑下，大城不大滹沱瀉，新鎮中亭玉帶河，寧河蘆台魚鹽多，保定道治清苑縣，滿城一畝泉流徧，徐水白菜號黃芽，定興閭臺駐聖車，新城白溝宋遼界，唐縣堯山思古代，博野分疆自博陵，望都聖母慶都興，容城祠宇三賢重，完縣伊祁堯德頌，蠡縣新修李子祠，雄縣瓦橋關津奇，安國祁州爭賣藥，安新西淀水歸壑，東鹿岩前訪鹿川，高陽織布萬千錢，正定大佛高七丈，獲鹿石家莊子敞，井陘關連娘子關，阜平極西射虎山，欒城晉邑關城驛，行唐躉龍池碧，靈壽長岡銀洞深，平山煤鐵蔚森林，元氏封龍洞壑蟠，贊皇孔嶺十八盤，晉縣鼓城屬晉國，無極無山不可測，藁城

猶有王莽溝，新樂鐵橋五派流，易縣荆軻山染血，涑水東流崖鎖鐵，涑源關塞控飛狐，  
定縣中山眼藥壺，曲陽北嶽恒山峻，深澤滋河堤路順，深縣蜜桃桃縣城，武強人武破  
元兵，饒陽綢好多鏢手，安平絹好蠶桑久。

大名道治大名縣，南樂倉陵造字便，清豐孝子鮒觸山，東明遙隔黃河灣，濮陽舊治昆  
吾鐵，長垣孔子畏匡切，邢臺邢國本殷都，沙河流沙掩地粗，南和故郡百泉水，平鄉鉅  
鹿古戰壘，廣宗故瀆老漳河，鉅鹿澤枯竭廣阿，唐山飲餞于言路，內邱布莊來買布，任  
縣晉邑有龍岡，永年赤狄敗曲梁，曲周地遠香城固，肥鄉苗圃森林護，雞澤城北會盟  
臺，廣平黃金堤障開，邯鄲夢熟黃梁飯，成安浴廡多商販，威縣園林消夏宜，清河船向  
衛河移，磁縣磁窯煤礦盛，冀縣冀州易牧令，衡水漳半酒家，南宮商業競繁華，新河  
東有西流集，棗強多棗近武邑，趙縣橋旁鐵柱雄，柏鄉槐水野河東，隆平廣漠泥沙露，  
臨城煤礦有支路，高邑略比低地高，寧晉泊連大陸濤。

口北道治宣化縣，赤城古壘蚩尤戰，萬全夙號都，指揮龍關邊，鵬鵬飛，懷來山堞臨  
嬀水，陽原漢縣鷲峯起，懷安榆柳繞柴溝，蔚縣煖泉注壺流，延慶康莊永寧近，涿鹿阪  
泉黃帝奮。

京師 琉璃廠西路南武學書館  
楊梅竹斜街中華印刷局總批發

大中華直隸省地理志目錄

閩侯 林傳甲 李騰 總纂  
交河 蘇 莘 少衛 分纂

第一篇 總論

第一章 直隸之名義沿革

第二篇 位置

第二章 直隸之經緯度

第三章 直隸之四界

第三篇 地理

第四章 直隸疆域區畫形勢

第五章 直隸太行山脈

第六章 直隸北嶽山脈

第七章 直隸涿鹿山脈

大中華直隸省地理志 目錄



466089

5N.11  
261-2

第八章 直隸燕山山脈

第九章 直隸碣石山脈

第十章 直隸白河所匯諸水

第十一章 直隸滹沱漳滏之變遷

第十二章 直隸北運河之變遷

第十三章 直隸南運河流域

第十四章 直隸灤河薊運諸水

第十五章 直隸海岸線各港

第十六章 直隸之水泉淀泊

第十七章 直隸之氣候

第十八章 直隸之地質

第十九章 直隸之礦物

第二十章 直隸之植物

第二十一章 直隸之動物

第四篇 人文地理

第二十二章 直隸之種族

第二十三章 直隸之言語

第二十四章 直隸之衣食住

第二十五章 直隸之孔教

第二十六章 直隸之佛老

第二十七章 直隸之各教

第二十八章 直隸之雜教

第二十九章 直隸省議會

第三十章 直隸省行政

第三十一章 直隸各道縣行政

第三十二章 直隸之自治

第三十三章 直隸之軍政

第三十四章 直隸之警察

第三十五章 直隸之財政

第三十六章 直隸之教育

第三十七章 直隸之實業

第三十八章 直隸之鐵路

第三十九章 直隸之航運

第四十章 直隸之電政

第四十一章 直隸之郵政

第五篇 地方志

第四十二章 天津縣

第四十三章 青縣

第四十四章 滄縣

第四十五章	鹽山縣
第四十六章	慶雲縣
第四十七章	南皮縣
第四十八章	靜海縣
第四十九章	河間縣
第五十章	獻縣
第五十一章	肅寧縣
第五十二章	任邱縣
第五十三章	阜城縣
第五十四章	交河縣
第五十五章	寧津縣
第五十六章	景縣
第五十七章	吳橋縣

第五十八章 故城縣

第五十九章 東光縣

第六十章 盧龍縣

第六十一章 遷安縣

第六十二章 撫寧縣

第六十三章 昌黎縣

第六十四章 灤縣

第六十五章 樂亭縣

第六十六章 臨榆縣

第六十七章 遵化縣

第六十八章 豐潤縣

第六十九章 玉田縣

第七十章 文安縣

第七十一章 大城縣

第七十二章 新鎮縣

第七十三章 寧河縣以上津海道屬縣三十二

第七十四章 清苑縣

第七十五章 滿城縣

第七十六章 徐水縣

第七十七章 定興縣

第七十八章 新城縣

第七十九章 唐縣

第八十章 博野縣

第八十一章 望都縣

第八十二章 容城縣

第八十三章 完縣

第八十四章	蠡縣
第八十五章	雄縣
第八十六章	安國縣
第八十七章	安新縣
第八十八章	東鹿縣
第八十九章	高陽縣
第九十章	正定縣
第九十一章	獲鹿縣
第九十二章	井陘縣
第九十三章	阜平縣
第九十四章	欒城縣
第九十五章	行唐縣
第九十六章	靈壽縣

第九十七章	平山縣
第九十八章	元氏縣
第九十九章	贊皇縣
第一百章	晉縣
第二百零一章	無極縣
第二百零二章	藁城縣
第二百零三章	新樂縣
第二百零四章	易縣
第二百零五章	涞水縣
第二百零六章	涿源縣
第二百零七章	定縣
第二百零八章	曲陽縣
第二百零九章	深澤縣

第一百十章 深縣

第一百一十一章 武強縣

第一百一十二章 饒陽縣

第一百一十三章 安平縣 以上保定道屬縣四十

第一百一十四章 大名縣

第一百一十五章 南樂縣

第一百一十六章 清豐縣

第一百一十七章 東明縣

第一百一十八章 濮陽縣

第一百一十九章 長垣縣

第一百二十章 邢臺縣

第一百二十一章 沙河縣

第一百二十二章 南和縣

第一百二十三章	平鄉縣
第一百二十四章	廣宗縣
第一百二十五章	鉅鹿縣
第一百二十六章	唐山縣
第一百二十七章	內邱縣
第一百二十八章	任縣
第一百二十九章	永年縣
第一百三十章	曲周縣
第一百三十一章	肥鄉縣
第一百三十二章	雞澤縣
第一百三十三章	廣平縣
第一百三十四章	鄆鄆縣
第一百三十五章	成安縣

第三百三十六章	威縣
第三百三十七章	清河縣
第三百三十八章	磁縣
第三百三十九章	冀縣
第三百四十章	衡水縣
第三百四十一章	南宮縣
第三百四十二章	新河縣
第三百四十三章	棗強縣
第三百四十四章	武邑縣
第三百四十五章	趙縣
第三百四十六章	柏鄉縣
第三百四十七章	隆平縣
第三百四十八章	臨城縣

第四百四十九章 高邑縣

第五百十章 寧晉縣 以上大名道屬縣三十七

第五百十一章 宣化縣

第五百十二章 赤城縣

第五百十三章 萬全縣

第五百十四章 龍關縣

第五百十五章 懷來縣

第五百十六章 陽原縣

第五百十七章 懷安縣

第五百十八章 蔚縣

第五百十九章 延慶縣

第一百十六章 涿鹿縣 以上口北道屬縣十

附直隸四道百十九縣歌

大中華直隸省地理志引用書目

- 中國地學會地學雜誌 小方壺齋輿地業鈔續鈔 新譯中國江海險要圖誌  
天下郡國利病書 讀史方輿紀要 中外輿地全圖 經心書院輿地課程  
一統志 一統輿圖 中華民國新區域圖 中國形勢一覽圖 中國礦產志  
農業地理 商業地理 師範新地理 新體地理 本國地理 國貨調查錄  
中華地理全誌 中國地理教科書 中國近世輿地圖說 各省區教育狀況  
畿輔通志 畿輔水利議 畿輔河道水利叢書 北京師範學校校友錄鄉土志  
直隸風土調查記 直隸郵區圖 直隸各縣戶口表 直隸公報 直隸省新圖  
政府公報 交通叢報 農商公報 教育公報 最新職員錄 河北日報  
順直省議會議事細則 順直水利委員會公布 天津警察廳一覽表  
禹貢注解 定縣翟城村自治規約 李恕谷先生年譜 易水文源 廣平筆記  
雄縣鄉土志 邯鄲縣志 定州直隸州志 宣化府志 廣昌縣志 舊志多不能備錄  
最新支那通志 倭文 支那省別地誌 倭文 天津誌 倭文

# 大中華直隸省地理志

閩侯林傳甲奎騰總纂  
交河蘇 幸少衡分纂

## 第一篇 總論

### 第一章 直隸省之名義

直隸爲大中華二十二省之首。直隸之名。昉自明初。洪武時。以上下江直隸於南京。後稱南直隸。永樂徙都燕京。改北平爲北直隸。不設布政司。清分江南爲江蘇安徽兩省。久無南直隸之名。而北直隸亦不稱北字。然西文譯中國省名。猶稱北直隸焉。地近於京師。通志及先哲祠。皆稱畿輔。陸軍則號近畿。通商造幣設大學。則號北洋。國體既變。輿論以隸字爲專制之遺。省議會建議照各省因地定名之義。既有山東山西。宜對河南改稱河北。中樞多故。未及正名焉。天津省會。省文曰津。京津並稱。足見其重要矣。

直隸省之沿革

上古 堯典幽都。舜分十二州有幽州。禹貢冀兗二州。周禮職方東北曰幽州。

春秋 燕晉衛齊中山無終山戎之地。戰國時爲燕趙齊魏東胡諸國地。

秦 置漁陽、上谷、邯鄲、鉅鹿、右北平等郡。

漢 分十三州。此亦爲幽冀兗三州。後漢因之。晉仍屬幽冀兗三州。

五胡 石勒慕容暉及苻堅所據。堅敗屬慕容垂入元魏。高齊據之。併於宇文周。隋 涿郡、上谷、漁陽、北平、安樂、河間、博陵、恆山、信都、趙郡、襄國、武安、清河、武陽、渤海等郡。

唐 河北道。天寶後爲范陽、盧龍、及成德、魏博、義武、橫海、諸藩鎮。

五代 石晉割燕平諸州入於契丹。周世宗復三關。以白溝河爲界。

宋 仍爲河北路。後分河北爲東西路。最後滅遼建燕山路。

金 初仍宋制。廢主亮定都於燕。因改置中都等路。

元 初置燕京路。至元四年改大都路。置中書省統山東西及河北地。

明 洪武初置北平等處承宣布政使司。永樂元年建北京。十八年置北直隸。

清 置直隸布政使司。通商後直隸總督兼北洋大臣。由保定移駐天津。

## 第二篇 位置

### 第二章 直隸之經緯度

直隸居大中華之中。南爲內地列省。北爲內蒙各區。東爲關東三省。西爲山陝甘回藏。在天爲溫帶之中。南起北緯三十五度之北。北至北緯四十一度之北。東至偏東三度之東。西至偏西二度之西。以四道之天度約言之。則大名道在南。口北道在北。津海道在東。保定道在西。凡經度不同。則節氣之時刻異。偏東者見日過子午線恒早。偏西者見日過子午線恒遲。度分不同。是爲時差。北緯之數。卽北極出地之數。有清康熙四十年命西人費隱雷孝思社德美所測直隸各縣之度數。後出輿圖皆從之。

#### 經緯度四至之極點

最南	東明縣	金堤集	北緯三十五度五分。
最北	赤城縣	獨石口	北緯四十一度一十八分。
最東	臨榆縣	梨樹溝	偏東三度四十五分。
最西	阜平縣	射虎山	偏西二度四十一分。

直隸之經度

中線偏東 天津省城

偏東三度以東 臨榆縣

中線偏西 保定道治

偏西二度以西 阜平縣 平山縣 井陘縣

直隸之緯度

北緯三十五度以北 長垣 東明

北緯三十六度以北 大名

北緯三十七度以北 邢臺

北緯三十八度以北 清苑 正定

北緯三十九度以北 天津

北緯四十度以北 宣化 遵化

北緯四十一度以北 赤城 萬全

### 第三章 直隸省之四界

直隸省經度橫列七度。東西相距廣一千二百二十里。緯度縱列七度餘。南北相距袤一千四百七十五里。形式略成句股形。包京兆在內。由東北臨榆縣。西南延至東明縣。爲弦線。由西南長垣縣。北延至懷安縣。爲股線。由西北爲萬全縣。東延至臨榆縣。爲句線。統京兆計之。面積總計四十五萬八千六百九十四方里。係依據大清一統志里數。又據龔柴中國方域考。作三十七萬二千餘方里。相差過大。須俟將來經界實測。始有正確之數也。

#### 直隸之四界

東盡渤海 直隸灣起於秦皇島。最東點梨樹溝。更在關東。突入奉天熱河之間。  
南及黃河 黃河之南。以金隄爲天然之界。孤懸河外者。惟東明一縣。突入河南。  
西倚太行 井陘以西。以娘子關爲重。阜城則以龍泉關爲要。  
北連邊塞 獨石口地屬赤城。昔設廳。轄境皆在境外。今移治沽源。畫長城爲界。  
中包京兆 京兆東南西及西北。皆爲直隸境。惟東北界熱河。亦直隸舊屬也。

直隸之周界

東北臨縣界奉天省。以山海關分界。由長城盡處起。迤西南經撫寧昌黎樂亭  
灤縣豐潤寧河天津滄縣鹽山諸縣。至老黃河口止。皆瀕於渤海。

東南由鹽山起。迤西南慶雲南皮寧津吳橋景縣故城棗強清河威縣廣宗曲周  
廣平大名南樂清豐濮陽東明諸縣。與山東省爲界。

西南由長垣起。迤北東明濮陽清豐大名成安磁縣邯鄲永年沙河諸縣。與河南  
省爲界。

西由沙河起。迤北邢臺內邱臨城贊皇元氏井陘平山靈壽阜平涞源蔚縣陽原  
懷安諸縣。與山西省爲界。

西北懷安萬全宣化龍關赤城延慶諸縣。北抵長城。與察哈爾區爲界。  
內自延慶懷來涿鹿涿水新城新鎮文安大城靜海天津寧河玉田遵化諸縣。環  
抱如玦。界於京兆。

東北以遵化遷安撫寧臨榆諸縣。北跨長城。與熱河爲界。

### 第三篇 地文地理

#### 第四章 直隸疆域區畫形勢

直隸省疆域廣大。雖京兆地方及東北之熱河西北之察哈爾。自成行政區域。然總計四道一百十九縣之數。實埒於舊日南直隸。今日江蘇安徽之地。因蘇皖兩省。各六十縣。合計一百二十縣。比直隸只差一縣耳。是以全省形勢而論。津海道爲海疆門戶。惜天津租界。除德奧外。其餘尙未收回。主權不完。大沽礮臺。久已撤毀。門戶洞開。保定道居太行之麓。有大陸之魁。大名道南接中原。久成腹地。口北道爲北門鎖鑰。外接興和。扼全蒙之樞紐。故自古重之。長城萬里。如示諸掌也。

津海道屬縣三十二。有京津平原。永遵平原。河間平原。

天津。滄縣。青縣。靜海。南皮。鹽山。慶雲。七縣。原屬天津府。

河間。獻縣。肅寧。阜城。景縣。交河。任邱。寧津。吳橋。故城。東光。十一縣。原屬河間府。

遵化。玉田。豐潤。三縣。原屬遵化直隸州。文安。大城。新鎮。寧河。四縣。原屬順天府。

盧龍。灤縣。遷安。撫寧。昌黎。樂亭。臨榆。七縣。原屬永平府。

保定道屬縣四十 有清苑平原。

清苑。滿城。徐水。定興。新城。唐縣。博野。望都。容城。完縣。蠡縣。雄縣。束鹿。高陽。安國。安

新。十六縣。原屬保定府。易縣。涞水。涞源。三縣。原屬易州直隸州。

正定。獲鹿。井陘。阜平。欒城。行唐。靈壽。平山。元氏。贊皇。晉縣。無極。藁城。新樂。十四縣，

原屬正定府。定縣。曲陽。深澤。三縣。原屬定州直隸州。

深縣。武強。饒陽。安平。四縣。原屬深州直隸州。

大名道屬縣三十七 有大名平原。深冀平原。

大名。南樂。清豐。東明。濮陽。長垣。六縣。原屬大名府。邢台。沙河。南和。平鄉。廣宗。鉅

鹿。唐山。內邱。任縣。九縣。原屬順德府。永年。磁縣。曲周。肥鄉。雞澤。廣平。邯鄲。成

安。威縣。清河。十縣。原屬廣平府。冀縣。南宮。新河。棗強。武邑。衡水。六縣。原屬冀

州直隸州。趙縣。柏鄉。隆平。高邑。臨城。寧晉。六縣。原屬趙州直隸州。

口外道屬縣十 多山地。平原甚小。

宣化。赤城。萬全。龍關。懷來。陽原。懷安。蔚縣。延慶。涿鹿。十縣。原屬宣化府。

## 第五章 直隸太行山脈

直隸太行山脈。自山西砥柱析城王屋來。南起河南山西三省交界之黃澤關。昔人稱太行首河內而北至幽州。今屹立於河北大平原之西。綿亘如長城。煤層深厚。臨城已著。其重險則有井陘。爲自古用兵之阨塞。今娘子關已鑿山通鐵軌矣。平山唐山內邱。皆因山名爲縣名。蓋太行東麓山勢。並向平原徐徐傾斜。平山縣有抱犢山。高不可攀。往者亂時人民。多避難於此。獲鹿元氏二縣之交。有封龍山。卽晉軍大敗石勒處。太行幹脈由山西轉五臺。以接於恒山。太行幹支各脈。皆巨蟠於滹沱之南焉。

### 太行山之各支

滏山 滏河之源。磁縣陶土所出。由河南武安縣太行支脈所分。俗作鼓山。

玉峯 在鼓山北。東迤爲邯鄲南之車騎關。東北迤爲沙河南之臨洛關。

鶴度嶺口 山勢簇於西黃村。東迤至內邱邢臺唐山漸落平原。

贊皇山 自黃榆山分支至贊皇。其東南卽臨城煤礦。五馬山有石馬五。

十八盤嶺口 元氏之正西。

封龍山 元氏之西北。

故關 昔年直隸赴山西之驛路。

娘子關 今正太鐵路自直隸入山西第一隧道。鑿山通軌。然尚在太行之腹。再經數洞。始陟太行之脊也。

井陘山 在井陘縣北。

井陘關 在井陘縣東北。

平山縣 山中多平地可居。如七里坪槐樹坪之類。

獲鹿山 昔太行多產鹿。故以獲鹿名。今日絕跡。東鹿則去之彌遠矣。

太行山脈之脊。多在山西省。詳大中華山西省地理志。山西之地。多跨山脊之東。是以滹沱河漳河諸巨川。皆發源於山西境。上游陵谷坂塹。建瓴勢促。水道不移。年來滹沱諸河。山西省已實行開渠。以蓄水利。又獎進林業。以開山荒而涵水源。今觀直隸各山。林業尙多遺利。苟官府實心行政。不以清明植樹節爲具文。他日登彼太行。翠繞羊腸。嘉蔭與召伯甘棠並永矣。

第六章 直隸北嶽山脈

直隸人習見太行恒山。綿亘燕晉之間。每概括爲太行。不知禹貢太行恒山并列。自五臺以東。滹沱以北。均應屬之恒山。京西諸山。皆恒山系。恒山正脈。實在曲陽。自漢迄明。皆祀北嶽於此。漢諱恒稱常山。前明弘治六年。移祀渾源。蓋曲陽之西北。重巒疊嶂。直連倒馬關。大白山。平刑關。與渾源相接。皆恒山之幹。分紫荆關泰寧山至易縣。是爲西陵。秦陵磅礴雄厚。想見雍乾民物之阜。迤於崇陵。夷爲平麓。光緒變法。隆裕遜政。坦坦然若平民平等焉。荆軻山樊山崛起。渥丹如血。足以見北方之強矣。

歷代北嶽考畧 顧亭林北嶽辨。闔百詩北嶽。中嶽論。皆主張在曲陽者是。

漢書 常山之祠於上曲陽。漢北嶽恒山碑。文字殘滅。而光和四年。尙能辨識。後漢書 章帝幸中山。遣使祠北嶽於上曲陽。

隋書 大業四年秋八月辛酉。帝親祠恒嶽。

唐書 定州曲陽縣。元和十五年。更恒嶽爲鎮嶽。唐開元碑文。完全可誦。

宋 契丹毀廟。宋人重修。王錫祺謂宋失雲中。不能至渾源。假飛石以文其陋。

北嶽之主峯

大茂山 山趾距曲陽城西北一百四十里。綿亘幾三百里。嶽頂曰天峯嶺。

玄石冢 當飛石西北百餘里。即飲中山千日酒之處也。

北嶽之大支

小五台山 由渾源南之恒嶽東迤廣靈南靈邱。北自驛馬嶺入蔚縣至此。

浮圖峪 由蔚縣翠屏山經黑石嶺及涑源之涑山至峪。南有馬耳山抱陽山。

紫荆關 爲狹易之要衝。古人以蜚狐口爲重險。東迤爲西陵諸山。

天橋關 小五臺東。自烏龍溝口經斷口。至長城關口。東爲京兆界齋堂山西山。

附五臺之東支

射虎山 康熙幸五台射虎處。山倚長城。爲山西省界。西有射虎川。爲山西地。

龍泉關 自東臺分支至此。爲直隸朝五臺必由之道。

安子嶺 有關。西有大教場。近於下嶺東南兩嶺口。亦爲扼塞之地。

茨溝營 山勢與長城接。當東臺之東北。

## 第七章 直隸涿鹿山脈

直隸自黃帝邑於涿鹿之阿。始因山以設險。大都會必以大山脈爲屏蔽。自恒山以北。山脈之大者。莫重於涿鹿。黃帝破蚩尤。逐葷粥。統一九州。肇基於此。萬全東北支有野狐嶺。爲金元用兵處。內外邊牆。倚此爲險。雞鳴山之煤。龍關之鐵。鷹平口之石棉。足見此山蘊藏之厚。新發見黑蛇山大閣山各銀礦。亦其支脈。燕然山取班固之名。非大漠以北之燕然山。土木堡諸山。則明季之國恥也。八達嶺爲直隸京兆分界地。京綏隧道所通。爲京師之北門鎖鑰焉。近代地圖。多以此山入於陰山山脈。

### 第一支 自山西大同天鎮來

虎窩山 在陽原懷安之間。南爲榆林山。東爲熊耳山。皆在桑乾之北。南洋河南。

熊耳山 在虎窩之東。非禹貢之熊耳。東爲十八盤山。在託台水東。

龍洞山 在十八盤東北。其北有瓦窩山。東有孤山。至舊保安城。

### 第二支 自察哈爾區張北來。直接尼出衮山。

洗馬林 有邊堡扼長城。

虞臺嶺 相傳大舜北巡至此。

翠屏山 拱列萬全城西北。

張家口 山脈自塞外察漢託羅海嶺來亘於河西口即山脈之斷處。

第三支 自察哈爾區沽源來。直接馬尼圖嶺。

東望山 東連萬峪。西連西望山。爲宣化北屏。雞鳴山近新保安城。即古涿鹿。

龍門峪 在萬峪東。有龍門關。昔龍關縣。今改龍門。南有燕然山槍竿嶺。

土木山 在懷來之西。附近有山產礬。

拂雲山 在赤城西南。北接口外馬尼圖嶺。各堡沿邊。其南鵬鸞堡。

佛峪山 在槍竿嶺東。又東爲擎笏山。又東北爲大海沱山。南爲延慶城。

黑漢山 在大海沱山之東。其南爲梁山。僻在延慶東。內外邊牆之隅角中。

獨石山 自馬尼嶺東南入界。今察區移獨石縣於口外稱沽源。獨石仍在境上。

鎮寧口 在獨石東南。又南有鎮虎嶺。鎮安等口。依山爲長城界。於熱河界。

龍門所 在鎮安堡南。又南有滴水崖。又南有寧遠堡。

第八章 直隸燕山山脈

直隸古號燕山。因山名爲國名。主峯在玉田西。今遵化西北。距城七十里之瑞昌山。爲清室之東陵。森林蕃植。禁止芻採。國變以後。山荒墾爲民地。喬木濯濯。鄰近水災益重。其南分二支爲開平。爲唐山。卽全國著名大煤礦。其來脈則由西半壁山遙接長城外。熱河諸山而遙接陰山。古名幽燕幽都。有幽陰之義。其小黑山一支。近時發見銀鑛。又產磨玉之沙。鐵礦亦富。其東有灤縣煤礦一大支。爲中國人自辦之大礦。近則合稱開灤。至於自造塞門德士。則有啓新洋灰公司。各地圖。或以此山脈爲盤山者。今從古稱燕山之主峯之脈。

中峯 玉田西北二十五里。當京兆薊縣之東界。昔人燕薊并稱以此。

近脈 東接娘頂山在遵化之南。

過脈 北接羅文峪龍井關。跨長城而過。

遠脈 直接塞外五龍山北至鞍子嶺。蝦蟆兒嶺。

支脈 由五龍山南分馬蘭山大安嶺各支。

燕山之北支

馬蘭峪 有馬蘭關。馬蘭鎮總兵駐之。西接京兆界。有天台山。在峪南。鎮以石門。

廟兒嶺 西接東陵風水禁地。東南有大鹿洞。雄峙長城之羅文關。南至城子峪。

葦子峪 在羅文峪東。又東爲馬蹄峪。東北有洪山口。直接龍井關。臨灤水西。

新開嶺 廟兒嶺東北。東有車道峪。所謂寶地者。堪輿家所重也。

楊樹嶺 新開嶺北。南有小超子嶺。東南有羊羔峪。白虎山。

石灰山 楊樹嶺東北。分水梁之東。突出熱河。距承德不過三十里。

燕山之南支

鐵廠山 自馬蹄峪東南分刀山莊。經澄化東之西山店。至鐵廠山。

唐山 自鐵廠南有腰帶山。入豐潤境。經縣北壇子山。又南至唐山。因唐姓得名。

開平 在唐山東。又東有古冶。煤田不在深山。故便於轉運。北有白雲山。栗園峯。

林家峪 西山東爲駱駝山。至林家峪南。有青山并。高峻。

長嶺 綿巨灤縣之西。其脈甚長。如祁家嶺。茨榆陀。隨地異名。

第九章 直隸碣石山脈

直隸碣石山在昌黎之西。虜龍之南。昔禹貢太行恒山之脈。至碣石盡於海。九河入海。亦以碣石爲標準。後碣石久淪於大海。今之碣石。仍用古稱。乃碣石山脈中之一山。蓋碣石亦山脈。其跨於長城之外者。爲松嶺山脈。東迤於海濱。山盡於海。是爲山海關。餘脈爲秦皇島。岡陵起伏。與萬里長城相應。西一支曰喜峯口。盤亘灤河之東。其脈來自熱河。與克勒嶺相連。或謂熱河奉天近於渤海諸山。皆碣石山之支系。惟塞外山川。雜以滿語。蒙語。名稱。攀牙。宜乎遷客南歸。望喜峯而喜。今移民出塞。亦望喜峯而喜矣。

碣石山各支

沙崖 在樂亭之東南海岸之山。陷落入海。皆沙爲之山。

桃李山 在樂亭北。昌黎西。桃李莊有桃李園。山不在高。有果樹則勝於良田。

仙人臺 在碣石西南。附會神仙。或高士處亂世。有託而逃也。

盧龍山 盧龍縣。因古人盧龍之塞。以黑山當之。

鳳皇山 在撫寧西。近代鳳鳥不至久矣。

白塔嶺 爲昔日驛路。今在京奉車中望見之。

山海關 背山面海。平原通一線路。故稱要害。連峰似蓮蓬。北戴河避暑地。

石門砦 在山海關西。北有城子峪。義苑口。納子峪。皆沿長城。

平山營 在石門西。北有葦子峪。古車峪。皆沿長城。

箭桿嶺 在古車峪西北。跨長城內外。二水夾流。

開連口 在前桿嶺西。跨長城內外。南有抬頭營。

青山口 在開連西。跨長城。城南接青山營。西有重峪口。東峪口。

桃林口 在東峪西。又西有劉家口。徐流口。河流口。跨長城列堡。

冷口 在河流西。有石門峪。白羊峪。擦崖。長城相聯。其南即遷安縣城。

城子崖 在擦崖西。長城內有太平寨。

榆木嶺 其西又有青山口。青山營。或以東西別其重名。

董家口 在青山西。其西爲鐵門關。

喜峯口 在鐵門西。其西有潘家口。臨灤水東。

第十章 直隸白河所匯諸水

直隸之白河。本禹貢九河之北。或稱北河。今通稱白河。北運河上源之白河。出察哈爾沽源縣馬尼圖嶺。入塞。經獨石口赤城縣。出塞。經熱河南境。入塞。經京兆境。會諸水爲北運河。由通縣下注。至天津。會南運河。今衛河通舟航。運最盛。爲南北大幹。永定河又北名渾河。由京兆入境。至北倉。會於北運。西河曰子牙河。上源即滹沱河及滏陽河。俗稱沙河。又大清河爲保定天津開運道。上游有琉璃白溝。濼易豬龍河諸水。源流亦盛。共計南、北、西、渾、清、五大河。會於天津。東曰海河。出大沽。北則新開金鐘河。以出北塘云。

天津水災以後河務之要政

津埠 周遭築圍牆。以防水害。庚子聯軍毀城以後。限制不再築城。故曰圍牆。

各河 一律改建新式閘座。以便啟閉宣洩。并備挖泥船。挑挖河底泥沙。

新開河 設法挑修。將將上口建閘改壩。下游另開新河六里。直入金鐘河。

南運河 東隄大蔣莊漫口已籌備物料堵塞。

馬廠閘 由第八師開放。

鐵帽橋 灶戶築捻即平毀。連司石閘亦毀。改建木椿浮橋。

葛沽 附近民埝。首應剷除。上下游阻水堤埝。一律拆平。

大沽 萬年橋至馬廠減河。所有阻水民閘民埝及漁斷。應一律拆去。

沿減河 一帶唇埝。將來亦須平毀。

九空閘 遴委員管理。以時啟閉。倘查有情弊。或經人告發。立時撤懲。

金鐘河北閘 如不提放。軍糧城一帶。積水不能下洩。由河務局設法提開。

小站減河 鐵帽橋迤上。殷家港地方。疏通俾水過鹽灘。由通口入海。

新城小河 入靳官屯減河處。至鐵帽橋有河身淤積甚高。應即挖深。

子牙河 距馬廠最近處。挖通南運。導入靳官屯減河。於小站上游。另開河入海。

大清河 與子牙河之間。石口北。台頭南。闢一新河。

獨流鎮 子牙南運相距最近處。挖通。并建閘座。

三叉河 至院署前裁灣取直。南運河與北河自大王廟向院署前挖通。

八里台 仍照土圍舊蹟修復。建一小閘。以便船隻出入。

第十一章 直隸滹沱漳滏之變遷

直隸滹沱漳滏之變遷。自古爲滹沱漳滏灌漑。滹沱漳水。上源皆出自山西太行山斜面。建甌勢促。陡落平原。滹沱自藁城以下。或東北經深澤安平饒陽河間。與豬龍河平行。以灌白洋淀。或東南經東鹿寧晉之間。而趨寧晉泊。以南北兩溢。卽爲滹。其間百數十里。爲壑。蓋南道合漳滏入運。爲明成化故蹟。凡十數徙。至清同治七年。乃循古洋河長堤入淀。光緒七年。改中道逕深澤至安平。分二道復合。逕饒陽城北。獻縣西朱家口。至南紫塔。歸紫陽河。而滏陽河自西南來。會至第六堡。大清河亦挾兩淀滙焉。此近十年新道。滹沱近世之變遷。輿地課程。謂滹沱爲禹貢恒水。桑乾爲禹貢衛水。姑存其說。

成化八年 由正定出晉縣紫城。口南入寧晉泊。

正德十三年 紫城。口塞分二股。一仍入泊。一東溢。由東鹿。鴉兒河入滏。

順治十三年 南徙。由晉縣南洲頭村。逕東滏百尺口入滏。雍正三年。衝東鹿城。

乾隆二十四年 南徙入泊。三十三年以後。經晉縣經王口。至冀縣王家莊合滏。

同治七年 滹沱北徙。漳水南遷。北道遂絕。漫流於深安饒數縣。

同治十年 循古洋河入滏故道。南北兩堤。均藉修葺。連綴爲兩岸。

光緒七年 開饒陽新引河。由朱家口至南紫塔。凡三十三里。以歸於子牙河。

### 漳水之變遷

禹貢 冀州衡漳。卽導河之北過洺水。在今臨漳廣平間。大陸卽今寧晉泊。

遷流 由臨漳成安肥鄉曲周雞澤平鄉南和任鄉寧晉冀州衡水交河入滹沱。

北道 一併滏洛渚水。逕大陸澤寧晉泊。以匯滹沱。卽今滏陽河道。

中道 一由臨漳東北流。逕廣平冀瀛諸縣。匯滹沱入運河。俗稱老漳河道。

南道 一由臨漳東逕大名。抵山東合運河。卽今日漳之新道。

水患 成安首當其衝。肥鄉灌沒五次。曲周雞澤亦曾浸陷。深縣因此徙治。

老漳河 古屯氏故道。入青縣杜林鎮合滹沱。下游通千金泊。以達子牙河。

### 滏水之變遷

昔日 入漳之支水。白漳南徙。始匯廣平順德趙冀三十餘縣之水。成一巨流。

今日 流暢勢穩。上游邯鄲磁縣引渠灌溉稻田。下游通船。有百利無一害。

## 第十二章 直隸北運河之變遷

直隸北運河。自南漕停運。多年失修。河槽淤敗。通縣以上。節節梗阻。民國初年。遂有李遂鎮之決口。大溜由箭桿河直趨薊運。海河水竭。航路甚危。各國公使援引辛丑條約。以抗議於我政府。謂北河之水全歸北塘。海河不得受入。此水係惟一清流。可抵抗渾河之濁流。今無此水。致海河之底增高。輪船往來必致停止。請政府速撥經費。引歸故道。政府允辦。工竣復決。公使有聯銜照會辦法三條。順直省議會。又條陳六項。乃議論久而興工遲。治河利害關係鉅。不容不審慎也。

各國公使照會三條 政府概行照允。

- 一 須設立水利委員會。酌核解決直省水災全部問題。有效長久之法。
- 二 須將北運河水溜復歸海河。開挖牛牧屯新河。便可根本治理。減少海河淤沙。
- 三 須將天津城以上之北河灣。應行取直。並將御河口改修。

順直省議會討論六項

- 一 添闢尾閘 擬由楊村鐵道二十四號鐵橋下。朱莊迤南奔宜興埠。挑挖引河。

使入新開金鐘等河。以爲北運尾閘。而免受永定渾流之阻。

二疏濬青龍灣減河。擬由青龍灣堤西之月隄。李家牌樓村起。沿月堤向普濟

上游。挑一引河。直達七里海。以順水溜而省工費。

三挑濬七里海引河。擬由樂善莊向東南至葛樓沽止。挑挖引河。由薊運入海。

四疏濬筐兒港減河。擬將人民近來沿河私築之月隄閘口。一律堵塞。並疏通

下游。以資宣洩。

五規復通縣減溝。擬將民國二年堵閉鮎魚溝決口時。所連帶堵塞之舊有減

溝。仍行規復。並築石壩。使入鳳河。以洩連河兩岸之水。

六裁灣取直。擬堵李遂口。將河南村挑挖。引潮白入故道。並改直王指揮莊河。

順直水利委員會。定開牛牧屯新河。青龍灣新河。各屬紳民復集合討論。

一箭桿河設置洋閘兩門。分六百八尺立方之水。使入薊運。

二青龍灣另闢新道。以南堤爲北堤。

三新河槽下游由潘莊俵口村。及北淮魚甸路線。使由北塘河入海。

第十三章 直隸南運河之流域

直隸南運河。在明兩代。飛輓江浙各省之糧。號天庾正供。百官之祿。六軍之餉。皆資焉。近代運廢。河徙。山東東昌之運道淤斷。今輪船猶上溯至山東德縣。帆船猶上溯河南道口。不若昔年水運之盛。南運河止流在境內者。皆可航輪船。水量多於北運。然天津大水災時。所有沿運河津沽鐵路車站。若楊柳青。良王莊。獨流鎮。靜海縣。皆淪若大澤。津浦之客。改由輪船以赴陳官屯。為是以南堤之築。中外僉以為不可緩。開馬廠經小站出大沽之減河。乃知古時滄青一帶。有減河出岐口。即神禹播為九河之遺意也。

沿運河各地

楊柳青 運河當天津西南昔年本在三角淀旁。今去淀遠。水無所容。故溢。

良王莊 昔年大王莊濱河。或稱梁王待考。

獨流鎮 子牙大清合流。堤西被水。或掘堤東放。堤東淹堤西不涸。

靜海縣 老於經驗者。稽核縣志。洪水每三年一次。

陳官屯 或作陳唐莊。為沿海下游之高地。

唐官屯 河身淺縮。如咽喉堵塞。

馬廠 減河東五十里有灣河橋。下流小站臨河。經新城南至大沽入海。

青縣 縣北靳官屯在馬廠之北。減河水小即閉。

興濟 東分減河一支出岐口。久壅不通。

姚官屯 槽身闌淤。堤岸敗壞。

滄縣 縣南捷地屯。分減河第二支出岐口。又名絕隄運河。

磚河 運河爲人力所成。恐河岸土崩。則砌磚石爲岸。較爲鞏固。

馮家口 私家開河口以灌漑者。必爲勢豪。此五代長樂老馮道之故居。

泊頭鎮 北距老漳太近。運隄宜增高培厚。

南霞口 年來南運七縣。決口至六十處之多。此口以上。水患稍輕。

東光縣 宣惠河無源。一由靈霖積潦。一由於南運東決。

連鎮 民國六年出險。俗傳黃河灌入者。係指民埝非黃河也。郵圖作連窩鎮。

安陵 站東有減河第三支岐口。

第十四章 直隸灤河老黃河諸水

直隸諸水不屬於白河源委系統者東北惟灤水。若東南老黃河則無異南運河分流。蘇河河則無異北運之別派。且由北塘口入海。灤河長於白河。熱河乘其上源遷安盧龍灤縣樂亭四縣農田受其賜並蒙其害。盧遷居十之二。灤樂居十之八。蓋自潘家口入長城。趨向東南。河谷閒不少沖積之地。盧龍山脈與盤山對峙。尙不爲患。自灤縣城北五里偏涼汀而南。平原沃野。直接海濱。水田無際。旱年亦可望中歲。然當盛暑大雨兩岸每成澤國。且淤墊不濬。十餘年輒改道焉。亦由上遊無森林涵水源也。

灤河之源流

上都河 察哈爾多倫縣發源。千迴百折。會大川數十。源流之長。過於白河。

熱河 熱河平泉縣白頭山發源。經熱河城。合避暑山莊之溫泉台。東南入灤河。

灤河口 在熱河城東南二十里。始通舟。柳板爲之。尖如橄欖。無帆亦無篷。

灘險 閻王哨。煙筒哨。土洞子。清河口。老婆哨。透水壺。門子哨。皆在熱河境內。

潘家口 由灤河至此三百六十里。入長城。有石壘設稅局。地勢開展。如出峽然。

遷安縣 灤河水量益增。又過大峭數處。以三道門坎爲奇險。長四五里。

灤縣 潘家口至遷安二百五十里。遷安至灤縣一百二十三里。

孤竹嶼 遷安東南二十里。即入盧龍界。夷齊廟在灤河濱。河中孤嶼孤竹君祠。

偏涼汀 灤縣城北。京奉鐵路大鐵橋亘其上。由此而南。山盡而水無所收。東矣。

灤河口 一自樂亭北東南流入海。二自樂亭西分爲老米溝。新開口。各入海。

### 老黃河

來源 山東德縣分支東出。名鉤盤河。東流經吳橋城南。又經寧津城北。

宣惠河 老黃河經慶雲城南。東北流。宣惠河自東光東南經鹽山來會。

老黃河口 清隸山東分界處。黃河自河南入界。僅百餘里。入山東另詳後章。

### 薊運河

正源 出薊化東北龍井關南山。合沙河。馬蘭河。沽河。淋河。入京兆薊縣界。

支流 合京兆盤山水。平谷水。三河諸水。入界。合玉田水。及豐潤之還鄉河。

入海 遷化南沙流河來會。又西南至豐台。東南經蘆臺。至北塘河口入海。

第十五章 直隸海岸線各港

直隸東臨渤海。直隸海峽。遠在奉天旅順山東蓬萊間。觀開平臨城煤礦所得螺蛤可證。滄瀛成陸。皆由山水沖積。洪水以前平原無異渤海。今渤海北岸。皆山崖。是以秦皇島爲不凍之港。其他去山脈遠。若灤河口。亦因沈澱三角洲。分三口。白河匯五河爲一。沈澱三角洲更大。是以分爲大沽口。及北塘口。老黃河口一帶。時因黃河流出之沙。爲潮落所鼓盪。逐漸淤高。將於陸地相連。今測視大沽口外。吐出泥沙。長約五海里。或變爲桑田。岐口亦較大沽口爲高。渤海全部。皆我領海。實海軍主權所繫焉。

渤海北岸諸小港

蒲河 出昌黎西北山。東南至蒲河口入海。

洋河 出邊牆外二源。其東北源南流入箭桿。其西源南流入開連口。東合而西。南流至拾頭營之南。西北一水。自青山口東流入。南經馬谷營。遂合而南。經寧城西。折而東流。至洋河口入海。

牛頭崖河 出撫寧城東北。南流入海。

湯河 二源出邊外。一入納子峪。一入葦子峪。合流南經海陽鎮。又東南入海。

北戴河 今爲深河。源出蘇子峪。至戴家河入海。庚子爲德兵所據。今爲避暑地。

石河 即古渝。河源出邊外。二水。一由城子峪口西南流入。一西北自義苑口東

口東南流入。經石門寨東北合而東南。經山海關城西南入海。

以上灤河以東諸水

清河 出灤縣西北境。南流經賁城之東。又東經高各莊及馬頭營西。又南入海。

蠶桑口水 長閘口水 二水最微細。

素河 一名古冶河。出古冶之西。二源合流入海。

灤河 一名陵河。兩源出灤縣榛子鎮之東北山。西北流。有一小水自北來會。經

古冶開平稻地之西。南入豐潤縣境。南流至神堂之東入海。

以上灤河以西諸水

大沽口以南 惟岐口爲石牌河。滅河。母豬河。三水入海之口。

老黃河口 卽本省與山東分界處。

第十六章 直隸之水泉淀泊

直隸古有大澤二。一曰大陸。見於禹貢。寧晉諸泊。皆昔日大陸之湖。二曰涿易。見於周禮。職方。今大清河附近諸淀。爲涿易巨浸枯竭之殘形。昔日水鄉。漸成陸地。膏腴易墾。居民日多。然無大湖以蓄水。於是南運以西。永定以南。數千百里之地。一經河溢。河決。村廬田野。悉爲澤國。開衛洛襄冀趙深定以迄滄瀟津沽。胥占滅項。全省人民三千萬。困於水者二千萬。四十六萬方里。陷於水者三十餘萬方里。大澤之滙。民所恃以爲利者。或轉而受其害。鑿井灌田。每井可澆三十畝。千畝之村。約需三十井云。

大陸澤所滙諸水。滙於唐山任縣平鄉鉅鹿間。附近俱溢地。北洩新豐河入寧晉。

滏陽河 出磁縣經邯鄲永年分二派。經曲周雞澤平鄉三縣而入澤。

洛河 出河南武安西界之山。二源曰南洛。曰北洛。經臨洛關永年平鄉入澤。

沙河 出十八盤山東南。合灋河七里河。經沙河縣南和縣西入澤。

百泉河 出邢台西南。分一支北會牛尾河。經任縣城東南入澤。

小馬河 出內邱西。東流經唐縣南。而東南入澤。

寧晉泊所匯諸水 瀦於冀縣新河寧晉三縣

泆河 出臨城西南鵠山經縣城南及庚山隆平之北東北入泊。

泆河 出贊皇山東流經高邑縣南更東流入泊。

槐河 一名沙河 出十八盤嶺口為野狐泉經贊皇元氏趙縣高邑寧晉入泊。

洨河 出欒城封龍山二源合全河經元氏合青龍河經趙縣至寧晉西南入泊。

滹沱河 與寧晉泊相吐納。

大清河附近諸淀

白洋淀 在安新縣南高陽縣北  
又名西淀

四角淀 在白洋淀東任邱縣西北

柴禾淀 在雄縣東南二十里

燒車淀 在新安廣縣城東十餘里

大澱淀 在西安廣縣城西北五里

蓮花淀 在雄縣西南十里高陽諸水所匯

五官淀 蒲淀 在任邱日五官淀在雄縣日蒲淀實一淀也距雄縣東南七十里任邱東北三十五里為饒陽安平河間獻縣肅寧諸水之所歸

神械營淀 在雄縣東南四十里

三角淀 在王慶坨西南號曰東淀

直隸各窪地 深饒窪 河間窪 文安窪 津沽窪 北塘窪

## 第十七章 直隸之氣候

直隸在溫帶之北。沿渤海濱。本海洋氣候。西北沿山。又爲大陸氣候。今測津保之間。高陽平原。每年平均五十一度上下。春秋兩季。各處適宜。冬季則口北之朔風怒號。霜雪先降。夏季則黃河濱沙地。反光迴熱。備炎涼之極點。然有時晝熱夜涼。晨被棉衣。午揮蒲扇。唯時無多。不易調攝。冬日河水皆冰。海口封凍。究爲交通之一阻。北人皆臥熱炕。南人則圍爐焉。蓋風烈甚於寒冽。即春風秋風。颺起塵沙。迷人之目。如墮烟霧。天地皆暗。學者或有空氣不佳之歎。冬季嚴寒。海濱亦成大陸氣候。農稼則兩年三穫云。

### 直隸四季氣候

春季 三月中爲融解期。白河冰解。最早在二月驚蟄。近擬用碎冰船行津沽間。

夏季 四五月爲乾燥期。白河水枯潮落之時。吃水三四尺小輪。尙難出入。

秋季 七八月爲雨澤期。白河水盛潮滿之時。雖吃水十尺輪船。可自由航行。

冬季 十一月爲冰凍期。白河大雪節結冰。一晝夜厚五寸。近十年來。冬日較暖。農業專門學校。因春假農事。初興。暑假農功忙碌。兩期正好實習。移併假期於年假。

直隸氣候之異

大寒 京兆居庸關南冬日尙暖。一過山洞。地平驟然拔海三千尺之高。足見口

北嚴寒。或等於緯度較北之吉黑。風力或更強。長城以北。壩上風雪尤厲。

大熱 福建廣東。熱雖久。熱度實不甚高。本省沙河之濱。熱度之高。竟與閩粵等。

大雨 夏日大雨。或此村霽足。鄰村竟無一滴者。或挾雹以至。則禾稼受損。

大風 大沽口東北風緊。渤海波揚。漁船八百隻。風損五百隻。則魚價頓昂。

直隸農歌

藥河諺 莊家老。不可誇。只怕六月二十八。

蠡縣諺 芒種三天見麥槎。本指後三天。今前三天即搶收麥秋矣。

涑水諺 清明要晴。穀雨要淋。

祈雨之俗

雨雪公牘 各縣每月得雨得雪若干。均須按月具報。糧價漲落。與此大有關係。

農會祈雨 各縣農會。每遇大旱。徇農人之請。徇舊俗。祈雨。縣署亦設壇致禱焉。

第十八章 直隸之地質

直隸地質自下而上約分六層。一爲花剛石。花剛片石。角閃石。綠石。各石內均無古蹟。即太古之火成岩也。此層多產五金。二爲灰石粗石泥板石粒石英。即甘布連紀亦產五金。灰石內有三葉蟲。又有黑點火石。三爲灰沙石粗石泥板石。即炭精紀。產煤或鉛。其石內有石蘆葉。魚鱗樹。鳳尾草。螺蛤珊瑚古蹟。四爲灰石沙石泥板石。即朱利士紀。亦產煤而質不逮炭精紀。內有沙穀棕樹葉古蹟。五爲粗面石階形石。思安石。即近代火石也。第六層則爲黃土層。禹貢言厥土爲黃壤。易受雨澤。百穀繁殖焉。

直隸石層古蹟

三葉蟲。見涿鹿縣礦山。

鳳尾草 魚鱗樹 石蘆葉 見開平煤礦。

珊瑚 螺 蛤 見臨城煤礦。

沙穀棕樹葉。見易縣蔚縣各礦。

直隸北起宣化。西達清苑河。朔平原。皆太古內海。由黃河沖積流沙。造成平原。

直隸火山遺跡

北魏孝昌二年夏幽州遼縣地燃。今涞水縣北境。火成巖極多。

唐光啟元年幽州地有火。考弘州順聖縣境有火井。深不見底。炎氣上升。常若微電。若以草爨之。則煙騰火發。故名曰熒臺。今陽原縣南境。

北狼山火井。今懷安西之狼山。

火燄山。今延慶縣東。自此西向迤邐於白登。原爲一脈。

直隸之溫泉。火山區內必有溫泉。溫泉勞未必現。火山可作探山訪火之輔助。

赤城。西南十五里。稱赤城湯泉。穴經五六尺。沸如熱湯。寶濟鄉暖湯。七十二眼。

萬全。西南五十里。一曰沙城暖泉。涿鹿。縣南橋山下。其水炎灼。能愈百疾。

龍關。西南一名斂底湯。元魏曾建溫泉行宮。延慶。西北佛峪口出溫湯。

陽原。一名順聖溫泉。南流入桑乾。

井陘。北五十里。地名威州。村上有溫泉寺。

蔚縣。西三十里。號曰熱水。出綾羅澤。暖泉如鑑。嚴寒不凍。居人資以灌溉。

第十九章 直隸之礦物 參觀洋灰製造所記

直隸礦物以煤田爲最富。首推開灤礦務公司。在唐山開平。中英合辦。歲出二百九十七萬一千七百九十三噸。次推臨城煤礦公司。在臨城。中比合辦。歲出二十五萬九千七百零三噸。次爲井陘礦務公司。原有德僑漢納根股份。今收爲部省合辦。其他礦商各種事業不能充分發展。因經驗不足。治水計畫。諸感困難。磁縣彭城鎮附近百里居民。向以土法開煤謀生。自北洋煤礦公司成。小窰悉停。今山底村北。人民集資開煤。公司卽派隊勒令停工。今由實業廳核准立案發礦照者。共四十處云。

直隸各礦

金礦 遵化遷安最佳。人著者曰小石峪。曰三台營。曰紀家莊等處。十年以前久已著名。惟金少砂多。工最貴則利微。或但見浮露礦苗。未深求耳。寬河川亦著銀礦。遵化廟兒溝。小黑山爲最。昌黎河子澗村。盧龍黑淑山。臨榆車廠。赤城黑蛇山。陽原大閣。司銀礦均係新調查。唐縣高尖峪。銀澗。阜平吳王口。銀河村。銅礦 靈壽所采。前經試探。盧龍孤竹山出產頗盛。

鐵礦 龍關龐家堡。辛窰。發現鐵礦兩處。宣化煙筒山。發現鐵礦一處。產量亞於

大冶。距京綏路近。中央已派督辦。是爲龍烟鐵礦。又有永平鐵礦。由紳民自辦。

石棉 易縣西陵峨嵋山。俗名不灰本。梁格莊工人。取之以製白灰爐。暢銷京師。

錫礦 磁縣錫山。及涇源白石山。灤縣北山亦有之。均未開採。

礬礦 涿縣礬山。在縣東南一百二十里。出白綠礬。

鎢礦 遷安所產。質類江西贛南。鏹礦 遷安所有甚稀。不如湖南之多分。

錳礦 撫寧特產。較化錳出灤縣馬家溝。啟新洋灰廠所用之材料。

水礦 臨榆所產。即硃砂礦。白鉛 井陘礦務局相距二十餘里。

解玉沙 元精石 邢臺等縣產之。水晶 紫寶石 宣化產紫月烏。有裂紋。

磁土 磁縣彭城鎮。設立瓷業工場。工業試驗所。窰紫料。試驗陶瓷數年。就地取

材。工資燃料並省。水陸交通。運輸亦便。今已能仿製電瓶。

黏土 灤縣馬家溝附近產之。含有水珪酸礬土。並含碳酸石灰。炭酸若土。及酸

化鐵酸化錳等。唐山洋灰公司購之。開窰製磚。俗呼缸磚。卽南人塞門德土云。

第二十章 直隸之植物

直隸植物如柏鄉之柏。棗強之棗。臨榆之榆。藁城之藁。皆尋常植物。然以津海聚合而輸出者。則有花生及草帽繩膏梁酒。本省富於棉花。而棉紗棉布。猶爲舶來品之大宗。砂糖木材。亦由他國攘吾國所固有以爲利焉。日高陽李煜瀛論大豆。工莪爲中國製造所特長。如豆腐醬油。始於中國。製造未精。今參以科學之理。機器之法。如麪粉製糖。製油。製酒。製粉。製麪筋。製乳。皆最大工莪。豆油。豆餅。豆渣。豆漿粉。豆精。豆腐。豆腐乾。醬油。甜豆醬。豆芽菜。豆仁咖啡。凡數十種。遂爲大中華在巴黎第一製造廠焉。

直隸衣用植物

棉花 天津有植棉模範試驗場。邢台平鄉寧晉冀縣。衡水深縣。有分場。并發達。

藍靛 與德絕交。洋藍絕跡。望都等縣。恢復種靛。

紅花 二八月皆可下種。二月種者。五月開花。暴乾爲染料。

蘇麻 恆山東麓皆產之。本可作夏布。因不善漂白。專作麻包。爲包裹物品之用。

茜草 可染絳。紫草 可染紫。槐花 可染黃。保定道屬多有之。

直隸食用植物

穀類 直隸人民多數以黃米白麩爲正糧。高粱米。蕎麥麩。玉米麩。糜子米爲次。

糧。口北則以莜麥。麩山藥蛋爲糧。若稻米則沿河水田有之。花生盛於沙地。

蔬類 菘卽白菜。萊菔卽蘿蔔。秋種冬成。窖藏備卒歲之用。芥菜。蔓菁。播種同時。

皆十字科也。宿根草木刈而復生。則有春韭。爲百合科。芹爲繖形科。

果類 宣化葡萄酒。比於山西。涿源各山縣之棗酒。亦有特別風味。

藥類 東陵風水地。產益母。

菸類 易縣爲最。

直隸之森林

滿城完縣唐縣井陘獲鹿阜平靈壽平山易縣涞水涞源曲陽遷安

撫寧昌黎臨榆遵化灤縣邯鄲臨城沙河內邱唐山宣化赤城龍關懷來蔚縣延

慶陽原懷安涿鹿層巒疊嶂爲天然林區。

直隸之花卉

桃李梨杏有果者。各縣鄉民樂於種植。華而不實者。惟城市種之。津埠多售香花。

第二十一章 直隸之動物

直隸獻縣安肅。皆有麒麟塚。定縣東龍馬堤則稱馬產龍駒。撫寧則有鳳凰山。吾國上古動物之靈者。直隸皆有之。今滅絕久矣。易縣東南發現古物。爲近代地球所無。尙待研考。國貨之輸出者。則羊皮。牛皮。羊毛。駝毛。爲動物原料之大宗。沿海之魚介。本國不足食。每由國外輸入焉。絲織品。毛織織品。外人或因我原料製造。而復輸入焉。農家去害蟲不力。是以蝗蝻常見。地方不潔。則蠅蚊繁流。亦有碍於衛生焉。熱察兩區。業已分割。無大牧場。而家畜實爲農家副產。養蠶之利。自上提倡。庶幾歲有進步乎。

害蟲

蝗蝻 初夏亢旱時。蝻孽發生。飛蝗越境。青苗立盡。是以嚴抽或訂價收買。  
掃地王 滿城旱時最多。播種未萌芽時。恒蝕其食盡。

猛獸

虎 豹 狼 熊 今皆匿跡深山。不足輕出擾民。因鄉團漸多槍械。人民無復懼猛獸者。

益蟲

蠶 易縣山北鎮塘湖鎮並盛。磁縣獲鹿近年成績並佳。赤城陽原涿鹿亦有之。  
蜂 保定道屬養蜂者。每年滋生。家有百餘窩。收蜜至安國出售。

水產

河產 鯉 鯽

海產 蚌 蛤 蚶 對蝦 海蟹

山產

野味 雉 兔

玩弄 百靈 八哥

家畜

芻豢 雞 鴨 鵝 鵪 豬 羊

乘駕 牛 馬 驢 騾 駱駝

服務 犬 貓

第四篇 人文地理

第二十二章 直隸之種族戶口

直隸全省各縣戶數人口。據民國六年最近調查。四百四十萬零七千三百三十三戶。男丁一千二百七十九萬九千三百一十八。女口一千零三十九萬一千二百四十一。通計丁口二千三百一十九萬零五百五十九。種類以漢人爲主。前清駐防之滿人。皆同化於漢族。或冠漢姓無所別。惟省北沿長城一帶。漢蒙雜居。張家口尤爲漢蒙大市場。回教不盡爲回族。其由回疆移入者。至今猶自稱西域。否則但署清真。風俗亦多與漢人化合。藏族喇嘛。來者甚少。通商以後。東西洋商人教士。又立租界游歷內地矣。

直隸古時之種族 今皆同化於中國。昔日蠻夷戎狄雜居。其事猶著於正史焉。

蚩尤 黃帝時北方酋長。內偪阪泉。涿鹿。後世匈奴突厥契丹女真蒙古。禍始此。

山戎 偪近孤竹。今盧龍有孤竹。嶼夷齊廟。又有部落嶺。唐移黑水部居此。

白狄 中山鮮虞。古白狄地。今爲定縣。狄古通作翟。赤狄 晉曲梁。今永年。

蠻夷 燕王盧綰反。入匈奴。衛滿亡命。聚黨千餘人。推結蠻夷服。而東走出塞。

直隸八旗駐防地 旗民聚居滿蒙漢軍皆有。或建喇嘛廟。爲藏僧卓錫之地。

保定城守尉 滿洲蒙古世僕。悉冠漢姓。以表示五族共和。便衣皆從滿制。

滄州城守尉 漢滿締婚最早。天足會實以滿蒙爲先進。

東陵馬蘭鎮 旗圈界內有夾空荒地。經人民開墾成熟。今有公司領墾。

西陵秦寧鎮 八旗生計。藉墾地猶可自給。公產仍不得私行典賣。

京師五百里以內 內務府官莊宗室莊田。多在京兆境。直隸近於京兆者亦有。

山海關旗民雜處地 一曰旗圈。二曰旗租。三曰旗產。四曰旗荒。

天津外國之租界 洋商雜居。亡國遺老。開國偉人。職吏逋寇。恒挾貪囊。視爲桃源。

倭國 北接省城之南。南接海光寺河岸。東接法界。東北意界。一隅爲奧舊界。

法國 西接北倭界。北接意界。東北俄界。東南英界。西南限於河。乃爭老西開地。

英國 西北法界。東北隔海河爲俄界。東西舊德界。亦以河流分之。地面最大。

意國 地最小而要。北接老龍頭車站。東俄界。南法界。西爲舊奧界。特別第二區。

比國 海河北之下游。對岸舊德界。爲特別第一區。北有俄界。亦因分裂將收回。

第二十三章 直隸之言語

直隸之言語。於上平聲下平聲。分晰甚明。江南人所不及。惟入聲字。往往讀爲平聲。天津保定。言語近於京腔。但自易水以南。語尾比京音稍長。是以本省人辨析甚微。凡士子讀書識字者。於官話無不了解。若鄉民間普通官話。亦覺費解。口北十縣及涿源。多近於山西語。東南各縣。近於山東語。正南各縣。近於河南語。由於自然地理之關係。若西陵旗民用京語。梁格莊市民則保定語。則由昔日官商所聚。不同一地。及人數多則各用原有之語。定縣學讀爲鷄。國讀爲鬼。筆讀爲彼。客讀爲且。則應按國語統一焉。

直隸地名之音讀

大城 大讀若帶。

王川 滿城古名。王與玉不同。點在中畫之上。讀許救切。

泊頭 泊讀若包。初聞之。或疑爲綏遠之包頭。

冀縣 音異 易縣 音一 薊縣 音記 本係三音。直隸竟合爲一音。故曰

南宮冀州。西陵易州。遵化薊州。以別之。或擬改冀南縣。西易縣。薊北縣。以正方。

直隸物名之音讀

莪 讀若油。口北多食莪麥。莪字最通行。倭文蒙古志誤作油麥。譯人亦盲從。此麥不含油質。特辨正之。

穀 直隸以北專以粟米爲穀子。不比長江一帶專以稻爲穀。容易誤會。各 讀若個家也。如胥各莊張各莊。同於胥家莊張家莊也。

圪撻 讀若格打。上邱之高起者也。

直隸地理特別名詞

併城 灤縣之大鎮。

沽 衆水合而灣洑之處。大沽。西沽。葛沽。鹹水沽。明月沽。皆他省所謂灣也。

淀 江南之湖。塞北之泊。場河淀。白洋淀。三角淀。四角淀。他省所謂湖也。

京津二音之辨別

京 下平入庚韻。直隸音分上下平極細。二音分析甚清。川楚音則易混爲一。津 上平十一真韻。閩腔讀津字。與眞字無異。

## 第二十四章 直隸之衣食住

直隸風俗儉樸。近山西之山民。猶有左衽之俗。宣化夏令。女流或但著背心。露其雙臂。風俗與蘇州相似。現已禁止。高陽布業發達。然洋紗顏料。皆來自外國。織毛品輸入日多。口北產毛極豐。近年自織品亦漸適用。惟氈毯各工廠規模甚小。若宜新帆布公司。及民益各工廠。惟棉織品耳。本省紳富多食麪。天津機器麵粉公司已成數處。沿海產鹽。塘沽久大精鹽。廠化驗精純。暢銷各省。可比洋鹽。世界進化。新建築日多。土木工程師。於各項工程。測量估算。繪圖包辦。亦可見科學之實用也。

### 直隸人之衣服

綿紗 天津恒源紡織公司。藍虎牌綿紗最優。裕大寶成等廠。均足抵制洋紗。

綿布 高陽縣自織布。歲值鉅萬。各縣仿行。內邱土布。由山西河曲遠銷蒙古。

線襪 天津保定。多有織襪機器。或爲絲光電光。但僻縣婦女仍纏足。未嘗解放。

蠶絲 易縣塘湖鎮。絲業成市。深縣亦改良蠶種。磁縣獲鹿。近年成績最優。

絲綢 饒縣。蠶綢。皆常不見。今各縣立蠶桑傳習所。所有試辦織綢者。

直隸省之糧食

稻米 勝芳米最珍貴。價重京師。南京高機米。無錫清水米。懷遠江米。暢銷天津。

白麥 大名最著。山東禹城滕縣濟寧。河南衛輝新鄉道口。運津者益多。

紅麥 興濟最著。徐州滕縣亦多。由津浦路運來。其次則台莊之花麥爲廉。

小米 沿北運河者顆粒較大。上河一帶多有。供各縣民食。

玉米 由奉天運來。北運河一帶。出產亦盛。近由京奉路運來施賑。

大豆 京奉京綏皆運載來津。高白麻 由津浦路宿遷運來。

直隸人之居住

平房 屋不起脊。住者以石灰爲頂。劣者以城土爲頂。惟石板山坳。近有石屋。

土匠 東西陵旗民。室內皆三面匠。冬日甚暖。即夏日亦臥其上。

版築 泊頭東光。牆多用版夾土。築之登登。有古趣。

石室 井陘獲鹿。凡近石山產石灰之處。多仿山西建築。堅固耐久。

洋樓 始於租界及教堂。繼而學校公署效之。繼而省會商埠效之。次及各城市。

第二十五章 直隸之孔教

直隸地方爲至聖周流者。北有定興之閭台。爲孔子適燕止宿之處。至此回南。南有長垣之學堂岡。爲至聖講學之地。長垣古蒲邑。子路嘗爲蒲宰。縣境之匡城。卽子畏於匡之處。是以自匡之蒲。邢臺西南天紅山。夫子巖。亦至聖周游所憩。至於各縣學宮以外。鄉鎮村落。亦立孔廟。易縣白堡鎮。嶺西村。紅城村。春秋享祀最誠。白堡廟貌。自明以前。塑之。仿於定縣磚路鎮。拓自闕里。今翟家村施行模範自治。亦定於公園中建立孔廟。其他鄉校家塾。恭奉至聖神位者。殆以千萬計。聖裔賢儒之蹟。代有傳述。師表萬世焉。

直隸之聖蹟關於聖裔者

夫子山 唐山縣北十里一名孔岡。出文石五采。元孔璠自曲阜移居於此。許衡又於此建學講藝。縣南之南汪店。有孔子停驂處。

孔家莊 盧龍縣西關。孔氏屯。望都縣東。

孔家堡 萬全縣西。京綏鐵路所經。

孔子嶺 贊皇縣西南。近於贊皇山。

直隸之聖蹟關於先賢者

先賢冉子墓 永年縣西北四十餘里。瓜井村。有冉子祠。左右有齋舍。廟貌巍然。堂後冉子墓。土塚崇隆。繚以周垣。考冉子鄆人。墓乃在此。秦悅民有記。

子貢陂 王遵爲鄭令。浚陂溉田。號子貢陂。今在任邱地。王遵爲子貢氏之儒也。

閔泉 新樂縣西南五十里。閔子飲而甘之。今泉上有閔子祠。

直隸之孔教 聖人以神道設教而天下服。倭名宗教。不如一教字爲簡當。

畿輔先哲祠 京師設立祠宇。崇祀先哲。爲族京賢士大夫之模範。並徵求文獻。

山川之祀典 如曲陽北嶽。爲堯舜巡狩會諸侯之地。重以祀典。昭其誠焉。

鄉賢祠 各縣不同。凡忠臣孝子義士。行孚於一鄉者。

名宦祠 地方官實政在民。身後三十年。民不能忘者。

節孝祠 節婦。孝婦。烈婦。孝女。烈女。皆祀於此。古時女教謹嚴。由於儒教所化成。

專祠 臨洛關有冉子祠。長垣有子路祠。

宗祠 士祭其先。爲家族團體。此寒門所力不能者。惟族大人多者。有族長族譜。

第二十六章 直隸之佛老

直隸佛像之最大者。爲正定隆興寺銅鑄大佛像。高七丈三尺。法相莊嚴。浮圖之最高者。爲景縣開福寺塔。十三級。高二十二丈。爲河北浮圖冠。稱畿南三大之一。想見吾國唐宋時建築鑄造。早已超過歐洲。佛教盛時。寺院比教堂。尤壯闊。道教本於老子道德經。易縣有唐蘇靈芝奉旨書道德經碑。其文與坊本老子不同。近年有佛教會道教會起而研究。不敵教育家改寺觀爲學校之議。住持之僧道。求保存廟產而不可得。惟歛香資餽口。開道場薦亡。執樂器送葬。幾與鼓樂手無異。各縣僧綱道紀兩司。亦自此廢。

直隸佛教之勝蹟

北魏 正定開元寺及臨濟寺塔。俗呼爲青塔。猶魏季興和闐遺址。

隋 景縣開福寺塔。高十三級。二十二丈。正定龍藏寺。有張公禮撰碑。

唐 陽原靈鷲塔。成安天寶塔。大名臨濟塔。獲鹿本願寺塔等。均建自唐時。

宋 隆興大佛。即成於宋。定縣望夷塔。藉以偵祭遼邊。

明 各縣古刹。多萬曆碑。爲太監捐資者。尤閭麗。語曰。明末修廟。清末修道。

直隸佛教之衰

地方照例之廟 縣有城隍廟。村有土地祠。俗見比於衙門。香紙等於陋規。

家庭禱祝之廟 白衣菴。送子菴。婦女崇奉觀音。只知求子。非佛教出家之旨。

念佛會之團體 或稱善人會。或稱進香會。所誦菩薩經。極鄙俚。自稱信男信女。

直隸之道教

邯鄲縣鐵牌 在古井中。昔前清大旱。特旨派大員。迎鐵牌奉之大高殿。以祈雨。

今道尹知事。因天旱。應誠致齋。以迎者。得雨。下種。則人民頌為賢有司焉。

北嶽之道觀 曲陽北嶽。有別名五。一曰蘭臺府。二曰列女宮。三曰華陽臺。四曰

紫微宮。五曰太乙宮。山之東有琴棋點臺。臺下有通玄谷。

直隸道教之衰

狐仙廟 直隸各舊畧多有之。河間紀文達公寓言。於狐仙有推波助瀾之力。

各祠 和尚亦奉關帝。工商各有祖師。或地方豪紳。藉演戲酬神。把持公款。

夥居道 恃香資以畜妻子。為人薦亡送葬。并承充縣差。救月已廢。祈雨仍忙。

## 第二十七章 直隸之各教

直隸各教。定期禮拜者。以回教清真寺信仰爲最堅。守道而不傳教。教徒盛於河間滄縣天津保定。號十萬人以上。其入居在唐以後元以前。天主教則自元以後。始傳於京畿。崇禎末已有教徒十五萬。今有天津保定永平正定獻縣總堂五處。分堂均三千二百處。信徒約六十三萬。耶穌新教。其入中華始於嘉慶十二年。近年附設學校。舉行運動會。建設青年會。有後來居上之勢。庚子拳變。教徒受禍極慘。亂定入教者倍多。今違令剪髮。比失教之民稍早。抗爭外交亦最有力。知教徒篤信上帝。勿貳爾心也。

回教徒聚居之地 來自西域。永久不忘西域。

清真大街 天津第三織工廠所在。團體極堅。辦事亦誠實。其他多聚居城西。

回回莊 在宣化。回回既專食牛羊。遂以牛羊爲生活。在鄉亦喜居西鄉。

回教徒之標題 各教會雖孔佛耶之盛。無用於營業招牌者。惟回回教特表出之。

清真館 非回教徒亦食於此。無論館之大小。必署清真。足具其每飯不忘。

回回小販 藥攤。或雞鴨負販。亦有清真或西域。或回回字樣。足見其貧而樂道。

天主耶穌教。直隸鄉民。統謂之洋教。昔惡之嚴。今從之多。其原因非由於信教也。兵燹時之保險。民國以來。京畿屢次用兵。鉅富遷居租界。小民畏兵如虎。婦孺尤甚。神父教友之賢者。本蒸善性質。立紅十字會。戰事危時。堂內幾無立足地。國內不治。託庇外人國旗之下。其恥孰甚。

訴訟時之保障。勢豪欺良懦。以訟獄株連。破人產業。良民有不得而入教者。而不肖之神父。且搨身扛訟矣。

病苦中之醫治。西教士多爲醫士。求醫者到院。先令在候診室小坐。即有宣教師爲之宣講。及病愈。往往默受其感化。

生計職務之關係。京奉。京漢。京綏。津浦。正太。各鐵路。及郵政局。考試既用洋文。是以教會學堂畢業生。互相吸引。非外教徒多受排擠。海關亦然。

青年會之善誘。直隸士大夫。昔年無入教者。基督教青年會。設立各種遊戲有益之運動。先引學生加入。或藉通游學英法美之途。於是名流遺老。入會實無異入教。而不自知。久之。偉人富豪加入。經費充而勢益張矣。

第二十八章 直隸之雜教

直隸之雜教。以在理教爲最盛。又稱白衣道教。或曰理門。或曰立門。亦曰有門檻。對於一切煙酒。懸爲厲禁。所供白衣菩薩。暗指明崇禎。信徒襟袖飾白緣。髮辮束白繩。爲明服國喪也。相傳始於大城楊氏。謂之楊祖。鄉間太陽教。奉讀太陽經。以明太祖生日爲太陽生日。亦明遺臣所鼓吹。此外跪香教。秘密教。明心教。天地教等。託神療病。藉香資謀生。巫覡之流。隨地異名。不成系統。莫可究詰。義和拳爲白蓮教支流。禍遍直隸。教孽實出自山東曹鄆間。其他善人會。進香會。祈雨會。則臨時結合。維新以來。迷信少殺矣。

直隸之雜教

三教廟 儒釋道三教。直隸鄉人皆知之。雖士族專奉孔教。其家庭婦女。仍有吃齋念佛者。士人亦有老而學佛。病而學道。出入二氏者。

文昌宮 陰騭文實三教合一之文。老成謹厚者多信之。科舉廢後。信者漸薄。猶有敬惜字紙會。尙存於善堂及私塾中。

五聖祠 所祀無稽。直隸孔教會。改奉至聖。復聖。宗聖。述聖。亞聖。於義爲允。

直隸雜教與地理關係

京師附近之關係 昔天子祀百神如百官。風雲雨雪各有專祠。古剎鉅觀至今不廢。鑿卜星相。往往託於神以售其技。來自各省。散布近畿。故雜教靡然。

山東插花地關係 山東本聖賢桑梓。惟甌脫華離之地。插入直隸者。往往匪徒肆擾。案積如山。甚至攻城劫局。白蓮教支裔義和拳。即因此流入。

山西偏僻地關係 山西僻縣。各村有長。易於聯合。因而用之。則山西自治。所謂村正村副須知。就固有自然小團體。統以鄉區。未嘗不善。否則如蔚縣三聯會。先設南聯會。次設西聯會。東聯會。會於玉皇廟。合數十村數萬人。攻城搶掠矣。河南平原地關係 河南滑縣。曾屬直隸。清之衰。首先發難者出焉。平原莽莽中。如饒陽。鉅客。風氣慄悍。且見明末遺老。所餘存烈士氣焉。

天津商務之關係 天津人銷行貨物之大宗。全在廟會。直隸每縣必有一廟。不論佛老。亦不論僧道。或工商之祖師。以安國邪形。廟會爲最大。江北數省。樂行所萃。力較厚。其餘亦有戲或開賭。婦女燒香。又自由開放之一端也。

## 第二十九章 直隸省議會

直隸省議會。仍稱順直省議會。沿順直諮議局之舊基。是以熱河察哈爾兩區及京兆地方各縣。皆合於茲會。蓋一省議會。實統合一省三區而會議。國人多稱直隸之人。直富於沈毅保守之性。宜有活潑進取精神。今會場建於天津公園之中。近鄰有省議會議員審宿舍。各省或不如此之整齊。不致因散居延誤開會時間。可爲模範。附近有學校及圖書館。商品陳列所。俾觀瞻所繫。恒注目於教育、實業、衛生、公益。秩然見自治之精神焉。

順直省議會分設委員會四種如左

全會委員會 全體會員組織

各股委員會 每次常年會開始時選舉全體議員。用無記投票互選之。

預決算委員會 由各省區議員用無記名投票法互選之。

特別委員會 由議長指定。委員長由委員互推之。

委員會之審查討論。以大會委託事件爲限。

各股委員會額數及審查事項列左。

法制股 十九人 審查法制事宜。

財政股 二十五人 審查財政事宜。

教育股 十五人 審查教育興革事宜。

實業股 十五人 審查實業興革事宜。

請願股 十九人 審查人民請願事宜。

庶務股 十五人 審查不屬於他股事宜。

懲罰股 十五人 審查懲罰事宜。

預決算委員會按省區分配如左。

直隸二十人。

京兆五人。

熱河五人。

察哈爾三人。

## 第二十章 直隸省行政

直隸省會。原在保定。自咸豐十年。中央締北京條約。以天津爲商埠。直隸總督兼北洋通商大臣。半年駐保定。半年駐天津。庚子以後。各國經營租界益廣。外交益繁。新設提學司。諮議局。各機關。皆萃於天津。民國以後。遂定天津爲省會。昔在北洋之時。練兵與學兼營。電政路政。幣政。直隸省行政。或統合數省。或關係全國。民國以來。省行政限於本省。京兆熱河察哈爾之行政。又完全自立焉。然天津冠蓋往來。政客所萃。一言一動。不徒省行政受其影響。全國之視聽。亦注意於此焉。固政局所繫。以爲輕重者也。

### 直隸省公署內附屬官廳

#### 政務廳

#### 直隸省公署外增設各廳

#### 財政廳

#### 教育廳

#### 實業廳

直隸各官署直隸中央者

津海關監督

長蘆監運使

長蘆稽核分所

造幣總廠

電政監督署

直隸之河務

黃河河務局長 大名道兼南岸北岸兩分局

直隸河務局長 分南運河、子牙河、大清河北運河、下游其上游永定均屬京兆

直隸之司法

高等審判廳 高等檢察廳 均駐天津

地方審判廳 地方檢察廳 惟天津保定已設餘由各縣承審

第一監獄 設於天津

### 第三十一章 直隸各道縣行政

直隸道行政多者屬縣四十。多於吉黑等省。少者屬縣十。亦多於察綏等區。因地勢而分道。蓋道治者亞於省治者也。府州既裁。各道與各縣直接之事日多。但府州雖裁而民間仍多府界州界之團體。分道之團體尙少。口北一道僅只一府。津保則原係省會。故屬縣較多。大名在南。設縣較密。口北在北。設縣最疎。中原樂土。寒上荒萊。天時有寒暖之殊。土壤有腴瘠之判。故行政迥異。津海道近海之縣多。保定近山之縣多。其行政亦迥異。若夫總持大綱。在乎道尹之考核。庶政繁重。尤責在縣知事之力行也。

#### 直隸各道行政

苗圃 每道一處。保定大名口北三道先成。津海道由實業廳協助進行。

農商懇親會 以道治爲會場。道屬各縣農會商會畢集。以合謀實業之進步。

師範 教育部定師範區視道區。本省津海道分二區。餘三道各一。女師每道一。

教育 昔設道視學。今裁。各縣勸學所長。原由縣知事詳道委任。今改由教育廳。

彈壓 易縣民變。蔚縣匪亂。道尹就地嚴辦首要。立即平靜。有前清兵備之威望。

各縣之行政

保衛團 成安因鄰匪竄擾。分本縣爲三團六排。每排練勇三十人。匪患遂止。徵收 各縣屯糧悉改折爲銀元。鄉民繳銅元受虧。定與縣明定徵收筆墨費。附捐 國課以外。地方愈發達。附稅更多。鄉民或疑爲重徵。調查 中央各部各機關調查表。均有期限。各縣辦事人少。但求敷衍塞責。包稅 由商人投標。亦有受商會之操縱者。

各縣之司法

息訟 肅寧縣胡知事。有勸民息訟歌。解釋兄弟爭財婚姻成仇者。尤嚴懲唆訟。狀紙 東光縣因司法費不敷。緝捕遞解事繁。呈准加收狀紙捐。以資補助。代書 藁城縣代書唆訟之風最盛。正定滋弊尤甚。定與取銷代書設寫狀處。形訊 任邱縣民上控縣署刑逼認供。其實各縣司法。仍用刑訊。或用鐵鍊鎖押。監獄 肥鄉獄牆房屋增高。新建屋內。特開鐵窗通空氣。另築病室浴室。通溝渠。法警 奉票傳案。差費不照定章。仍有原差下馬飯等名目。並勒索差帳之弊。

第三十二章 直隸之自治

直隸省城天津創辦自治甚早。民國成立始以定縣之翟城村爲模範村。有學校。有警察。有自治會。有講習所。有圖書館。他若農產。慈善。愛國。衛生。種種組合。無不美備。本村公民同心協力。地方官長提倡獎勵。又由省長獎勵補助學校建築。咨行內務教育部給獎。官場對之。頗有微詞。洪憲之際。有國務院密令飭查。經省長力與維持。事乃寢。而各縣惟邢臺實行仿辦。後因官紳轉徙。村治幾於中輟。今各省籌辦自治。則直隸各村。繼翟城而起者必多矣。

翟城街自治事項

- 自治公所 守望事項如秋巡。夜開巡。更禁賭事項。村正副協力勸懲。年指存備荒。改良風俗。愛國會。緝賭會。義倉事項。由富家於豐
- 教授 高等小學校。女學校。國民學校。簡易學塾。圖書館。宣講所。教育會。同窗會。青年進德會。暑期講習會。學生父兄樂賢會。
- 平民銀行 各種儲蓄獎進會。勤儉儲蓄會。
- 農事試驗場 附設苗圃。農業獎進會。農產製造物品評會。清理地產。
- 醫院 先辦傳染及衛生所。計畫公園公共游息地。

### 自治之基礎

公產 原有戲會。馬會。花砲會。神棚會。驢牛戶。隨差地。公差局之類。及八釐費用。義務。村長村佐。即原有村正村副。及其他職員。皆無給職。規約。昔日父老。極簡明之規約。只一二句。無條文者。必擇其合於今者力行之。尙齒。鄉黨莫如齒。少年英俊。宜爲父兄佐助。善則歸親。保衛。原保甲團練。聯莊青苗等會。均可爲今日鄉團之法。

### 自治之弱點

書吏侵蝕自治費。邢臺縣正在清釐。紳士關說訟事。濮陽縣知事。以紳士爲耳目。紳士因以爲利。爭款。各縣自治。多由此半途而輟。年長者畏事。處專利積威之下。凡持躬清慎者。以不干預公事爲潔白。望重者不出。老儒學術愈高深。愈不肯爲公共之講演。富紳不肯出資。地方自治。應有富紳爲主。如高陽李氏。翟氏米氏。惜繼起者少。

第三十三章 直隸之軍政

直隸爲京師海陸軍之門戶。海軍莫重於大沽。陸軍莫重於小站。大沽礮臺。自庚子被燬。遺址至今尙懸法國之國旗。可謂國恥大紀念。惟大沽造船廠。尙係吾國海軍部管理。製造兵式汽船。機關槍。礮。不讓西洋。工匠一千八百人。規模太小。近年復辟之變。段祺瑞自馬廠舉師。所需軍費數十萬。即由直隸省庫提用。數日而定。蓋自李合肥袁項城練兵以來。北洋之勁旅。冠於全國。保定總督舊署。今駐督軍。并爲四省經略使行轅。畿疆密邇。軍械局所在。國防各師。由近畿各鎮改編。立國所以有強幹弱枝爲大本焉。

直隸各鎮守使

天津鎮守使 駐天津。

薊榆鎮守使 駐開平。

冀南鎮守使 駐大名。

口北鎮守使 駐宣化。

直隸士知尙武。天津設立公立打靶場。業經陸軍部贊同。中學以上學生實習。

直隸之師旅 最近救國軍之實力。

國防第三師 經粵湖南。規復長岳。久戍衡耒。贊成和議。撤防後湖南再失。

第一混成旅 自湖南換防北回。

第二混成旅 新編。

第三混成旅 新編。

第四混成旅 由薊榆鎮守使兼任旅長。

第五混成旅。

第六混成旅。

守備隊之盡職

巡邏嚴密 分各鄉村線路。分隊梭巡。風夜雪途。不辭勞瘁。勦匪尤極嚴明。

護送行旅 大路要衝。商旅往來。路劫罕聞。

清除宵小 查明小竊。立即驅逐。宵小絕迹。辦匪尤極認真。嚴禁村人通匪。

協助村防 與村莊聯絡。一聞鎗聲鑼聲。即率隊奔赴。

### 第三十四章 直隸之警察

直隸警察。任大貴重。當京師之門戶。津海開關。外人狎至。今設全省警務處。即以天津警察廳廳長兼代處長。設秘書科長視察長以佐之。其實天津警察廳之事務。比全省警務處尤繁。全省警務處專在考核。天津警察廳責任執行。吾國官制不定。京畿一帶稽查。京畿警備總司令。今日之京師衛戍。莫不注意於天津。以維秩序。其次則保定。舊爲省治。今爲督軍行轅。與天津猶左右臂。是以亦設警察廳。張家口本萬全縣地。因察哈爾都統所駐。由察哈爾設警察廳。并收警捐。亦京師北門鎖鑰。與津保成鼎列也。

#### 天津警察廳 兼商埠

職員 廳長設秘書助理分總務行政司法衛生各科及勤務督察長。

分組 保安隊。保安馬隊。消防隊。城廂分五區。四鄉分八區。

#### 保定警察廳

職員 分組 皆比天津簡單。有軍警憲兵助其偵察。

水上警察廳 扼守浮橋。禁止運米及錢出口。上游蘇橋鎮。防守尤爲扼要。

各縣警政紀要 臨榆縣已增設警察廳。其餘由縣署監督。

警官 巡官以上。皆迴避本籍。以免徇縱。請託賄賂之事。

教練 抽調區警。隨時教練。重在實地講授。俾知職務之重。

警款 大城警款。自改隨糧帶征後。豫算支出。年有餘款。

警額 中縣以二百名爲率。大縣酌增。小縣酌減。

查夜 晉縣東區巡官。每夜梭巡數次。將各店戶逐一清查。是以匪人不能容留。

礦業 磁縣西佐村礦業警察所所長。由內務部會同農商部委派。

各縣整飭風紀之要政

廟會 定縣昔日婦女坐廟。徹夜不散。嚴行禁止。

演戲 各縣秧歌。原係農隙自娛。流爲淫靡之小戲。似南方花鼓。故當禁止。

禁賭 濮陽賭徒。妄稱警區。受有陋規。地方紳耆。監察警區。既嚴。是以拿辦不貸。

天足 各縣所設天足會。多有名無實。因過嚴則苛擾。一鬆則舊俗如舊。

禁煙 涑水以充公種鴉粟之地。爲禁煙專款。

### 第三十五章 直隸之財政

直隸財政。前清爲藩司專責。民國以來。改財政司。合於直隸民政長公署。今改財政廳。直隸於財政部。置廳長一人。管理全省財政。監督所屬職員。暨兼管徵收之縣知事。內分總務徵權制用三科。惟關鹽直隸中央者。有津海關監督署。長蘆鹽運使署。兼緝私營督察長。若津海關稅務司。既早已備聘客卿。今長蘆稽核分所。亦由外賓執權。甚至石碑支所。塘漢沽支所。皆有洋助理員。各路礦外賓不列於職官尤多。中央以造幣總廠設於天津。誠視直隸省會。重於各省。田賦附加日重。而中央財政。又多取於直隸焉。直隸財政廳以外之中央財政官署。直隸於財政部。直隸財政廳不相隸屬。

直隸銀行監理官。

直隸官產處。

直隸印花稅分處。

直隸菸酒公賣局。

津浦全路商貨統捐局。

直隸省九年地方歲入歲出之總數

歲入總數 二百七十三萬四千二百九十一元

歲出總數 二百五十四萬三千四百四十三元

比較盈餘 一十九萬零八百四十八元

直隸省九年度歲出各數

內務行政 原列 經常一百二十六萬五千六百二十七元臨時六萬七千九百五十六元

議決 經常一百一十四萬七千五百三十七元臨時二萬零四百六十元

財務行政 原列 三萬零一百零二元

議決 二萬九千四百五十七元

教育行政 原列 一百三十三萬八千九百十八元

議決 一百三十萬零五千零六十元

實業行政 原列 六萬零九百二十九元

議決 四萬零九百二十九元

### 第三十六章 直隸之教育

直隸教育。革新於光緒壬寅。因庚子創深痛鉅而發憤興學也。初設學校司於保定。奏派永年胡景桂督辦。越二年移天津。改派嚴修總理。改稱學務處。及學部成立。簡派提學使司。民國後改稱教育司。二年行政官廳改組。附屬於省民政長之下。三年五月改教育科屬於政務廳。六年八月復設教育廳。然提學司以前教育行政權。未易復也。各縣有勸學所。爲知事教育之佐助。若夫省教育會設於省城。縣教育會設於各縣。共同研究教育進行。每年三月召集小學會議。七月召集中學會議。尤重實驗焉。

小學校 全省高等小學六百零九。高小兼國民八百零三。國民學校一萬四千九百三十一。處保定天津。各有省款設立模範小學一處。水災時淹四千八百餘校。中學校 省立十六處。一天津。二滄縣。三河間。四盧龍。五遵化。六保定。七正定。八易縣。九定縣。十深縣。十一大名。十二邢台。十三永年。十四冀縣。十五趙縣。十六宣化。私立者天津南開。保定育德。陸軍官佐。縣立者豐潤寧河南宮。又高師附屬一處。師範學校 省立天津保定深縣邢台宣化深縣六校。女師有津保二校。今增兩校。

高等師範學校 設於保定。成材衆多。部令直隸劃入北京高等師範學校區。禁止

設專科。日形縮減。今僅存國文史地手工圖畫體操各專修科。附專門醫學校。

乙種實業 農校六。易縣三。高陽平山宣化各一。工校五。概係藝徒。天津寧河威縣

萬全陽原各一。商校三。天津豐潤邢台各一。均以縣經費設立。

甲種實業 工校一。在保定。分織染兩科。商校二。一天津。二高陽。水產學校二。一天

津有漁撈製造科。寧河公立中學。附有乙種水產學校。

農業專門 在保定分農林蠶三科。有試驗場。及易縣山地森林試驗場。及藝徒科。

工業專門 在天津。設有機械科。及應用化學科。附甲種染科及織科。

法政專門 在天津。新聞河北。設法律商業政治經濟等科。保定法校。及天津商校。

皆合併於此。私立法政學校。在天津公園內。今附設蒙文講習科。

大學校 原設保定。繼改高等。惟天津北洋大學。在西沽。由省立。進於國立。保定高

材悉歸併焉。土木科。冶金采礦科。法律科。次第畢業。能任工程師礦師律師。

圖書館 天津公園 教育品製造所 自製儀器。山成玉風琴。元記粉筆。並暢銷。

### 第三十七章 直隸之實業

直隸實業關係國際貿易民生經濟者莫重於天津而張家口次之。洋商用津海關採辦土貨聯單。飛灑影射。應納稅銀十三萬。只報四萬。隱匿九萬。領取聯單。毫無限制。并不察驗。甚至盜賣聯單。致漏正稅。張家口昔爲蒙回要道。俄人陸路商隊所通。每年輸出磚茶數百萬箱。自西伯利亞鐵路成。運道改。市圈衰廢。庫倫獨立後。台站撤廢。道路中梗。今收回主權。已行汽車。當可次第進行。至本省實業行政大綱。如官確總廠。由官專辦以防危險商品陳列所。報告甚詳。工業售品總所。尤便於購取焉。

#### 直隸之農業

農田 田數七千七百七十四萬三千八百九十三畝爲原隲地。

蔬圃 圃數四百五十四萬六千九百七十三畝。

森林 六百七十一萬株。各縣立苗圃。已成者六十五處。

#### 直隸之工業

機器 勤業北洋兩廠自製磨麵切麵作肥皂洋燭火柴印字消防抽水起重器。

飲食物各工廠

鴻興汽水公司、中國醒獅牌啤酒 中國松鶴葡萄酒廠惟此廠在宣化沙城

留芳罐頭公司 水產學校製造科。

湧源麪粉公司 成發祥麪粉廠。

紡織各工廠

天津織絨硝皮廠 萬益織氈呢公司以上兩家毛織品資本皆五十萬元以上出品比於舶來品應即推廣進行

天津實業工廠呢線裕民公司天津河東衛生衣袴經緯織造公司天津絲呢華盛禮帽公司

永豐紡織公司天津民益工廠天津兼織毛巾順記織襪公司天津第八工廠織布機器

新創紡紗廠

裕元 華新 恒源 裕大 寶成第三 擬在恒源附設染織專門學校。

仿製外貨

布雲廠保定西街用本國材料自製球拍鐵球鐵餅標槍教育槍壓鉛球竿一切教育用品并織絲機器各種樂器以及油布雨傘之類均堅實

北洋火柴公司天津丹華火柴公司天津天津肥皂公司此外公益合記茂記志成益華王盛各家

第三十八章 直隸之鐵路

直隸鐵路較各省為最。早光緒三年開平煤礦局。修唐山至胥格莊鐵路。開我全國鐵路史之先聲。光緒十三年李文忠公倡修津沽路。十五年張文襄公倡修蘆漢路。漸立京東京西大幹線。光緒三十一年京張鐵路開工。宣統元年告竣。欸項工程均由中國人自辦。詹天佑佐總工程師。入達嶺隧道。外人亦驚為鉅工。是吾國鐵路史之特色。津浦遙聯膠濟。隴海滬寧。滬杭以接於京奉。為天津主要之幹路。正太軌狹。山險必須易車。取道京漢。須繞豐台。近擬修滄石泊石鐵路。以便直達。倭奴又有濟順路之詭計焉。

直隸鐵路之里數

京奉 京津間八十四哩 天津至山海關一百七十八哩 湯河秦皇島四里。

京漢 京保間九十一哩 全線在直隸境二百五十五哩 西陵支路廿七哩 臨城支路三哩

津浦 天津至山東界一百二十八哩 良王莊至陳塘莊海河岸長十六哩。

京綏 豐臺至山西界一百三十二哩。

正太 石家莊至山西界四十七哩。

京奉鐵路車站 自京兆楊村入境。經北倉。天津總站。東站。軍糧城。新河。塘沽。北塘。漢沽。蘆台。胥格莊。唐山。開平。窪里。古冶。雷莊。灤州。石門。安山。昌黎。留守營。北戴河。湯河至山海關。湯河有支路至秦皇島。

京漢鐵路車站 自京兆松林店入境。經高碑店。定興。固城。安肅。漕河。保定。千家莊。方順橋。望都。清風店。定州。寒西店。新樂。東長壽。新安。正定。石家莊。賈蠡。元氏。高邑。鴨鶴營。鎮內。順德。沙河。臨洛關。邯鄲。馬頭鎮。磁縣。南入河南境。支路有高碑店支路。經涞水。易縣。至梁格莊。有高邑支路。至臨城。底河。保定支路。接南關河。岸。

津浦鐵路車站 自天津總站經西站。楊柳青。良王莊。獨流鎮。靜海。陳官屯。唐官屯。馬廠。青縣。興濟。姚官屯。滄州。磚河。馮家口。泊頭。南霞口。東光。連鎮。安陵。入山東境。京綏鐵路車站 自京兆南口入境。經青飛橋。康莊。懷來。沙城。新保安。下花園。宣化。沙嶺子。張家口。孔家庄。郭磊莊。柴溝堡。西灣堡。入山西境。

正太鐵路車站 由石家庄。經大郭村。獲鹿。頭泉。白王庄。五里鋪。微水。南橫口。南張村。井陘。北峪。南峪。至娘子關。入山西境。

第三十九章 直隸之航運

直隸帶河而臨海。然吐納河滄之海河較深闊者。竟止獨一無二之大沽口。天時既苦嚴冬之封凍。又有沙巨橫梗大沽口門。海舶之大者須乘潮水漲時始能出入。秦皇島港勢局隘。不能容納多數船隻。惟沽口凍時。由此起卸。平時迂道。頗感不便。今冬期客貨全爲火車所奪矣。所幸者昔日海上航運。全恃外人。今國人組織輪船公司。將先復沿海之利。以推及海外。省辦內河輪船公司。亦定期來往。民船則與山東河南各要港聯絡。所運粗物生物。皆國貨之大部分也。

直隸之海運

天津至煙臺 航線二百六十二哩 天津至龍口 新闢航路尙未盛

天津至上海 航線七百五十六哩

天津至營口 航線由煙台轉

直隸內河輪船公司

天津至保定 伏波 河澱 天津至磁縣 河運 天津至大沽 河豐  
慈航 河澱 安瀾

天津旋泊中國輪船

招商局 公平 新銘 新昌 新康 安平 泰順 新豐 新濟

開平礦務局 開平 太平 承平 廣平 西平 新平 均往煙臺上海。

肇興公司 肇興 兼駛大連龍口秦皇島。

政記公司 廣利 福利 同利 兼駛大連營口。

新益公司 芝罘 春夏開往煙臺上海。

直隸之河運

南運河 天津至山東德縣 五百八十五里。小輪直達。法商小輪已停。

子牙河 天津至獻縣 有小輪船。民船南溯衡水。西溯正定。

大清河 天津通保定 小輪水盛至安新。水小至蘇橋。民船溯府河。抵保定。

永定河 天津至京兆固安行民船亦不盛。

北運河 天津至京兆通縣 運船昔通京師。今民船仍達通縣。

灤河 灤縣至熱河。二千一百餘里。水頗急。下水三四日。上水十餘日。

第四十章 直隸之電政

直隸電報始於光緒五年。李文忠公在大沽北塘海口礮臺設電線以達天津。爲吾國自辦電報之始。翌年試辦南北洋電報。八年三月改爲商辦。行之二十年。又歸官辦。設電政大臣以督之。及中央置郵傳部。改歸部轄。陸線水線逐漸推廣。全國線長十餘萬里。分十三區。直隸山東同屬一區。總局設於天津。線路多沿鐵路。惟保定至河間一段爲例外。英人大東電報公司。丹麥人大北電報公司。由天津通沿海各埠。南洋羣島及歐美非澳及都市。大北線路較大東尤密。部設天津。保定。張家口。無線電專歸軍用。

直隸之電局

沿京奉線者 天津 北塘 蘆臺 開平 昌黎 灤州 山海關 北戴河  
秦皇島

沿京漢線者 保定 高碑店 正定 石家庄 新城

沿津浦線者 滄縣 泊頭鎮 馬廠

沿正太線者 獲鹿 井陘

沿京綏線者 張家口 懷來

不沿鐵路者 河間 遷安

屬於京兆者 北京 南苑 通州 永定河

屬於熱河者 熱河 赤峯 平泉 開魯 圍場 烏丹城 朝陽

屬於察哈爾者 什巴爾台 多倫諾爾

### 直隸之電話

京津長線 此長線可通塘沽及京兆之湯山通縣等處

天津至保定 特設軍用電話

各鐵路沿線 每站皆可接話以便開車

### 直隸各電燈

省會 天津保定開辦較早用戶較多

各縣 高陽實業發達始有電燈

鎮市 唐山最盛張家口正在籌備

#### 第四十一章 直隸之郵政

直隸郵局。始於光緒四年。時以總稅務處赫德總其事。先由京師天津通烟台牛莊上海五處。爲吾國郵政之始。迨二十二年張文襄公始奏設郵政總局於京師。置分局於各省。仍歸稅務處。民國肇興。始歸交通部直轄。設郵政總局始與稅務局脫離。仍備聘外人爲郵務長。每省爲一郵務區。直隸郵區。仍兼管京兆熱河及察哈爾左翼各縣。裁撤驛站。官署公文。亦統交郵遞。管理局設於天津。分設一二三等郵局及支局。再次有郵寄代辦所。各城鎮郵路。全省通信之處。已逾一千處以上云。

#### 直隸郵務

管理局各等郵局支局 民國六年一百九十一處 七年一百九十八處

郵寄代辦所 民國六年八百零六處 七年八百四十五處

接收文件信件 民國七年一萬八千六百九十四萬一千零九十六件

郵遞包裹 民國七年共二百三十九萬二千三百件

匯兌銀圓 民國七年共匯三百九十三萬元兌銀圓九百零八萬五百元。

直隸各國郵局

天津 英郵局 法郵局 日本郵局 俄郵局 德郵局今停

張家口 俄郵局

天津與萬國郵會

民國三年九月。西班牙開萬國郵務會議。我國已經正式加入。以天津奉天上海廣東四埠。定爲與國外直接互換局。

村鎮信筒最密處

天津 保定 冀州 樂亭 軍糧城

汽車新闢郵路

天津至保定 軍用汽車。先送公文。

天津至葛沽 津鄉汽車有限公司。每日往返十二次。

航空新闢郵路

天津至京師 由航空處辦理。試行有效。

## 第五篇 地方志

### 第四十二章 天津縣石松年初稿

天津縣治北緯三十九度七分。京師偏東三十九分。英經偏東百一十七度十七分。

位置 東濱渤海爲京師門戶。東北界京兆寶坻。西北界京兆武清。西南皆界靜海。東

西六十六里。南北九十二里。面積四千二百四十四里。當九河津要。通七省舟車焉。

沿革 漢漁陽渤海二郡地。唐滄瀾二州地。宋金清滄二州地。元靜海縣地。置海濱鎮。

明永樂築城置天津衛。清雍正改天津州。升天津府。設天津縣。光緒時移省會於此。

地勢 海濱平原。昔與河間大名三府有無山府之稱。深冀二州亦然。惟天津最低。

水系 五大河以白河爲主。卽北運河。自武清南流至浦口。永定河自霸縣來會。會流

至紅橋子牙河。自靜海之獨流鎮。合大清河滹沱河來會。經津浦鐵橋。省公署金剛

橋。分洩水旱河。金剛河。至三岔河口。南運河來會。共爲海河。由大沽口入渤海。

物產 魚鹽爲海產大宗。豆麥梁粟。農產亦豐。試種美棉。成績最良。紡紗廠硝皮廠織

呢廠鐵工廠。造胰廠。織襪廠。年畫花竹器藤器柳條器。皆適用。

實業 同業公會。有織染商、膠皮車商、灰煤商、綢緞布商、棉業商、西藥商、木商、蔴商、租

界有英法日美商人。惟輸入額甚鉅。輸出額甚少。握京師奉天山東山西察區商權。

戶口 十八萬四千五百零五戶八十三萬三千六百八。民國七年最近數。

教育 國立北洋大學。在西沽私立南開中學。升大學。教會亦設大學。有專門學校五。

中等學校十五。人才教育。亞於京師。國民教育。尙未普及。社會教育。辦理較早。

城市 面積一百三十三方里。分東南中西北五區。原有城牆。庚子時外兵拆之。移往

威海衛。民居七十五萬。逼近海河。與水爭地。租界濱海河下游。德奧租界已收回。

鄉鎮 面積四千一百一十一方里。警察八署。三百七十八村。大沽口。海河門戶。礮臺

爲庚子聯軍所燬。不許重修。葛沽工廠。有鎮市。西則楊柳青。古青口。當鐵路運河交

點。北有宜興埠。亦爲大鎮。海濱有富國鹽場。軍糧城爲元海運屯糧處。

交通 京奉鐵路有老站。新站老站。瀕於海河。海客所上下。新站接連津浦。滬杭通票。

由此銜接。常用。挖泥船。疏通大沽口淤沙。使積水速下。內河輪船。逐年發達。民船遠

來者亦盛。郵電管理局皆駐於此。塘沽至津。火車一時直達。乘小輪須盡日上溯也。

第四十三章 青縣

青縣治。北緯三十八度三十四分。偏東十七分。

位置 省西南一百六十里。東北均界靜海。西界大城。南界滄縣。西南界交河。東西六十七里。南北一百四十里。

沿革 漢置參戶縣。後漢入章武。隋爲長蘆魯城二縣地。唐幽州蘆臺軍地。五代石晉地入遼。後因置永安縣。宋曰乾寧。後省爲鎮。金改會川。明改清州爲青縣。後因之。

地勢 中山在縣南二里。西山在西南五里。低原中一土阜。水災時平地水深六七尺。南運河高於大沽口十三尺。低於平地八尺。老鷗堤在縣東南。

水系 南運河自滄縣北流入境。北經姚莊至興濟鎮。故縣東分減河一支。曰母猪河。自岐口入海。西北流至縣南老漳河合滹沱。故瀆之水。自縣西南杜林鎮。北經榆林

莊。合盤古溝。至城南與南運河合。又北流至斬官屯。減河。又北入靜海縣界。

物產 蒲葦之利。鍾於獨流河。農產以麥爲主。小麥麵爲糧。大麥製酒。又可製餈糖醬油。工藝品有草帽。縲。

實業 勸民種樹而禁民挖起鹽土。牲畜稅車捐。擔負甚重。並仿行豐年收穀麥法。人多業農。不重技術。

戶口 三萬五千五百八十三戶。二十一萬七千零三十四人。

教育 縣立高等小學校。在城內。各鄉分五學區。又分二十小學區。私塾改良用補助指導二法。半日夜學校。先就城鎮設立。

城市 周五里有三門。東臨南運河。津浦鐵路車站在對岸。當滹沱故瀆盛時。水勢洶湧。闊數十丈。

鄉鎮 五百村各有村正村副。興濟鎮爲前明興濟縣。無城。西樂在其西南。范橋鎮新集鎮崇仙鎮並盛。海清砦在東北。堅固砦在縣南。釣臺寨在縣北。杜林鎮磚河鎮。近年益發達。蘆臺故城在縣東。中有峭帆亭。長蘆鎮在南。舊爲都轉所駐。後移天津。

交通 昔日漕運所經。有流河水驛。在東北流河鎮。今運河有小輪船。而貨物仍多由帆船轉運。遠行之客。皆附於火車。以北赴京津。南赴滬杭。車馬亦少。興濟鎮西赴辛集。木門店。崇仙鎮。里垣。范家圪塔。郵路頗盛也。

第四十四章

滄縣劉仲仁商榷 張藍田調查

滄縣治北緯三十八度二十四分偏東二十九分。

位置 省南一百三十里。東至渤海西北至運河界青縣。南界南皮。東南界山東樂陵。

西南界交河。東西一百三十里。南北七十五里。

沿革 漢渤海郡治浮海縣。後漢移治南皮。以浮陽爲屬縣。後魏置浮陽郡。又分置滄

州治饒安縣。隋唐置滄州治清池。置橫海軍。明省清池入州。今改州爲縣。

地勢 條山在縣北三里。又有竈兒坡馬落坡小阜。漢渤海郡臨渤海。宋以前在海中。

南運河高於大沽口十九尺。低於平地十八尺。今縣治已距海一百五十里而遙。

水系 宋滄州節度副使何承矩開易河蒲口。資其陂澤。築隄貯水爲屯田。自順安以

東。瀕海東西三百餘里。南北五七十里。悉成稻田。老漳河自南皮至杜林鎮西。滹沱

故瀆之東派自西來會。東北入青縣境。南運河自南皮來。至城西南。分減河入岐口。

物產 海濱產鹽。號曰玉粒。鹽質鹽額冠於沿海各縣。明時爲第一鹽場。惟見草蕩。卽

以長蘆名之。後移署天津。仍用長蘆之名。冬菜運銷南省。

實業 鐵獅古蹟。可證明工藝發明之早。顧祖禹曰。控水陸之衝。綰海王之利。江淮貢賦由此達焉。燕趙魚鹽。由此給焉。近年女工之草帽。緹。爲各縣之冠。

戶口 三萬七千零九十七戶。四十一萬一千零三人。

教育 教育家服務邊遠。有夫婦同負責任者。有專門著述者。縣立高等小學校。頗整飭。全縣分五學區。提自治牙用三成。籌定代筆二成。擴充國民八十校。增學生四千。城市 周八里。有五門。即清池。舊縣治。地方殷盛。西臨運河。東有車站。近年擬設電氣公司。闔闐有維新之象。古蹟狼煙台。在東北隅。文昌祠。朗吟樓。在運河東。

鄉鎮 滄州舊城。唐橫海軍治。存縣東南四十五里。有鐵獅高一丈七尺。長一丈六尺。後周廣順二年鑄。鹽場有高家庄。豐財場。葛姑利民場。在畢孟鎮。嚴鎮場。在同居鎮。縣東北九十里。又有郭橋鎮。在東。合口鎮。在西。共十鎮。大村百六十。小村四百六十。交通 擬修滄石鐵路。由滄縣經河間。安國。新集。以抵石家庄。上接正太京漢。以聯於津浦。成一橫路。但須兩次渡子牙河。工鉅路遠。王家屯莊。爲山東樂陵要路。車馬亦多。內河小輪船。由天津至山東德縣者。以此爲重要碼頭。

第四十五章 鹽山縣程其保中國鹽產調查誌略

鹽山縣治北緯三十八度分偏東四十八分。

位置 省南二百六十里。東濱渤海。東南接山東無棣縣界。南界山東樂陵。東南界山東慶雲。西南界寧津。西北界滄縣。東西八十里。南北一百里。

沿革 春秋齊無棣邑。漢置高城縣。後漢爲侯國。後魏分立隰城。隋開皇十八年。始改鹽山。唐置東鹽州旋廢。縣名相沿不改。

地勢 鹽山關山均在東南八十里。鹽山在東南四十里。驢山在東北七十里。楊家砦在縣北則人工所成也。海之旁出者曰渤。西人以爲渤海灣。不知渤與灣同一義也。水系 宣惠河自東光縣之東南。東流經本縣境至縣城。南會鉤盤河。西接寧津東向慶雲。盤迴縣之南境。爲本省與山東分界之界河。石牌河自滄縣出入本縣之西北界。仍入滄縣出岐口。入渤海。劉公渠在縣西南五十里。夙資水利。物產 鹽產沿海堆積如山。灶課過割。每涉訟端。潮汐所至。土皆鹹鹵。煮而爲鹽。其利甚廣。長蘆鹽利。出於縣境者十之五六。棉花豆油。亦爲出產大宗。及小棗草帽纒。

實業 城北之農夏秋苦旱。春日苦蝗。所產之鹽。合沿海各縣計之。共四百五萬袋。除

分銷全省外。每年並可銷一百五十萬袋於河南。課稅一百三十三萬二千兩。

戶口 四萬八千二百四十九戶。二十八萬二千七百五十六人。

教育 縣立高等小學校。設備較完。師範講習所。已成立。私塾較學校多二倍。已傳習塾師一次。滿二百戶之村莊。必設國民學校一處。

城市 周九里。有三門。高城故城在城南六里。漢縣舊治。今縣北遷。去河稍遠。東北有望海臺。爲漢武帝登高望海處。民風純孝。事親若曾子者。廬墓三年。終身不食肉焉。鄉鎮 鹽場最重。阜民場在常葛鎮。利國場在韓村鎮。海豐場在揚二莊。富民場在崔家口。利財場在高家灣。又有海盈場。已併入海豐場。爲海豐鎮。與海潤鎮齊名。後增利豐撲頭二鎮。又東有蘇基鎮。南有望樹鎮。傅家營共六百五十村。

交通 自縣赴津。由西南辛店經舊滄州風化店至滄縣。不過七十里。一日可達。南行則西出孟村小集王寺至南皮泊頭。不過一百一十三里。急行一日可達。郵路東至海濱如楊二莊韓村。皆已通郵信矣。千童城在縣東北。相傳徐福率童男女渡海處。

第四十六章 慶雲縣

慶雲縣治北緯三十七度五十五分。偏東一度三分。

位置 省南三百二十里。東界山東無棣。南界山東陽信。西界山東樂陵。惟西北界於鹽山。東西四十五里。南北四十五里。

沿革 春秋齊之北境。漢渤海郡陽信地。隋開皇分置無棣郡。唐改併設棣州。宋徙治東界。元分其西半設西無棣。明永樂避諱改慶雲。後沿之。

地勢 馬谷山在東北七十里。長城嶺在南四十里。又有青龍岡在縣東二里。鬲津河中。老烏山在縣治東南。由學宮跨文運井。左緣城址。蜿蜒一里餘。至鬲津北岸。

水系 鉤盤河自山東樂陵縣東北流。入縣境。又東經縣城之南。又東北入山東無棣縣界。下游爲老黃口。入於海。西南有馬頰河。自樂陵縣城東北流。入界。東流經任家

店。火燒舖之北。又東北入無棣界。由大溝河口入海。今鬲津馬頰皆淤塞不通。

物產 金絲小紅棗爲大宗。其他則農產穀。圃產蔬。均足以給民食。近年奉令植樹。官吏教員各留紀念。然培養不周。生活者不多。

實業 明月沾在縣東北七十里。東接馬谷山。資鹽處也。城內銅佛寺有銅佛六尊。極

工緻。又石佛二具。爲北齊造。足見雕刻鑄造之工藝。發明甚早。

戶口 二萬六千二百九十七戶。三十五萬零二百七十七人。

教育 縣立高等小學校。在城內全縣分五學區。學款隨糧帶征。并抽戲捐提廟產。先儲備師資。添招學生。次學生納費。騰出公款。改良私塾。學生逾五千。行將普及。

城市 地瘠民貧。縣署旁之第宅。爲壯役捕役所築。并開設飯館。招致訟師。撥弄事主。扳拉良民。一六三八市集。愚侮各鄉民。以爲得計。大橋在東關南。小橋在西關南。

鄉鎮 板打營在縣南二十里。爲全縣之首鎮。郵路西通山東樂陵之東辛店。本作板達營。宋保順軍地。明宣宗征高煦於此。又冶劍營在東北十五里。閻家務河墟相傳

沿海運時治鐵處。一曰鐵匠營。共二百七十五村。

交通 縣城赴津必須取道鹽山。計程六十里。以望樹鎮爲中矣。適當兩縣之中。自鹽山二十里至辛店止宿。第一日行八十里。次日由辛店至滄縣車站九十里。甚從容也。

第四十七章 南皮縣

南皮縣治北緯三十八度八分。偏東十六分。

位置 省西南二百五十里。東北界滄縣。西界交河。南界東光。寧津。東南界山東之樂陵。東西七十里。南北八十五里。

沿革 齊桓伐山戎。繕皮革。因築城。秦置成安郡。項羽封陳餘成安君。漢置南皮縣。魏曹丕遊此。東南二里有曹公固。後郡屬屢改。縣名不變。

地勢 白馬嶺在縣東一里。黑龍岡在東南四十里。大小台山均在縣北。五龍岡拖裙嶺。臥兒臺在縣南十里。

水系 南運河縱貫縣西。自東光東北流。至泊頭鎮。又東北入於滄縣境。石牌河發源東北境。亦入於滄縣。河自交河東北流入境。經縣之北境。又東北入滄縣境。鬲津河故瀆橫經縣城南。大連淀則南皮與滄縣鹽山間之小澤也。

物產 棉花爲農產輸出第一大宗。高粱。穀。麥。豆。蔴。甘。藷。花生。均足民食而有餘。秋夏間瓜果尤美。漢魏時已盛稱之。

實業 泊鎮水陸輻輳。商務發皇。滄縣以南。德縣以北。商業所歸。昔南皮學生留鄂。曾擬回籍設紡紗織布廠於泊頭。惜文襄公薨而中輟。

戶口 二萬六千五百六十戶。一十七萬六千五百二十二。

教育 高等小學三。縣城及黑龍村。郝家馬村各二。全縣分四學區。師範講習所。借自治存款辦理。國民學校。注重啓發式。講解明晰。堪資模範。高材繼起。慕廣雅遺風焉。

城市 縣城甚狹。周二千三百丈。無東西街。道路尙整潔。因商塵全在泊頭也。迎河在縣城北。即運河支渠。歡臺在縣城東四里。袁譚所築。

鄉鎮 選舉分劃七區。泊頭在縣西。商業冠於全縣。黑龍村在縣東南。文風亦高於各鄉。昔有南皮馬明樂。延臨津四鎮並著。又底橋鎮。刁公樓鎮。應家鎮。皆在東南。高樂城俗名思鄉城。舊縣鎮。或即晉新樂鎮。治干壁店。錢店。布店。近被匪劫。人心恐慌。

交通 津浦鐵路貫縣城之西。車站泊頭鎮。即東泊頭鎮。在運河之東。隔岸西泊頭鎮。則屬於交河。均爲民船所泊。帆檣林立。今小輪船上下。亦必泊此。民船運貨。價值較廉。小輪船多載客。

第四十八章 靜海縣

靜海縣治北緯三十八度二十四分。偏東二十九分。

位置 省西南七十五里。東至渤海。西界大城。南界青縣。東南界滄縣。北界京兆武清。

東西二百里。南北百里。

沿革 漢章武縣。黃河至此入海。又爲東平舒地。宋爲清州窩口砦。金明昌置靖海縣。元省入會川。尋復置。明初改靖爲靜。清因之。

地勢 南運河高於大沽口八尺。低於平地八尺。獨流鎮南面隔地峽二里。即係子牙河。高於大沽口五尺。低於平地十一尺。有切此地峽引子牙入南運之議。

水系 子牙河自大城。來入縣境。至獨流鎮。會大清河。自新鎮三角淀來。會。近年因天津海河入海不暢。子牙河遂由獨流鎮。遂倒灌而西入大清河矣。初大清本由三角淀。北流會永定。乾隆間有格淀大堤。同光中。永定南徙。大清河始破堤衝入子牙也。物產 稻田分列水濱。五穀且宜。蔬宜果。農產製造則釀酒者爲大宗。醋亦不少。醬油豆豉亦佳。

實業 中國銀行設有分行。縣民河套和埧。實得河流。大城民埧。與本縣有密切關係。

近於天津。年來鄉村婦女。傳習髮網花邊者。亦能收歐美之利。以美術自競於世界。戶口 四萬三千零九十七戶。二十四萬五千二百零四人。

教育 縣立高等小學校。因歸併學校。更換校長。地方紳士把持。致辦學獲獎之員。不免短氣。即於學事進步。大有阻礙。國民學校。每三百戶設立一所。各村並辦學倉。城市 西臨南運河。東連津浦路。水陸要衝。舟車輻輳。奉新水驛。在南城外。明初置。今久裁。而停船者亦多。

鄉鎮 海濱有興國場。爲沿海要地。西南子牙鎮。爲沿河要地。接大城縣界。昔謂之鈞臺。獨流鎮在縣西北十八里。商業亦盛。大鎮二小鎮三。大村三百五十。小村三十。邑南雙塘村高氏藏有高爾修。聖教序碑。

交通 津保軍用汽車馬路。由天津西南至此。又西南至大城。爲最新最捷之路。因運河紆曲。鐵路線亦因以紆曲。不如新勘汽車線之直捷。可以省時。自有此道。京漢京奉相交之豐台長辛店。在交通上形勢略已轉移也。軍糧城信差周迴。郵件極多。

第四十九章 河間縣

河間縣治北緯三十八度三十分。偏西十七分。

位置 京南四百一十里。東南界獻縣。西界肅寧。北界任邱。東北界大城。西北界高陽。東西七十三里。南北六十里。

沿革 漢河間國。北魏瀛州。兼置河間郡。宋升河間府。明以前天津各縣皆屬之。府治首縣同名。民國始裁府存縣。

地勢 古九河之間。地形卑下。漳滏滹沱諸水經此。輒變其故道。川渠絡繹。各水道者。勢如亂絲。治河之官。瘁瘁心力。兼費國帑。地質皆沖積層。莽莽平原。無一山可名也。水系 子牙河在城東十里。三俗名沙河。小輪船自天津泆流而上。至沙河橋。念祖橋。留各莊皆在碼頭停泊。昔年水盛時。可上沂至獻縣臧家橋。今水小不能上沂。楊河。唐河合流至壩台。入於子牙河。縣民有創築橫隄堵河者。

物產 棉花糧食大宗輸出。足見衣食有餘。花生蕃於枯河之沙地。香梨之香。白菜之白。並爲美味。

實業 家庭工業。草帽纏爲婦女生利大端。紙坊作毛頭紙草紙亦多。硝業全歸官硝總局。火硝皮硝均由官收買。專賣限制甚嚴。花生油榨亦近年始盛。

戶口 九萬一千五百三十八戶。三十五萬零二百七十七人。

教育 省立中學師範各一。縣立高等小學在城者二。男女各一。國民學校二百處。共分四學區。中學畢業生多升入陸軍。計畝歛糧爲學倉。並核辦狀紙加價。

城市 城在滹沱河涸斷之支流上。城東曰楊河。距城二里。城西關曰唐河。二河今皆無水。昔日合流入子牙河者。濼台在城東南高五丈。東北高陽臺與之相望。

鄉鎮 村莊共八百餘處。有地八千餘頃。皆平壤。距城北二十里有二十里舖。又北爲三十里舖。有毛公祠。毛公墓亦在此。昔有書院。今改學校。東北五十里有臥佛堂。西

九吉距城東南十五里。君子館在西北三十里。景河北魏東城臥佛堂。共號四鎮。

交通 自縣入京者多。取道高陽至保定。由京漢路。自縣赴津者則取道滄縣。由津浦路。商家貨物來往均由水道。且用舊式帆船。名曰勝子船。能容八九百石。上派四日。下行只二日。小輪只一日。載客頭等一元二等七八十枚。頗形擁擠。

第五十章 獻縣

獻縣治北緯三十八度十六分。偏西十五分。

位置 京南四百七十里。東界青縣。西界饒陽。南界交河。北界河間。西南界武強。東西百四十里。南北七十五里。

沿革 漢河間獻王所都。因以得名。漢縣曰樂成。隋改廣成。宋改獻州。明省縣入州。又改州爲縣。清因之。獻王陵在城東十里。陵上有祠。

地勢 山不成脈。東十里有萬春山。東南十五里有雲臺山。東北十八里有白草山。西南十里有樂壽岩及建成山。子牙河高於大沽口二十八尺。低於隄外地二尺。

水系 子牙河一名沙河。又名下西河。實滹沱滏陽二水之下游。俗以臧家橋東爲子牙橋。西爲滹沱。滹沱自饒陽來。其水濁。滏陽得武強來。其水清。滹沱河道由完固。

口分支至青縣。今淤。宣統二年。井陘煤礦。請疏此道運煤。爲諮議局反對而止。物產 生貨以棗梨爲大宗。熟貨以草帽纒爲大宗。農產五穀俱備。年豐足食。有閹雞。

頗肥。大謂之獻雞。昔年本地多太監。曾獻之宮廷故名。

實業 漳滏爭流。每屆伏秋巨汎。輒橫溢爲災。縣境四十八村。終年浸沒。嗣以各處掛  
溢淤日高。遂脫漂泊獲耕耘。漸呈小康之象。每歲若旱。農民多。商民少。鮮共同之業。

戶口 五萬五千八百八十四戶。三十三萬四千零七十七人。

教育 縣立高等小學校。課程認真。國民學校已設者九十村。其餘續籌設者一百五  
十處。或以私塾改良代用。每畝隨糧徵五文。每校補助五十吊。

城市 周六里有四門。金時所築。距高津植沽河三里。用兵時添練馬隊三十人。由自  
治息款開支。保衛公安。爲臨時警備。

鄉鎮 樂成故縣在東南十六里。景城廢縣在東南九十里。中水廢縣在西北三十里。

四十八村之封頭莊。銀號甚富。曾經匪劫。尹保寨廟會。有搭棚明賭者。單家橋在縣  
南十二里。跨漳沱河。行旅通途。久淮鎮在縣東。臧家橋在縣北十里。共八鎮九百餘

交通 縣南水分二派。一經縣南。北至滄縣西之杜林鎮。與漳河合。北至青縣東南與  
運河會。一北流經縣城西北。折東北流。經景和鎮西。又北經子牙汎。因名子牙河。下

經鹽海獨流。與清水合。又東與南運河。今經天津城北。至三岔河。會白河。舟運極盛。

第五十一章 肅寧縣

肅寧縣治北緯三十八度三十七分偏東三十六分。

位置 東界河間。西界蠡縣。南界饒陽。北界高陽。東南界獻縣。西南界安平。東北界任邱。東西五十七里。南北四十里。

沿革 漢武垣縣地。隋唐河間縣地。宋雍熙置平虜寨。景德二年改肅寧城。金升爲縣。元廢爲鎮入河間。尋復置。明清以來因之。

地勢 低窪防水。惟恃唐河一隄。西起蠡縣。高陽。安新。東則河間。任城。雄縣。北則容城。徐水。失時未能盡修。一遇水潦。輒有潰溢之患。

水系 蠡縣以東。高陽以南之水。溢於縣境。插爲五十二淀。俱注於中堡河。流經雄縣。注於瓦濟河。其津東五十二淀。俱在縣東南二十餘里。即唐河。滋河。滹沱河。諸水散流所滙也。玉帶河在縣東三十五里。爲淀水分流之歸納。東北入任邱界。

物產 肅寧菜著名。白菜。青韭。菜最佳。五穀皆備。近代花生。薯蕷。極蕃。棉花亦爲輸出之大宗。

實業 收買蝗蝻。督捕認真。先儘地方公款開支。不足則濟以縣款。各鄉巡警。人人持有捕蝗器。匝月搜捕至三萬餘斤。害蟲淨盡。田賦完全二萬以上。足裕國帑。

戶口 五萬七千五百八十四戶。三十三萬四千零七十七人。

教育 縣立高等小學校。在城內。全縣分四學區。每百戶必設一學。不足者合設。距離遠者仍獨設。

城市 城周六里。有二門。東北隅即古之南陽務。五代時與契丹互爭之邊地。石晉時陷於契丹。舊城周六里。宋時築以屯兵。旁有肅寧砦。昔名南陽曠。亦曰曲陽曠。

鄉鎮 豐樂堡在縣東十五里。子由堡在縣南十二里。王家堡在縣西十八里。太史堡在縣北十八里。中堡橋在縣東三十里。窩北舖在東南十八里。商業較盛。洋東淀在東南三十里。共二百五十村。城東梁家村。東南韓村。城北太史堤。城西傅家佐。四鎮交通。欲赴保定。必取道於高陽。欲赴天津。必取道於河間。南出饒陽。西出蠡縣。皆郵路所經。今日郵程。東二十二里。梁家村。為赴河間要道。北二十里。大團丁鎮。為赴高陽要道。南二十五里。大伊村。為赴饒陽要道。

第五十二章 任邱縣王耀卿調查

任邱縣治。北緯三十八度四十六分。偏西十五分。

位置 京南三百五十里。東界大城。西界高陽。南界河間。北界雄縣。東西八十里。南北九十三里。

沿革 戰國燕鄭邑。漢置鄭阿陵高郭三縣。唐武德五年始置任邱。又置鄭州於鄭縣。兼領任邱開元改莫爲鄭。宋省莫縣。移鄭州來治。元於鄭亭置鄭州。明初省州入縣。地勢 金沙嶺在縣東四十里。桂巖在西北。白馬峯在南。畧具逶迤崔巍之狀。本縣名任邱。則因西北高阜。任將軍墓得名。徵之前史。或爲任光。俗以任邱爲人名。無據。

水系 白洋淀又名西淀。在縣西北。周約百里。豬龍河唐河府河曹河等水來注之。淀水自趙北口東流。有十二連橋。爲大清河繞縣東北境。經天津由大沽入海。五觀淀在縣東北境。古洋河即陵城河來注之。今已乾涸。夏秋漲瀾而不流。有如死海。

物產 魚類極蕃。鯉。鯽。鱖。鱣。最多。蝦。蟹。螺。蛤。亦盛。爲全省冠。水田宜稻。菱。藕亦多。農產六穀。以麥及藍靛爲大宗。蔬以茴香爲美。果有沙果。又有白麻草棉葦。

實業

鄭州廟會販鴉片者爲黑商。販嗎啡者爲白商。鴉片爲黑貨。嗎啡爲白貨。多由

倭商游歷者爲護符。魚業公司暢銷保定太原。滄局收買銷京津保染坊布業並盛。

戶口 四萬三千三百六十二戶。二十萬零一千七百七十六人。

教育 縣立高等小學一。鄉立高等小學四。國民學校一百零五。女子小學十五。學生

共三千五百七十餘人。尙擬推廣國民學校百處。

城市 集市以布市爲大宗。布局資本較厚。運銷張家口外。四月九月均有廟會。魚市

腥風。居民亦久而不覺。漁販私賣鮮魚。無稅票者。每有被保安隊私打私罰者。

鄉鎮 鄭州鎮古鄭國。距城北四十里。古城屹然。商業冠全縣。居民三千。糧市牲口市

並盛。趙北口在鄭州北十五里。當西淀東口。橋上題曰燕南趙北。蓋趙之北境。縣東

長豐鎮公堡鎮。新中驛鎮。縣西青塔鎮。皆千家之集。共十二鎮。二百四十九村。

交通 昔爲京師南赴山東驛路。今東出大城。由靜海以達天津。西出高陽。以達保定。

道治之清苑。有軍用官道。行駛汽車。聯絡津保。以任邱爲中心。道寬一丈五尺。官道

不足。添購民地轉角處加寬。遇河設渡。大清河有小輪船達天津。帆船則可達保定。

第五十三章 阜城縣

阜城縣治北緯三十七度五十六分，偏西十二分。

位置 東界東光，西界武邑，南界景縣，西北界交河，東西相距三十六里，南北相距三十里。

沿革 漢阜城縣，後漢徙廢。晉後置。唐改漢亭。五代漢復故。宋省爲鎮入東光。熙寧復置。後沿之。

地勢 爾雅釋地。大陸曰阜。說文山無石者。釋名土山曰阜。本縣境坡阜較高。河患較輕。東北二十四里。有苻融壘。憑藉頗高。東南趙簡子城一名沙邱。

水系 老漳河自故城東北流。經本縣之西。又北入交河界。所謂漳河故瀆也。胡盧河在縣西北七里。即衡漳別名。自武強入境。又東入交河界。流洽河在縣北七里。本胡

盧河支流。又有潢虛河。自棗強來。注入交河界。注於滹沱故瀆。

物產 農產以米麥爲大宗。棉花及花生、葡萄、梨、棗等物。出產亦多。棉籽及花生均可榨油。

實業 勸業所財政所均依省單行法成立。人情樸實忠厚。勤儉尤爲特長。多務耕織。如幽風七月焉。

戶口 一萬七千九百二十三戶。十一萬六千五百八十七人。

教育 縣立高等小學校。在城內。全縣分四學區。國民學校豫定二百處。仿辦沙河糧粒。並整頓線捐。並提公款公產。

城市 趙簡子城在縣治東。藩領城在縣治東北。皇殿在東北二里。爲明成祖駐驛之所。棊臺在縣西城下。稽康拊琴處。留駕井在縣治南。光武駐驛處。

鄉鎮 漫河舖亦名漫河店。在縣東南三十里。距景縣亦三十里。今距連鎮車站五十里。舊曰新中驛。適中之地也。又富莊驛在縣北三十里。北達獻縣。今畫爲交河接界。縣西有石海坡。縣北有馬回台。皆郵路之通衢。共三百一十村。四鎮較富。

交通 明永樂卽置阜城驛。本爲京師赴山東大路。北通獻縣河間至京。南通景縣至山東境。自京津津浦兩鐵路皆移而東。此路少人行。而驛站亦廢。今縣城距津浦鐵路連鎮六十里。陸行一日可達爲出入之門戶。

第五十四章 交河縣蘇莘分纂

交河縣治北緯三十八度十分偏西九分。

位置 省治西南四百八十里。東西運河與南皮分界。東北界滄縣。青縣。北界獻縣。西界武強武邑。南界阜城東光。縣城由西南斜延東北。東西百二十里。南北五十五里。沿革 漢成平縣。武帝封河間獻王子劉禮信邑。兼跨建成景成之地。世稱漢水中縣。誤也。漢後常合於樂壽。金大定七年始析置交河縣。時滹沱漳水交流境內。故名。地勢 平坦無山阜。古河故瀆交錯。純屬沖積層。腴田斥鹵。各居其半。

水系 水道分三系。一運河。縱流縣東。界北至天津。南至山東臨清。又西南達河南道口。航運便利。二滹沱故瀆。自獻縣東來。橫過縣北境。逕尙古莊。抵高川鎮。納清河。古漳別支也。又逕黃遞鋪。北入青縣境。三漳河故瀆。自阜城北來。逕縣南盧家橋。縣東窪里橋。抵三岔口。納漫河。古屯氏河也。又納倒滾河。過高屯。北入青縣境。

物產 交梨爲果品特產。每年運津出口。約值二萬元。棗亦外運大宗。普通燥地農產。皆有。穀梁玉蜀黍。獲最富。菽麥次之。近有提倡種棉者。

實業

縣城泊鎮兩倉積穀一千四百石備荒鑄鐵工藝最精本省及關東蒙邊各埠

鐵工多爲交河人泊頭永華火柴廠行銷頗廣織布織帶遠銷歸綏蒙邊

戶口 六萬零五百三十四戶二十五萬八千六百六十八

教育

縣城高等小學師範講習所各一泊頭鎮寶莊驛兩等小學各一國民學校一

百四十七女學八學生四千餘學款籌之地畝附捐廢廟地租

城市 縣城偏於全境西南位古漳河北五里城四門土垣半圯東西關及旅店城西

新設農事試驗場高等小學就瀛南書院改設距泊頭車站五十里

鄉鎮

村莊六百四十二泊頭鎮佔全縣商務菁華瀕於運河亦津浦大站輸出以農

產爲最多糧行雞鴨蛋火柴次之輸入洋紗煤雜貨等縣西富莊驛昔爲京師南過

阜城景縣通山東官道商業已衰縣北郝村鎮東北高川鎮則一方小市集耳

交通

擬修泊石鐵路由津浦路之泊頭車站西經交河武強深縣晉縣以抵石家莊

線距既短路基亦高又無大橋工較滄石極近便在測勘中又有大清河橋梁在城

北二十五里曹家村爲深武衡棗赴津要路今募款修葺之潰兵過境頗受擾累也

第五十五章 寧津縣張乃恒鄉志

寧津縣治。北緯三十七度四十五分。偏東二十六分。

位置 東界山東樂陵。南界山東德平。西南界山東德縣。西界吳橋。西北界東光。北界

南皮。東西八十里。南北六十里。西北距京師六百五十里。實燕齊接壤之要區。

沿革 古鬲國地。漢東光臨樂二縣境。晉樂陵國。隋胡蘇縣。唐設縣曰臨津。宋省入南

皮縣。名保安鎮。金復置臨津。改曰寧津。後因之。隋堤在西北三十五里。

地勢 南津枯河。自德縣入。經小店出德平。復入界。經白家廟入樂陵。稍北胡蘇枯河。

自吳橋入。經保店。卑窪斥鹵。故蹟可尋。分爲二。若斷若續。堤亦漫滅。

水系 老黃河在縣北三十里許。卽宋慶曆八年河決澶州之水北流。亦卽德縣滅河

水道也。自山東恩縣德縣。至吳橋溝店舖會吳川。東流至黃家鎮入縣界。亦以渤海

爲尾閘。此古黃河實宋商胡北決之故瀆。其中置牌引流。已多改變矣。

物產 農產穀蔬瓜果絲棉皆備。農家製造。如高粱酒、棗酒、豆油、繅帶。最爲著名。東南

宜桑。而育蠶不盛。西北宜棉。不自紡織。

實業 縣立苗圃成立最早。清明農作。先展墓告祖。禮也。商業縮於柴胡店。洋綫顏料。

商輸入甚盛。全縣繚帶工場廿餘所。高粱酒亦廿餘家。棗酒牛之。豆油榨凡四十家。

戶口 六萬一千一百八十八戶。四十四萬八千二百六人。

教育 縣立高等小學。一國民男女各一。公立高等小學四。國民五百餘。單級師範講習所一。統計全縣學生三千五百人。當學齡兒童之半。女生居百之一。

城市 縱橫二街。直達四門。縣署居中。街長里許。土路未修。集期爲一六。集場四關輪

值。集時商人各以貨列道旁。錢局鹽商。列東西街。郵局在西關外。警察駐南門。

鄉鎮 柴胡鎮爲縣東鉅埠。百貨雲集。東通楊盤鎮。出無棣。南通張家集。出德平。至今

商販尙盛。大柳鎮爲縣北名區。有康王祠。祀宋高宗。相傳泥馬渡康王處。又北有長

官鎮。通滄縣。縣東四十里。光武城。縣西二十里。李羅寨。共四鎮。八百四十一村。

交通 距京二日程。第一日乘車至連鎮。第二日乘津浦車至天津。換京奉車至京。計

由城西經坊子。王家廟。東光之梁家集。至連鎮。本縣貨物出入通途。北路本京津大

道。自鐵路成人跡稀矣。東路柴胡鎮。東通山東無棣魚鹽。南出濟南售繚帶焉。

第五十六章 景縣王克窩調查

景縣治。北緯三十七度四十六分。偏西六分。

位置 省南一百八十五里。東界吳橋。西界棗強。北界阜城。南界山東德縣。東西八十八里。南北六十五里。

沿革 漢置修縣。隋改爲蓀縣。金始以蓀縣屬景州。元自東光移景州來治。明初省蓀縣入州。今改州爲縣。漢弓高縣。龍領縣。故城皆在縣東。長河縣。修市縣。故城在縣西。地勢 董仲舒墓在董家里。仲舒門人。每過必下馬展拜。人呼爲下馬陵。俗訛爲蝦蟆陵。村名廣川。距縣城西南六十里。東北地最低者曰千頃窪。城外有玉環隄護城岡。水系 南運河自山東德縣東北流。入本縣之東境。過安陵鎮。又東北流。入東光縣界。老漳河自故城東北流。經本縣之西。胡盧河在縣東北。自阜城來。北流入東光縣界。故渠多堙廢。障水隄在縣城外。

物產 大麥爲春麥。小麥爲秋麥。粟。菽。黍。稷。粱。並全。特產哈密瓜。在孫家鎮。縣城東北。一名喇嘛瓜。形長皮厚。藏之經冬。果樹以梨爲大宗。棉花皆運售天津。

實業 生布係龍化鎮所織。雖粗實厚。運入京師作皂鞋。今爲外國帆布所奪。安陵鎮有軋花廠。兼織布。南鄉劉智廟。每四月大會。集者數十萬人。山東商人多負販而至。戶口 四萬零三百一十二戶。二十二萬九千一百一十七人。

教育 高等小學三。國民學校。號鄉學者。三百四十餘處。學生萬數千人。人民擔負畝捐。極不滿意於辦學之人。各校補助。參差不齊。紳民組織教育進行會。力謀整頓。

城市 縣治西北開福寺塔。高三十三級。拔地二十五丈。城牆上有讀書臺。爲董舒仲讀書處。城下有董子廟。周亞夫墓。在城西三里。俗名大塚。如高山可望。遠有亞夫村。

鄉鎮 全縣三百餘村。東鄉柳官屯。距城六里。安陵鎮。有高齊十八陵。俗名十八亂塚。西鄉有松門鎮。一名宋門鎮。距城三十里。夾河劉莊。距城二十里。有巡警。西南有廣

川鎮。東北有李晏鎮。均爲著名已久。北鄉孫家鎮。有郵政局。共四鎮。八百餘村。

交通 津浦鐵路車站。在城東安陵鎮。運河之東。距縣城二十里。有土路驛馬車往來。運貨則粗重者多藉舟運。價值較廉。武邑冀縣之人。上下火車。亦有取道於安陵者。

今出外謀生者。以軍界爲多。

第五十七章 吳橋縣

吳橋縣治。北緯三十七度四十二分。偏東六分。

位置 南端近接山東。南界陵縣。西南界德縣。東界寧津。西界景縣。北界東光。東西四十五里。南北六十五里。

沿革 漢置安縣。後漢省。晉置東安陵縣。後魏去東字。唐爲將陵縣地。宋爲吳川鎮。金

置吳橋縣。元以後因之。又漢重合縣故城亦在縣西南三十里。

地勢 窪地甚多。亦爲民間私產。東北三十里梅家窪。西十里曹家窪。蓋鬲津故道。昔爲黃河所經。漳河已涸。本非正道。遇潦則溢。龍灣在縣東。亦大河之餘流。

水系 自山東德縣南運河分一支。北流又東流。所經曰鉤盤河故道。自德縣東北入本縣境。東流經縣城之南。又東流。入於寧津縣境。南運河正流自景縣安陵。北至縣西北之連窩鎮。北流入東光界。王莽河在縣東北。古屯氏河故道。

物產 棉花爲產額大宗。歲計五百萬以上。棉油及棉油餅均爲埒帶之產物。惜不能自紡。棉紗織棉布也。

實業 棉花籽亦發牙帖，務農者居十之七八。務工商者不過十之一二。人情誠實，忠厚易爲外來商賈所欺。

戶口 三萬三千四百零四戶。二十萬零三千四百一十九人。

教育 縣立高等小學校。在城內。全縣分五學區。每區先設國民十校。傳習四次。講習六次。私塾已取締淨盡。國民教員任職十年。勤於啓發者均膺部獎。

城市 城周四里有四門。運河在縣城西北。過縣境三十二里。縣人逐利者。得由此以發展。

鄉鎮 連窩鎮在西北四十里。衛河東岸。又名連鎮。商業發達。王孝橋在縣東十五里。又高觀蔣橋在縣東南十五里。雖當要道。非鎮市也。全縣只一鎮。大村八十二。中村三百一十八。小村一百八十二。

交通 津浦鐵路連鎮車站。西南赴景縣四十里。東北赴東北十八里。是以交通便利。昔有連窩水驛。爲南漕所經。今水驛雖裁。帆船運貨者多。小輪船亦自德州通天津。陸路通阜城武邑衡水冀縣南宮。商旅多由此出入。

第五十八章 故城縣

故城縣治北緯三十七度二十八分偏西十四分。

位置 東界山東德縣南界山東武城西界棗強北界景縣東西七十五里南北五十五里。

沿革 漢置廣川歷縣唐移長河縣治此。又設東武垣縣金爲故城鎮。元初升爲縣。至元省復置。明以後因之。

地勢 歡喜嶺在縣西三里。相傳雲中楊叔敬以事客故城。子溫自籍來省。邂逅嶺旁不勝喜躍。因以名之。其實則平原中長岡而已。

水系 老漳河自清河北。東北流入縣境之西。又東北入景縣境。衛河自武城縣北流。至子錢莊入縣境之西南。經鄭家口下莊曹家村。繞縣城之南。又東流入山東之德縣界。張甲河故瀆近景縣。古爲屯氏河別支。枯河在西南。旱時播種河中。收穫倍利物產。五穀全備。近歲花生蕃於沙地。夏日西瓜味美。又有俗名打瓜者。瓢不甘美。子大可食。運銷天津。應酬場中瓜子亦大宗也。軍隊過境。糧食立盡。支應甚不易也。

實業 麥價每斗京錢五千三四百文。雜糧每斗京錢三千數百文。每集市價必昂。父志云比數十年前饑饉時。價增倍蓰。赤地飢民。詛說分糧。意圖搶掠。出示嚴禁。

戶口 一萬九千九百八十六戶。一十一萬七千九百三十八人。

教育 縣立高等小學校。在城內。全縣分兩學區。師資敷用私塾合格者。即改爲私立國民學校。加徵學款。價賣廟地。以增生息。並加收學費。

城市 周四里有四門。城垣土築。今多破壞。不能防守。潰兵入城。市面被擾。邑紳有無帖而抽用者。爲人告發。城鄉商店。所出錢票極多。金融恐慌時。在宣講所一律兌現。鄉鎮 四女祠即四柳樹鎮。在縣東南十八里。接山東恩縣界。鄭家口在西南廿五里。三朗鎮。嶺踪村。西辛莊。曾有匪患。西北邢莊。鞭長莫及。新設警察分駐所。各鄉富戶。自備槍百支。子彈萬粒。馬家砦在縣西北五十里。共二百五十二村。

交通 距津浦鐵路德縣東站不過四十餘里。武城在山東之西北隅。距德縣百里。必經過故城。車馬如織。縣知事仍在用四人大轎及牌傘前導者。衛河乘山東德縣縣之上游。舟行亦便。河南道口船過者極多。帆檣相接。上沂武城。下達德州。

第五十九章 東光縣

東光縣治。北緯三十七度五十九分。偏東八分。

位置 東北界南皮。西界阜城。南界吳橋。東南界寧津。東西相距六十五里。南北相距五十五里。

沿革 漢東光縣。東魏移渤海郡治此。隋置觀州治此。唐屬滄州。移景州來治。宋爲永靜軍治。金爲觀州。元爲景州。縣名至今不改。

地勢 天胎山在縣南十里。青山土山均在西北。魯陽山在西南。又有小天胎山。更覺其爲拳阜耳。天胎山有隕石。古人以爲星隕所結也。

水系 南運河自景縣沿津浦鐵路之東。東北流入縣之南境。自連窩舖至縣城。又北經辛莊油房姚官屯楊園。下游東爲南皮界。西爲交河界。胡蘇河故道。在縣境之東南。爲九河之一。

物產 農產大豆。可製造豆精乳豆豉豆醬。果品有東光梨。亦爲出品大宗。棉花產穀亦富。城內普照寺。有古銅獸。俗呼爲銅犼。重百斤。犼爲印度產。不知曾入中國否。

實業 牙行過秤。梨戶或稱不公。斗行浮收。豆捐不無流弊。務農者十之七八。務商者十之二三。信實者尙多。鄉民良懦。不免受商家所盤剝。

戶口 四萬九千三百六十戶。二十六萬九千六百五十二人。

教育 縣立高等小學校在城內。全縣分五學區。國民學校。調查分配二百餘處。師範講習所。督促私塾改良。模範國民學校。注重學生自動。均活潑有秩序。

城市 有守備隊駐防。蓋津浦鐵路南運河。水陸要衝。地勢重要。北朝時。城西三里。有西光城對岸。巨以虹系橋。今已頽敝。

鄉鎮 馬頭鎮在縣西三里。下口鎮在縣北二十里。皆衛河所經。商旅輻輳。昔有新橋水驛在縣東五十里。俗名泊頭。設有驛丞巡檢已裁。鄉民守禮畏法。而縣差之下鄉索詐。猶待查明嚴辦也。三大鎮最殷富。五小鎮次之。共六百七十四村。

交通 津浦鐵路車站。設在縣城之東。南運河小輪船碼頭。在縣城之西。郵路東南二十五里至秦村鎮。又二十五里至梁家集。又二十五里至于家集。又八里至雙劉店。又十里至吳橋縣。爲兩縣鄉鎮交通之便利。

第六十章 盧龍縣張蔚西灤陽紀行

盧龍縣治。北緯三十九度五十五分。偏東二度十二分。

位置 京東五百五十里。東界撫寧。南界昌黎。西南界灤縣。西北界遷安。西六十五里。南北八十里。

沿革 商周時孤竹國。春秋肥子國。漢肥如縣。屬遼西郡。後魏以遼西治之。又僑北平郡治新昌。隋省肥如入新昌。又改新昌爲盧龍。宋曰盧城。明清永平府。今裁府存縣。山脈 古之盧龍塞。今名盧龍山脈。縣境無盧龍山。北望羣山綿亘。勢若長蛇。北方謂色之不純里者曰盧。乃塞山總名。一統志以盧龍鎮之黑山當之。俗人喜談棒槌山水系 灤河自遷安縣東南流入境。孤山點點。散布兩岸。河中孤嶼。上有孤竹君祠。河濱平岡。上有夷齊廟。環以石城。至縣城西南。有青龍河。自邊外來會。其源出熱河建昌。自桃林口入邊牆。會於灤河。南入灤縣界。淘金河出筆架山東北。而流入灤河。物產 波梨、榛子、蘑菇、蔓荊子、漆魚、銀鑛出城西十五里之椒山。銅鑛出孤竹山。鐵鑛亦出西鄉。

實業 永平七屬工藝局。新織各項布疋。陽山在東南十五里。或名首陽。有鐵鑛。鐵冶在焉。今七屬鑛務。經本省鉅紳。合組公司。久已立案。尙未開辦。外人窺伺。何術禦之。戶口 二萬一千九百三十三戶。一十三萬七千四百四十二人。

教育 省立中學。因昔年永平舊屬爲學區。校舍原係清龍亭舊址。編有礦物講義。力求實用。縣立高等小學。課程亦嚴。國民學校約二百處。

城市 縣城當灤河青龍河會流之處。人口二萬。卽漢之新昌縣故城。遼西城在府治東。漢郡舊治。長城在縣北七十里。乃明之邊牆也。

鄉鎮 肥如城在西北三十里。海陽城在縣南三十里。令支城在東北。樂安城在東南。燕河陳官屯。四月八日廟會。多聚賭。孤竹城在縣西十五里。桃林在縣北六十里。有黃山如金。龍山在縣西四十里。有赤峰。近於烽火山。共八鎮四百二十村。

交通 縣城西南陸行三十五里。至京奉鐵路灤縣車站。爲出入之要道。郵路西北四十里至遷安。又北至大橫河。陳官屯。燕河營。劉家營。建昌營。通熱河界。又東通雙望鎮。南通劉田各莊。蛤泊鎮。至安山車站。昔驛路扼京東之衝。今擬修汽車馬路。

第六十一章

遷安縣時惜陰三屯營記  
張蔚西灤陽紀行

白月恒說灤河

遷安縣治北緯四十六度六分。偏東二度十六分。

位置 京東五百二十里。東界盧龍。西界遼化。南界灤縣。北界熱河建昌。東西一百七十里。南北七十里。

沿革 春秋山戎令支國。秦爲離支國。漢置令支縣。晉初沒於鮮卑。後魏省入陽樂。五代入遼。改安善地。金大定七年改遷安。元省入盧龍。後置。明清因之。

山脈 燕山田盤之脈東迤。有駱駝山。青山。龍井關。碣石山脈西走。有鐵門關。黃土梁。都山。五福山。塔山。茨兒山。巍然特稱於桃林口外。兩脈相向。東灤河西岸。若斷若續。水系 灤河自熱河區懸崖奔流。由長城潘家口。趨向東南。南經灤陽城。龍王廟折東。合長河之水。自東北晾馬台。經鐵門關之東來會。經下莊小營。繞縣城之西。又南經蔣各莊。東南經藻村入盧龍界。河出巨石間。水風相激。洶湧有聲。三門門坎尤奇險。物產 牲畜皮毛。捐款頗鉅。山產榛栗。甘棠梨出卜官營。溫泉左右。稻田甚盛。麥菽稷亦蕃。製造棉紙。取桑皮爲之。寬河川有金礦。其他鐵鑛錫鑛亦富。藥有都山參。

實業 三屯營人民四萬。以商夥爲著。喜峯口地處衝途。而門捐多轆轤。潘家口水路亦設稅廳以稽商貨。董家口稅書尤爲慣於舞弊。朦混爲商人障害。

戶口 五萬三千零五戶。三十六萬九千二百人。

教育 縣城高等小學校而外。推楊家店鎮高等小學。成績展覽最著。國民學校百所。學費不足。由契稅稽查費酌提三厘云。

城市 縣城踞黃台山左腋。去灤河東岸三四里。市上填街塞巷。捆載相屬。皆鄉民上市之棉紙也。商家收買以輸出焉。

鄉鎮 三屯營在縣西百里。爲沿邊重鎮。明成祖自南京移軍兵戍此。戚繼光總鎮府至今猶存。有九門十八道之形勢。潘家口東距喜峯口十里。小聚落不過百家。外環石堡。下瞰灤河。共十四鎮。一千一百九十三村。

交通 北距喜峯口百里。扼以三屯營。此前明防邊要害。西行十五里。爲景隆山。有清聖祖之行宮。今喜峯爲熱河大道。自承德而南。循灤河之谷。亦有陸路可通。遇狹曲處。翻山經過。引弧成弦。故陸路較捷。水路上溯太平營。富沙橋。下達盧龍灤縣。

第六十二章 撫寧縣

撫寧縣治北緯三十九分五十五分。偏東二度五十一分。

位置 京東六百二十里。東界臨榆。西界盧龍。南界昌黎。北跨邊牆界熱河。東西七十

三里。南北九十五里。

沿革 漢置陽樂縣。屬遼西郡。金復置撫寧。漢驪成縣。後漢省。隋爲盧龍縣地。唐武德

二年。分置撫寧縣。仍省入遼。置新安鎮於驪城。元省入昌黎。復置。明以後因之。

山脈 兔耳山。雙標縣西七里。橫山在縣東八里。紫荆山在縣南二里。天馬山在北二

十里。其餘盧峰。八角。溥塘。雙頂。雲峯。羊角。黃崖。雕崖。背陰。半壁。將臺。鐡山。並險。

水系 東南臨大海。有洋河口。兩源出邊外。自箭桿嶺。開連口入。合而東南流。至拾頭

營。西北一水自青山口東流。經馬谷營。至縣城。西折而東南。至洋河口入海。牛頭崖

河。出縣東北。南流入海。

物產 黃山之石。茶芽山頂之茶。牡丹北之牡丹。海濱諸水。有菱芡魚鹽之利。農產穀

果俱備。銀礦尙未開采。

實業 口外之金礦、馬各莊之石灰均經勘探。無大資本公司之組合。老成富厚之紳士無進取之心。後起學生。又未得社會信仰。

戶口 五萬四千九百六十七戶。二十八萬五千二百五十九人。

教育 縣立高等小學校。在城內。全縣分五學區。每三百戶設一國民學校。學款并收婚書費。臨撫公立高等小學校。由紳民捐款辦理。

城市 縣城西南臨洋河。近於渤海。空氣澄鮮。昔日東三省冠蓋往來。必由縣城住宿。自鐵路南出。昌黎繁華漸減。

鄉鎮 歸化鹽場。東南濱海。亘四百里。惠民場在縣西南海濱。大鎮有四。村莊六百五十餘。北邊有明總兵戚繼光所修敵樓數百座。太平日久。空無人居。老嶺一帶人稀。洋河兩岸。村居最密。

交通 黑洋河海口。爲明時海運之道。西指津沽。南望登萊。皆一帆可達。現京奉鐵路。斜過縣南。自西南至東北。自縣城南過宋莊。至留守營車站。不過十餘里。爲本縣出入之要途。昔年驛路。由京師東達山海關者。今擬修汜車馬路矣。

第六十三章 昌黎縣趙如券游碣石山水岩寺記

昌黎縣治北緯三十九度四十五分。偏東二度四十四分。

位置 省東要道。南臨渤海。東界臨榆。東北界撫寧。北界盧龍。西北界遷安。西界灤縣。南界樂亭。

沿革 漢察縣。復省入臨渝。又漢交黎縣。後漢改昌黎。其後爲廢營州。遼曰廣寧。金大定改爲昌黎。元省入撫寧。旋復置。明清因之。

山脈 碣石山爲禹跡所至。垂直高八里。盤繞境內。邱陵崎嶇。或以爲盧龍山脈。今從古稱。特高處爲仙台頂。佳處爲水岩寺。五峯。混元洞。每晨東觀滄海。望日出爲便。

水系 灤河自灤縣樂亭來。橫貫東南。每有汎濫之虞。距海口甚近。不難疏鑿。河口以利海舶之航行。螞蟻河蜿蜒縣境。水勢甚小。然開渠引流。以資灌溉。農家皆受其利益。老漁相傳蔽林海岸之魚多。童山海岸之魚少。

物產 平原穀麥並饒。山地出水果胡桃及玉蜀黍等。然本地糧食不足以自給。每仰給於奉省。碣石萬壑松濤多巨林。其次果樹春華秋實。可玩可食。林檎尤美。

實業 莫各堡赤洋口魚稅局皆招商承辦。近海一帶漁業頗盛。足以代農田。人民生計仍以農業爲主。商業輔之。

戶口 六萬二千一百三十戶。三十七萬二千三百二十二。

教育 高等小學一在城內。各鄉高等小學附國民學校者三。國民學校城鄉共二百餘處。學生一萬二千人。不失爲農商之良民。全縣六學區。豫計設國民學校六百餘。

城市 唐韓文公愈貶此。祠中有鳶飛魚躍四字。今後裔尙居城內。昔爲要衝。今鐵路在城南。益覺繁盛。倭兵滋擾。戕我巡警。事後賠巡長六千元。巡警四人。各五千元。

鄉鎮 縣東留守營。縣西安山石門。均爲昔年驛站。今改設車站。附近客貨上下。市面尙盛。其餘各鄉鎮之著者。則蛤蚧因近海而得名。盛產胡桃。靖安鎮。裴家莊。亦爲鄉民所走集。市面亦佳。分六大鎮。共大村二百四十。小村三百六十六。號六百零六。交通 京奉橫貫東西。經過東西九十里。入京赴津者尙多。鄉民亦利用火車之慢車。爲入城之捷步。南臨渤海。有議開灤河口。以行輪船。其口曰甜水溝。有海船。漁船所泊。南部平坦。車馬亦易往來。北部多山。交通困難。

第六十四章 灤縣

灤縣治北緯三十九度四十七分。偏東二度十九分。

位置 縣境南際渤海。東略昌黎。西界豐潤。東南界樂亭。北界盧龍。東西一百二十里。南北一百二十四里。

沿革 漢置海陽縣。北齊省入肥如。五代時入遼。始析置灤州。治義豐縣。明省縣入州。今沙州爲縣。

山脈 橫山在縣北縣里。臨灤河。雙山在縣西。小沂水經其下。清涼山在西北。爲本縣與遷安盧龍分水嶺。五子山。白雲山洞。山巖山。芹菜山。紫金山。媳婦山。廟兒山。并著水系。灤河自盧龍界南流入界。稍析而西南流。經縣城之東。又東南經馬城東。又南至汀流河之東。分支入樂亭界。清河出西北境。南流過黃城之東。又東經高各莊及馬頭營之西。南入於海。澗河出棒子鎮東北山。經開平入豐潤境。

物產 胡桃。花生。棉花。著於海濱沙地。漁業鹽灘在渤海之隅。煤炭之田出鐵路附近。皆天然富源。風山頑鐵如牛。愈掘愈深。卒莫能起。應待礦師考驗。

實業 開灤勸辦最久。資本英金二百萬磅。礦區五處。每年產三百餘萬噸。價值一千

二百餘元。繳礦稅約六十萬元。銷路極廣。英人視爲莫大之源。新建火柴廠一處。

戶口 八萬二千二百三十九戶。五十一萬七千五百九十九人。城內四千八百人。

教育 省立第三師範學校。以此爲適中地。附屬小學。模範示教。縣立高等小學十一

處。國民學校二百餘。學生逾萬人。唐山尤完美。縣立中學經費。移作師範講習之用。

城市 縣城至偏涼汀一帶。昔日道路坎坷。泥濘難行。由花生捐籌定的款。改修馬路。

氣象一新。縣署訟庭。差役尙有私刑詐財者。其人民多巧思。善作影戲。

鄉鎮 劉各庄因地層礦洞空虛塌陷。藉各庄。袁家莊。石家莊亦瀕危險。濟民鹽場現

西南栢谷庄。東有劉家河。有村曰嶺上。西有青河上游曰司各庄。西縣坨子頭雷庄。

與林西古冶相連。唐山開平。稻地。倣城。榛子鎮。最繁盛。馬城等次之。共一千七百村。

交通 京奉鐵路鐵橋跨灤水上。灤河水勢平遠。舟筏通行約九百隻。自熱河赴京者。

每乘舟至比遵。陸易火車以行。西通奉天。以聯南溝東省。西通京津。以聯京津津浦。

出入極便。交通進行。設有分行。倣奴有竊運嗎啡。被破案者。

第六十五章 樂亭縣

樂亭縣治。北緯三十九度二十九分。偏東二度二十九分。

位置 東北界昌黎。西界灤縣。西南距海。只四十五里。東西相距五十五里。南北相距

七十五里。西南有祥雲島、李家島、桑坨島。皆在海中。

沿革 漢置驅城縣。屬右北平郡。後漢省。唐爲石城縣。地金大定末。置樂亭縣。元嘗於

此置溟州尋廢。縣名相沿不改。

地勢 灤河沖積平原。南境實天然三角田。灤河水性。不如黃河。白河之重濁。然灤河

口外。沙壘田之沙跡。已浮水面。日漸增長。有每百年沈澱一里之說云。

水系 灤河自灤縣。東分定流河於縣北。岳婆港分葫蘆河。正支又南經本縣城西。又

南分二港。一東南流至老米溝入海。一南流至新開口入海。又分賈董杜宋戴湯各

支。常坨胡家坨皆海濱。漲出之地。爲三角洲。又分大清河。大莊河。劉氏河。皆南入海。

物產 雉兔充斥於月坨。魚鹽盛於各港。附郭有蘆坨。柳坨。北鄉梨園產梨。南鄉蘭坨。

產蘭。蘆葭河近海。蘆荻亦茂。

實業 商人素以信義著。待徒弟嚴謹。赴東三省者。往往赤手成家。致資鉅萬。不拾遺。不欺童叟。公平交易。恒因時價低昂。羅賤糶費。贏數倍之利益。出外人多。郵局極密。

戶口 四萬二千六百一十戶。二十五萬六千九百六十八人。

教育 縣立高等小學校。在城內。全縣分四學區。已設國民學校二百三十校。將來推廣至七百一十處。

城市 縣城周二里。有四門。北門外有數場。東門外有雙廟。西門外有觀音堂。南門外有王莊。郁莊及南莊。村鎮信差十二路。皆會於縣城。設有三等郵局。握其樞焉。

鄉鎮 石牌鹽場。在縣西南二十八里。海中島嶼。有月砵石白堊。皆有漁戶聚居其地。閻鎮在縣西北十八里。錢店貿易頗盛。匪徒胆敢劫掠。北有竈莊。西有葛莊。及龐各莊。南有白莊。孫莊。新開口。東有會裏鎮。皆有市。西北小聖廟。共五鎮七百餘村。

交通 北距京奉鐵路灤州東站七十里。一日可達。計西北二十五里。至汀流河。又十五里。至長凝鎮。又十里。至馬城。又二十里。至灤州。爲出入要道。沿海未開埠。然民船甚多。漕泊店在西南海中。距岸五十五里。有泉水甚甘。航海漁船資焉。

第六十六章 臨榆縣傳運秦長城東端考

臨榆縣治北緯三十九度五十八分。偏東三度二十三分。

位置 雄關東峙。界奉天綏中。南臨大海。明之邊。非秦之長城也。西界撫寧。北界柳邊。

東西一百一十里。南北八十里。

沿革 漢臨渝縣。以渝水得名。遼史始誤作榆。渝河誤渝關。渝關誤榆關。遼爲新安鎮。

金屬撫寧縣。元省撫寧入昌黎。明爲徐達采呂。置衛。清乾隆二年析撫寧置臨榆縣。

山脈 聯峯山一作蓮蓬山。西人築室山巔。爲避暑之所。金山嘴半入於海。山海關爲

北鎮羣山。與內地相連處。秦皇島在縣西南二十五里。海水環之。遠望如臥蠶。

水系 海灘清淺。作海水浴。東爲秦皇島。稱不凍良港。實唐太宗征高麗所駐。宜作秦

王島。秦長城起遼東。亦不始於此。湯河出縣西四十里。南流經海陽店。分張果老河。

復合而入海石河出口外。經石門寨。合南北二關。河南入於海。

物產 榆爲最耐寒之森林。關東三省多有。或用爲縣名。海魚種類甚多。海濱多宜松

煤礦。則出於石門寨。炭田頗廣。椒果山雲蒙山尤盛。石門寨養蜂獲蜜甚多。

實業 城南田家莊附近。距海岸里許。省立第一農事試驗分場。專從事漁業。已購漁

船二隻。漁鈎萬餘。秦皇島商業爲大連所倍。然遼西各縣貿易。不得不經由本港也。

戶口 五萬一千九百七十七戶。二十二萬二千九百六十一人。

教育 縣立高等小學校。按年升班。全縣分七學區。國民學校一八十七處。均就私塾

地址設立。滿三十人爲一校。

城市 長城頽廢。遺迹荒涼。火車穿缺口而過。城東門。題天下第一關五字。偉壯可觀。

城內市廛喧闐。有戲園。人口三萬。距海岸二十餘里。電燈公司。資本八萬元。

鄉鎮 秦皇島。爲海陽鎮之海口。山上有觀音廟。俗傳爲秦始皇求仙所駐。商務繁興。

不愧沿革海巨埠。民國五年八月。始改道於此。甯海城在縣南一里。明設龍武營。海

陽商廛適中。北有石門寨。駐標營。亦有市集。共四鎮。五百一十二村。

交通 京奉鐵路北戴河車站。距京七百九十三里。距津五百一十七里。距秦皇島三

十一里。冬季海口不凍。由此起卸。海濱車站。去北戴河四十三里。夏季避暑者多。距

山海關七十二里。即爲縣治。京奉中權。慢車赴京赴奉各一日。快車則半日程也。

第六十七章 遵化縣

遵化縣治北緯四十九度十三分偏東一度三十二分。

位置 京東三百里東界遷安西界薊縣南界寧河北界熱河東西百二十里南北三百二十里。

沿革 春秋無終子國燕王置漁陽郡秦置右北平漢置徐無後靡二縣晉移北平治徐無省後靡入之後魏郡縣廢唐置馬監鐵冶後唐始置遵化縣清升州今改縣。

山脈 東陵在城西北七十里之昌瑞山本名豐臺賜名鳳臺前有金星峯後有分水嶺左環鮎魚關馬蘭峪右有寬峪黃花山又有釣臺筆架清風明月諸山皆在南。

水系 薊運河出東北龍井關南山西南經縣城東南南至姚家莊有沙河來會沙河出邊外入蔡家峪一入千家峪至縣北合又經縣西南經石門有馬蘭河來會馬蘭

河二源自鮎魚口大安口流入經景陵東南西南會沙河又西南會東來之沽河物產 鐵山在縣東五里產鐵葡萄山在東南三十里多葡萄鹿兒嶺在北境塞北昔

多鹿今漸少韭菜溝菜之韭菜梨河之梨並佳東陵益母草人參獐香之類。

實業 平安城鹽店有摻土和水之事涉訟。鐵冶廠多。鍊鐵篤守舊法。八百八十餘村。人多樸厚務農。西南境出米較豐。

戶口 五萬五千四百三十戶。三十二萬七千二百六十六人。

教育 遵化日報提倡通俗教育。省立中學。因昔日遵化州舊屬爲學區。縣立高等小學設備較完全。全縣分四學區。每五十戶設國民學校。一百戶設二校。無分兩級者。城市 城在沙河沽河之間。當兵潰匪亂之時。四門皆雙岡。戒備甚嚴。商團極爲整肅。與各鄉團練相聯絡。足以自衛。潰兵到境。一律解除武裝。資遣回籍。

鄉鎮 馬蘭峪在縣西北五十里。其南三十里。有石門鎮。西南三十里。有新莊子。又二

十里。有平安城子。正北羅文峪爲長城之隘口。鐵冶鎮在縣東六十里。千家峪馬蹄峪。白棗峪。大安口。皆前明舊戍。燕山口尤衝要。喜峯口。洪山關。松亭關。形勢特險。

交通 有清謁陵御路。由通州三河薊州向正東行。又東則出喜峯口山海關。亦依此直達。自鐵路過天津。東北向山海關。西北向京師。屈曲如鉤。人樂其便捷。出其途。昔日大道直如弦者。無人行矣。郵路南六十里。至鐵廠。又六十里。至豐潤。達唐山車站。

第六十八章 豐潤縣陳漢堃調查

豐潤縣治北緯三十九度四十九分。偏東一度三十九分。

位置。東界灤縣。南界玉田。西界遵化。北界遷安。東西七十三里。南北二百五十里。縣

城南距海二百里。

沿革。漢土垠縣。地屬右北平。後漢移郡來治。晉移郡治徐無。北齊廢土垠。後周省徐無。唐爲玉田之地。爲永濟務。金泰和置豐潤縣。元省復置。明清因之。或別稱馥陽。

山脈。鴉鶻山。高拔西北。狼山。管山。黨峪。靈應。皆簇擁之。馬首山。高拔東北。念經峪。崖兒口。偏崖。腰帶諸山。皆環繞之。朝月山。蘆兒山。在東。車軸山。龍門峽。在南。

水系。馥水。即還鄉河。又名梨河。有二源。東北出山中。西南流經縣城北。又西南而遼化。南沙流河。自北來會。又西南至豐臺。入於薊運河。澗河。自灤縣入境。南流至神堂之東。入海。當縣之正南。陡河。自遷安。經縣東南。入灤縣境。

物產。煤礦之豐。爲全國冠。唐山日出煤四千噸。金窩山。石洞。曾出金礦。枇杷山。產枇杷。梨河附近產梨。稻地鎮產稻。蘆葦莊產蘆葦。五穀瓜果外。東菜尤美。近年多植蕘。

實業 開平煤礦。唐山煤礦。爲中華第一大礦。雖資本出自外人。而勞動萬千。皆恃以爲生計。啟新洋灰公司。製造塞門德土。暢銷津滬。資本一百萬兩。

人口 八萬零九百五十三戶。五十萬零一千一百八十四人。

教育 唐山工業專門學校。爲交通部立。縣立中學一。商學一。高等小學六。國民學校三百。設師範講習所。以資改進。女子高等小學一。國民學校五。工藝局有乙種商校。城市 天宮寺塔。在城西南三里。遼建。高三級。市廛不甚繁華。漚水自左家塢北來。繞縣城之北。縣北有醴泉甚甘。自治講習。仍有烏牛差。爲昔之陋規。農工商皆有會。鄉鎮 共二十四鎮。越支鹽場在縣南一百里。產鹽地廣二百四十里。開平唐山均因煤礦發達。開平名尤重。而唐山之工廠最大。韓城鎮在縣南五十里。附近老莊子。高各莊。任各莊。亦富庶。共九百六十九村。

交通 京奉鐵路自胥各莊開始。爲中國鐵路史最大紀念。唐山開平之煤。恃以運出。關內外愈展愈長。乃有今日之便利。漚水尙有帆船往來。唐山且有中國交通兩銀行。設立分行。郵兌尤便。昔日東西驛道。東道山海關。秦皇島。西通京師者。將駛汽車。

第六十九章 玉田縣

玉田縣治。北緯三十九度五十六分。偏東一度十八分。

位置 京東三百七十里。東界豐潤。西界京兆薊縣。南界寧河。北界遵化。東西七十五里。南北一百二十里。

沿革 春秋大鹵三區。漢無終縣地。隋改漁陽縣。唐別置無終。改曰玉田。宋於縣改置經州。金復曰玉田。後因之。

山脈 燕山在縣西。延袤抵海岸。徐無山無終山皆在東北。大泉山。小泉山。皆徐無支阜。種玉山在縣北十里。一名玉田山。縣名由此而得。蜂山。麻山。九峯。三樂臺並著。水系 玉田水出自玉田之東北。西南流。經縣城東南。又西南經林南倉之南。又西南注於薊運河。薊運河盤迴本縣之西南界上。與京兆寶坻分界。又東南至港黃口。東有還鄉河。東北自豐潤來會。

物產 玉田砂爲攻玉之用。玉田米亦香美。草帽縵潔白而細寬窄。布銷於北口。棉花銷於北口。玉田鹹肉爲京師市脯之美者。

實業 新收牙紀公益捐。爲財政所經費。林南倉鎮創設富興實業紡織廠。所紡棉紗。可抵制外貨。學生入大學專門者趨重農礦服務邊遠民間修隄糾合數村頗不易。戶口 四萬八千五百七十三戶。二十六萬八千一百二十九人。

教育 縣立高等小學校在城內。全縣分四學區。每三百戶設國民學校一人。多力厚。可編爲每校三百人。每級七十八人。四級循環。輓轡畢業。窩洛沽鎮女學尤整齊。

城市 縣城得名玉田。因城北古溪山。爲雍伯種玉處。城南有光沙泉。沙出細白。攻玉所用。其水冬溫。暖氣如霧。

鄉鎮 三里屯。八里屯。十五里鋪。皆距縣城里數計算。林南倉在西南二十五里。市況殷繁。與窩洛沽雅鴻橋並號爲三大鎮。又有四小鎮。七百餘村。軒湖甸珠樹塢爲著。采亭橋在縣西二十里。永濟橋在縣東南四十里。草橋屯並爲津要。

交通 縣城郵路出入取道東南三十里豐潤界之雅鴻橋。十五里豐登塢。十三里大王庄。十五里新軍屯。十里大齊坨。十五里小稻地莊。十二里胥各莊。京奉鐵路車站。商人出入。多由韓城鎮至唐山車站上下者。昔年東西驛路。將擬築汽車馬路焉。

第七十章 文安縣

文安縣治。緯三十八度五十四分。偏東五分。

位置 京南二百四十里。東界大城。西界新鎮。南界任邱。北界新縣。東西五十八里。南北七十里。

沿革 漢文安縣。屬渤海郡。後漢屬河間國。晉屬章武國。隋屬河間郡。唐屬瀛州。五代屬霸州。宋景祐元年。移入州郭。皇祐復還故地。清屬順天府。民國改屬直隸。

地勢 爲全省最卑下低窪之溢地。形如釜底。北有千里堤。南有滹沱堤。西有龍隄。中爲文安窪。宜爲造湖之地。以便儲蓄。因地方土壤膏腴。收買遷移之費重。遂中止水系。文安窪在文安縣東南。白龍牛臺諸淀所瀦。石城淀在東北四十八里。有慈老淀。黑母淀。落坡淀。四角淀。俱在東北。近於趙家泊爲滹沱所溢。火燒淀在縣東二十里。東北石溝柳河急河入焉。東由白河入海。縣西水紋淀。得勝淀。下光淀等已涸。物產 勝芳米名重京師。價值在西貢仰光之上。菱藕亦成大宗。領有牙帖。水產魚蟹並盛。

實業 勝芳商業發達。中國交通銀行皆有支行。夙稱塵肆萬家。舳艫千計。蘇橋亦百貨雲集。商團整飭。有自衛之精神。

戶口 三萬六千四百六十戶。一十五萬零七百人。

教育 縣立高等小學校分三級。全縣六學區。百家之村。必設一校。不足者合設。交通不便者仍獨設。

城市 今縣治。乃三河口之豐利縣。當三河合流處。在漢文安西三十里。隋煬征遼。始

立縣治。唐貞觀移文安治。此而以豐利併入之。西北四里有唐碑一。模糊不易辨。

鄉鎮 蘇家橋在偏東二十里。往來孔道。與霸縣鄰。東二十五里爲左各莊。又二十五

里爲勝芳鎮。與永清接近。廣陵城在西北二十里。安平寨在西北三十里。盧蒲淀在

西。爲武平亭在北七十二里。全境三百六十村。

交通 蘇家橋。勝芳。濱臨子牙河。小輪船逐日來往。赴天津極便。土貨運出。洋貨南貨

之輸入。悉賴民船。郵路西經史各莊。達新鎮縣。縣南長豐鎮。縣西梁召鎮。呂公堡。於

大城任邱。無直達之郵路。

第七十一章 大城縣

大城縣治北緯三十八度四十四分。偏東十四分。

位置 京師正南少東一百九十里。東界青縣。西界任邱。南界河間。北界靜海。文安。東西四十八里。南北六十五里。

沿革 漢爲東平舒縣。因代郡亦有平舒縣。以東別之。縣南四十七里。爲漢之章武縣。晉爲章武國治。五代後晉入遼。周顯德六年恢復。定名大城。清屬順天。今改歸省轄。地勢 平坦無山脈。平陵城在縣東北百里。漢武帝封蘇建爲平陵侯。蓋邑於此。而名稱其實。子牙河尙安流。六年之間。只出險一次。

水系 子牙河承滹沱河鉅流。經過本縣之南鄉及東鄉。河身寬狹不等。時虞氾濫。大清河經北鄉之北端。亦有氾濫之患。昔日黃汶河經縣之東北八十里。即易水下流。自文安東流入境。又東北入武清界之三角淀。

物產 麒麟窪在縣北。曾產麒麟久絕。今惟狐兔獾窟穴於野。家畜亦多。農產果品足。食有餘無大樹林。亦無礦產。以蒲葦席三項爲大宗。

實業 農業爲本。工廠四五。織布及草帽。近年頗見發達。輸出品以麥麩草帽瓣及高粱酒爲大宗。貧民多習駕船。

戶口 二萬七千七百四十九。一十五萬六千六百五十九人。

教育 高等小學五。縣城四鄉各一。國民學二百餘處。女子小學三處。城鎮各有宣講。演說通俗教育。

城市 大城不大。周四里餘。有四門。在縣境四鄉之中央。毫無形勢壯觀。城關面積亦不如鄰縣之大。縣署多飯館。因鄉民好訟。劣紳因以魚肉。昔多鬪鬪。故俗敝焉。

鄉鎮 村莊三百餘。鎮市最著者爲王池口鎮。地濱子牙河。距天津七十里。商業冠於全縣。織席出口甚多。次有白揚橋。子牙鎮亦濱於子牙河。縣城赴津。皆取道白楊子牙二鎮。次有臺頭。濱大清河。漁業頗盛。又有里坦。廣安。張街。姚馬渡。亦頗有名。

交通 津保軍道。由天津循靜海至此。西經任邱高陽至清苑。已竣工。可駛摩托車。並安置電線。分段修理。並可乘摩托車至小站。爲他日津保鐵路之先。子牙河但通民船。有擬疏濬行小輪者。郵政惟城鎮有之。村居者或感不便。

## 第七十二章 新鎮縣

新鎮縣治。北緯三十九度一分。偏西一分。

位置 京師正南二百里。東南界文安。西界雄縣。北界霸縣。東西三十三里。南北二十八里。面積最小。昔與保定府同名。故俗稱小保定。

沿革 漢涿郡易縣地。唐涿州歸義縣地。宋初爲歸信縣地。置平戎軍。景德二年改爲保定軍。宣和七年廢軍。爲保定縣。本涿州新鎮地。是以民國避重名。改爲新鎮。

地勢 殺虎嶺。黃猶岡。及東南一帶地勢較高。土質又復礫薄。井泉甚少。開鑿維艱。縣北舊有二砦。一曰桃花砦。二曰父母砦。

水系 縣北濱大清河下游。處拒馬河。北易水。南易水。淀龍河。四大派之總匯。由白洋四角諸淀以東出。是爲大清河。經城北而東。又名玉帶河。東北分一支曰中亭河。至苑家口。分三支。又穿三角淀。會南運河。由白河入海。

物產 地多斥鹵。淀戶比他縣多。昔年婦女無不紡織。近爲洋布所奪。人民勤儉業農。農產遇豐年則足食。沿堤多種臥柳。

實業 老隄河下游與京兆霸縣接壤。水災時。上游堵口。下游有張網捕魚者。如果妨礙水流。由兩縣辦理。

戶口 二千九百九十四戶。一萬二千零六十五人。

教育 縣立高等小學校及女學各一。皆在城內。全縣分五學區。每區七八村不等。各設國民學校五六區。已足以普及。以堤柳爲學校林。

城市 城在大清河之濱。北岸下有清帝乾隆御筆碑。今已仆地。河中船舶往來極多。通東西。若能得竇有司設法維持。則蕭條之市面。或可一變而繁盛也。

鄉鎮 張青口。峙衆流之中。舟舶往來所必經。商賈輳集。最爲繁盛。桃花寨在縣北。居民亦盛。鄉老相傳本縣境有村莊三十六。應三十六天罡。爲京南之屏蔽。盧各村在光緒年間。因千里堤決沖沒。大村不過百餘戶。小村或數戶十數戶。

交通 當趙北口之下游。凡內河小輪船。由天津向保定道者。必經縣境。郵路北經霸縣。固安爲中路。出乎京奉京漢兩路之間。京畿用兵時。所必爭。平時趙北口以東之漁團。自行設站。以人力挑送鮮魚。一晝夜行二百里抵京。中途四次換班。以休息焉。

第七十三章 寧河縣

寧河縣治北緯三十九度二十八分。偏東一度十八分。

位置 京東南三百里。東北界豐潤。西界京兆武清。南界天津。西北界京兆寶坻。東西一百三十五里。南北一百三十二里。

沿革 漢雍奴縣。唐玉田武清二縣地。金爲寶坻縣地。明永樂初。置梁城守禦千戶所。清雍正九年置寧河縣。屬順天府。民國改屬直隸。

地勢 海濱河濱。多有葦地。可采爲薪。占領抵押。漲出淹沒。時有增減。易涉訟端。古名長蘆。盛夏時如青紗障。尤易爲盜藪。蘆運爲幹。金鐘河。筐兒港。青龍灣爲支焉。

水系 北塘海口。亞於大沽。當塘沽之正北。咸豐時英法聯軍。由北塘登岸。蘆運河合灣化蘆縣玉田豐潤之水。自豐臺南至縣城之東。又南經蘆臺。漢沽至北塘入海。七

里海爲縣西南巨澤。西近天津塌河淀。有引河至蘆運河。以減大沽之水量。

物產 長蘆爲直隸海鹽之總名。產鹽之地。無不產蘆。莞蒲蜃蛤之利甚富。今蘆臺爲蘆鹽之總匯。北塘上游赤城灘產城。

實業 蘆臺商業發皇。中國銀行設有分行。塘沽有久大精鹽股份公司。製造各種精鹽。資本五萬元。分銷通商口岸。抵制洋鹽。

戶口 四萬三千四百七十戶。二十四萬一千五百一十三人。

教育 文社原有學田。葦地名大高泊。昔年包租歲四十兩。今歲收約萬元。有縣立中學校。爲各高等小學之升階。附設乙種水產科。提倡職業。由教育部核准照辦。

城市 縣城東臨蘆運河。過於曲折。未能改直。地方富庶。近於海口。昔爲順天府第一優缺。今奢風亦亞於天津。

鄉鎮 蘆臺鎮繁盛過於縣治。有企業電燈公司。資本十萬元。卽故蘆臺軍元立蘆臺鹽使司明。亦設蘆臺場置巡司。原有將臺。漢沽在蘆臺塘沽之間。亦設車站。鹽田中風車自轉。足見鄉民利用自然之風力也。二鎮以外尙有二百五十村。

交通 塘沽鎮爲天津門戶。自海河紫竹林日淤。海輪之大者皆停於塘沽。由火車赴津。北塘海口若加以人力修濬。可與天津并駕海舶。今京奉鐵路聯合沿海。縣城距蘆臺三十里。恃以爲出入門戶焉。蘆運民船。可上溯蘆縣。三河等縣。惟船甚小也。

第七十四章 清苑縣

清苑縣治。北緯三十八度五十五分。徧西五十一分。

位置 京師西南三百五十里。東界安新。西界滿城。南界博縣。北界徐水。東南界高陽。

蠡縣。西南界望都。東西六十里。南北八十里。

沿革 清苑之名。始於晉太和初。爲漢樊輿廣望二縣地。保定始於明。因宋之保州。即

秦上谷。漢涿郡。唐莫州地。清設直隸總督。保定始重。清季移省天津。民國裁府設道。

地勢 白雲阜在城南。宋三陵在城東。曰欽陵。慶陵。安陵。地勢稍高。

水系 清苑水。即府河。出滿城縣境一畝泉。東南流。經本縣之城西。環城而東南。有石

橋河。即方順河。自完縣東流來。會方順河。又名祁水。即古濡水。同入安新界。界河。龍

泉河。皆源出望都縣。東流入境。又東北入安新縣界。徐河。出易縣。經滿城入境。東逕

縣北。亦東入安新界。左傳齊燕盟於濡上。

物產 狗肉爲特犬。上珍。屠狗中有英雄。今禁屠狗。南鄉北狗頭。南狗頭。猶用爲村名。

西南水碾頭有磨麪榨油之利。農產。藜薯。白菜。黃芽菜。藥產。蒼耳。兔絲子。

實業 中國交通兩銀行。均有分行設此。昔年重在省會機關之多。近年重在屯駐師旅之重民多務農。習商者少。四鄉大集市四。小集市二十六。所售多本國土貨。

戶口 六萬零九百零四戶。二十五萬八千一百二十人。

教育 軍事教育重地。高等師範漸減。省立中學。為高等舊校。私立育德中學最著。師範尚不敷用。省立模範小學一校。設備較完。軍官有私立中學。第二女師範亦成立。城市 城周十二里。共四門。昔直隸總督署。今駐營軍。藩署臬署已廢改。蓮池精舍改為保定公園。人口八萬。本地工商恒自稱保府。南門外有天水橋。百花嶼。風景尤佳。鄉鎮 張登店在縣南五十里。昔為赴望都要道。今鐵路所不經。商况減色。東南多村。東安村、玉城村、中陽村、大藏村、大侯村、小侯村、平陵村、北冉村、皆號為村。西北多莊。張莊、曹莊、高莊、韓莊、尤莊、馮莊、柴莊、尙莊、馬莊、皆號為莊。共三百五十七村。

交通 京漢鐵路。猶標題保定府車站。車站在城西。自本站南行二里許。即南關岔道發端處。以與府河水運相連。府河水急且淺。小輪船不能直達。今已關津保軍用汽車馬路。運輸較捷。信差地段。東至玉皇廟。南至璧陽城。西至富上屯。北至陸家寺云。

第七十五章 滿城縣 李耀春調查 梁逢春報告 劉世斌風土記

滿城縣治。北緯三十八度五十九分。偏南一度二分。

位置 東界清苑。距保定道治四十里。南界望都。西界完縣。東北界徐水。西北界易縣。

東西四十里。南北七十里。

沿革 王川古郡。因縣北玉山。白石次於玉。邑人喜用爲別稱。漢置北平縣。屬中山國。後周改爲永樂。唐天寶元年。改曰滿城。遼爲泰州治。宋廢。金復置。後仍之。

山脈 西北多山。來自北嶽。不甚高峻。抱陽山。擅林壑之美。最著名。其餘紫口山。同樂

山。玉山。陵山。石井山。尉公山。多與附近村莊同名。抱陽以外。皆童。赤有待於造林也。

水系 一畝泉在縣東。爲府河之源。一名依城河。大可一畝。泉水清冽。曲折東南。又名

奇村河。沿岸資以灌溉。東入清苑縣。北有大冊河。又名徐河。源出易縣。東北入徐水

縣。河水挾沙。夏漲害稼。南有猴河。由完縣入境。東入清苑。

物產 稻田。藕。畦。沿府河岸。菱。薺亦盛。五穀雜糧。果物亦甘。惟棉花與柿子爲出境土

貨大宗。有鐵礦。其雜質太多。不值提鍊。水晶礦已發見。亦不易得。

實業 四月八日眺山廟會。爲易縣徐水清苑各鄉商業所萃。修盤道立茶棚。香客倍增。而賭風大熾。押寶抽籤。推牌九。搖小會者亦多。屠捐日重。屠行紛紛報閉。

戶口 一萬八千九百九十三戶。九萬一千八百五十四人。

教育 高等小學四縣立私立各二。國民學校百餘。花千戶莊。高等小學。教員盡屬義務。國民學校。增設夜學。女學則業經籌辦。各鄉觀摩。可一致進行。

城市 昔趙簡子築城以禦燕。今城北半里有燕南趙北古碑存焉。今城內商店百家。居民三百家。城樓之柱。皆大理石磨成。以奇日爲市。軋棉榨油之業頗盛。

鄉鎮 花千戶莊兩漁。抱陽李堡。殷段旺韓村。大固店。七處女學甚盛。富庶有基。是以警察亦號七區。舊日八鎮。區畫已變。村莊一百八十五。大冊營。北堡江城。奇村皆鉅鎮。方順橋又名訪舜橋。父老相傳堯訪舜於此。郭隗村在城南三十里。裔孫甚蕃。

交通 京漢鐵路斜經東南有于家莊方順橋二站。上下便利。徐河夏季水漲可通小筏。東南平原易於馳驅。縣城至保定途中。車馬絡繹。西北崎嶇。距城十里外。艱於通車。以騎負重。運轉往來。大固店爲完縣赴保定之要道。乃發生路劫。地方官有責焉。

第七十六章 徐水縣趙金鑑風土記 林文忠公滇輟記程

徐水縣治北緯三十九度二分偏西四十一分。

位置 京師西南三百里。東界容城。西界滿城。南界清苑。北界定興。東西五十五里。南北六十四里。徐水在縣南四十里。與清苑分界。

沿革 戰國燕武遂邑。漢置北新城縣。後魏僑置南營州。五郡十一縣。北齊但留昌黎郡。新昌遂城五代置梁門寨。宋置威鹵軍。靜戎軍。改靜戎爲安肅縣。今因避重名改山脈。北嶽山脈至縣西。釜山峭壁弘敞。黑山土壤皆黑。圍道山有深谷。藥欄山有黃伯陽洞。龍山羊山。各有其形。牟山土阜無石。地脈深厚可耕。漸東則夷爲平原。

水系 徐水出易縣經滿城。至縣南經徐家莊有龍駕橋。徐河因此得名。縣北有南易水。上承三源。一曰雹河。二曰長河。三曰雞爪河。皆發源本縣之西。東達安新。以及天津。惟河路太溢。船行不便。雍正時引督亢陂及雹河之比。開渠設閘。以資灌漑。物產 安肅黃芽菜。出孤莊營。每根有重十餘斤者。曲水葫蘆。象山瓜萋。遂城荊芥。爲名產。桑邱在南。戰國時燕之南界。柳灣。蘆草灣。爲宋遼分界處。

實業 地多饒沃。無甚貧甚富之民。城西祁氏。以儉爲家法。數世不敗。城北劉氏。以農起家。城西劉氏。以商起家。津保皆有分號。因以富冠一縣云。

戶口 三萬一千五百四十九戶。一十七萬四千八百九十八人。

教育 縣城高等小學。與鶴山品等小學。皆有教育家主持。爲中堅人物。女學亦先成立。全縣分三學區。擬設國民學校二百六十處。抽提田房中用。公款公產。改良私塾。城市 城在鳳山鶴山之間。有古城相距十五里。與之對峙。俗名緩縣。有在城集。城北

田村堡。有田光廟。田姓之裔。祠祀甚繁。城西班姬山。有班姬廟。神仙洞。有石牀。

鄉鎮 白塔村。在縣北十里。有前明興聖寺塔。高七級。楊村。漕河。大因。大王店。皆有市集。遂城廢縣。在縣西二十五里。今名遂城集。北新城廢縣。在縣西北二十里。長城在

縣東北。今有長城口。蓋戰國時燕趙分界處。共二百六十餘村。黑山村。土深黑。

交通 京漢鐵路車站。仍名曰安肅縣。南經漕河。以達保定。曹河在縣南三十里。有慈航寺。方恪敏徵時。冬日徒步出關省親。雪後凍仆。僧人救之。開府後。修廟以報德。郵路通容城。安新爲出入之門戶。

第七十七章 定興縣 蕭巨川調查 蔡福年風土記

定興縣治。北緯三十九度十八分。偏西三十五分。

位置 東北界新城。南界容城。西界易縣。西北界涑水。縱橫廣袤皆百里。畧近方形。縣城則位於西北部。

沿革 秦漢范陽縣地。隋適縣地。唐廢入易縣。太宗征遼。置百樓城。金大定六年始改定興縣。後因之。今縣治舊黃村也。

地勢 一片平原。山不見山。西高東下。仍爲斜面。東南地多卑濕。閻台在翰林村。相傳至聖先師孔子轍環時。止宿閻臺。適燕未果而返魯。後人因聖蹟所在立廟焉。

水系 北易水曰武水。中易水曰濡水。皆出易縣。東流而合於縣之西南。又東至縣城之西南。有涑水即拒馬河。經涑源涑水二縣。南流來會。東經北河店。南趨河。東南流入容城縣境。

物產 米豆麥爲大宗。高粱玉蜀黍次之。棉花芝麻。產額亦富。豕畜家禽。亦可獲利。製造品。則有城西官立造紙局之紙。古樹有八大槐。貨稅則有毛片稅。雞查。

實業 各鄉廟會。商務頗盛。北大牛。正月二十五日。北幸村。二月初一日。百樓村。二月二十五日。南旺村。三月初五日。惟會場每有賭博。警區知而不禁。則疑巡官放賭。

戶口 二萬九千九百九十一戶。十七萬一千零八十七人。世族推鹿氏爲盛。

教育 縣立高等小學校。三級遞升。每年畢業。每年招生。共百二十人。全縣分四學區。國民學校。城鄉一百八十處。號爲模範小學三處。女學由城內先立一處云。

城市 西門外護城河石橋。上有石人數尊。刻花草竹木。精美細緻。足見石工發達。城濠新植桑柳。業已成行。城內有東林寺。又有井不見井。樹不見樹之奇。

鄉鎮 鄉間有姚村楊村。固城。高里。江留。號五大鎮。今警察劃分八區。高里爲高漸離故里。屠狗英雄。而今安在。黃金臺在南章村西南。賢寓村在西南四十里。河陽鎮在縣南十里。固城在縣南四十里。大任村藍靛亦著。共一百五十二村。

交通 京漢鐵路車站。爲南北通衢。由車站入城。新修馬路。兩旁種樹。氣象一新。由拒馬河乘船順流而東。且終年不凍。可直達天津。鄉鎮之彼此交通。仍用車馬。雨後泥污。久晴塵漲。固城鎮車站。爲徐水北鄉居民郵路。出入要地。

第七十八章

新城縣

段景會調查 吳炳麟風土記 宋仁齡調查

新城縣治北緯三十一度十七分偏西二十五分。

位置 東界京兆霸縣。西界定興。南界雄縣。北界京兆涿縣。東北界京兆固安。西北界

涑水。西南界容城。

沿革 新城之名始於唐。歷宋遼金元明清。迄今未嘗更易。民國初。他省新城縣五處。

皆避此重名改稱。此古督亢地。自燕入秦。漢曰臨鄉。又改新昌。

地勢 南關外紫泉行宮。三面土山。西面圍以石山。由鑿湖培高。非天然山嶺。六郎堤。

自雄縣東接霸縣。爲楊延昭守益津關時所築。西北文朝頂土阜亦高。

水系 縣南自溝河。當雄縣之北。合拒馬易沙三水。爲昔日宋遼分界處。西有藍溝。斗

門河。自定來。紫泉河抱興城之西。蘆僧河在縣東南。大清河則在縣東北。高橋泗庄

海子淀。皆在大清河東。惟廢沙溝已涸。永定河東徙出境。淤腴田爲沙磧可惜。

物產 土產輸出。以山棗爲大宗。俗名紅果。農產小麥最著。稻米不多。水濱菰蘆葦葦

實繁。河中魚蝦尤繁殖。南泗庄私植鴛粟。今已拔盡。

實業 溫家屯粉筆最著名。銷數頗巨。米家府紙綾花次之。遠銷檀香山。愛各章草紙。挾柳村紙炮。辛建店葦席。王家庄薄羅薄箕。堤工補助三千人。以助農民。

戶口 三萬八千七百二十三戶。二十四萬三千二百四十六人。

教育 縣立高等小學校。設於城南行宮。城鄉國民學校百餘。皆用單級教授。近年添巡迴教員。指示改良。士習沈靜。民情勁健。

城市 城內街衢尙寬闊。平時所貿易。不過本地零星物品。商家以布店爲大宗。海味鹽業次之。昇仙橋口在南門外。城北督亢亭遺址無存。

鄉鎮 白溝鎮市廛之盛。冠於各鎮。方官高碑店。史家咎岡雙堂。新橋。辛立莊。胡簏集。泗莊。平景等鎮。亦不甚狹隘。措均不甚平坦清潔。酈各莊爲酈道元故里。新昌故城。在縣東三十里。燕城則在西北。共大鎮四。小鎮八大。村一百九十。小村約三百。

交通 京漢鐵路高碑店車站。有支路通梁格莊。原名新易鐵路。即用兩縣之名。高碑店距站尙二里。郵電兩局。皆設於車站。由京師赴新城。雄縣河間者。多於此下車。若西陵各縣。赴京人多。車中或無容膝地也。白溝鎮乘輪船至天津。川資尤廉。

第七十九章 唐縣林文忠公畿輔水利議

唐縣治北緯三十八度二十九分。偏西一度二十五分。

位置 京西南四百七十里。東界望都。西界曲陽。南界定縣。北界完縣。東西五十八里。南北一百一十里。

沿革 堯爲唐侯國於此。春秋燕唐邑。後爲鮮虞邑。趙邑。漢置唐縣。屬中山國。北齊省。隋復置。五代梁改爲中山縣。唐後故晉改爲博陵縣。漢復爲唐縣。周宋以後因之。

山脈 唐山在縣北八里。一名唐岳。一名堯山。唐梅嶺在西北。接北岳大茂山。中有葛

洪山。岩壑幽勝。宮觀環列。神和山。父子山。白合山。參差相接。靈源山。育山。粟山。並峻

水系 唐河源出山西渾源縣。原名泓水。東南流過靈邱。入縣境。始有唐河之名。至安

新會。依城河入淀。流勢湍急。遷徙無常。俗稱唐河不行故道。或南併瀦龍河。或北灌

依城河。望都安國。博野蠡縣。萑苳之。恒河自西北曲折至城北。會泓水。南入定縣境。

物產 肉菘。蒼爲特產。麻黃。產於麻黃頭者尤多。柏巖原有森林茂盛。高尖峪有銀洞。

前明曾經開采。

實業 金泰和時縣尹劉弁開風山渠引唐河灌田數千畝。明萬歷時知縣揚一桂濬

唐河漑一千餘頃。明又東注三十五村。及完縣三村漑二百頃。名廣利渠。

戶口 三萬四千一百二十四戶。二十二萬九千九百六十四人。

教育 縣立高等小學在城內。全縣分七學區。二百家以上。設國民學校一區。三四百家之村鎮。可設多級學校。

城市 縣西法果寺塔。唐垂拱中建。高七級。唐池水在縣城西北隅。泉湧而出。東流瀆而爲湖。蓮花盛開時。遊人甚多。縣署監獄黑暗。仍設非刑。勒索陋規。

鄉鎮 赤岸鎮在縣南。自唐已著名。周家堡在西北百一十里。倒馬關東戍守地。馮上關在西北七十里。八渡關在西北五十里。關下水屈曲。凡八渡水。又置軍城鎮。軍城驛。今驛廢。左人城在西北四十里。王陵城在西北三十里。共八鎮。二百五十六村。

交通 縣城東南郵路。十八里至連頤鎮。又東二十里至望都縣。京漢鐵路車站。爲出入之門戶。西北小路。皆不通郵。倒馬關在縣西北一百五十里。險隘深峭。石徑逶迤。蜿蜒九曲。上下二城。相距三里。控制扼要。

第八十章 博野縣

博野縣治北緯三十八度三十二分，偏西五十四分。

位置 京南四百四十里，東界蠡縣，西界望都，南界安國，北界清苑，東西四十一里，南

北六十里，居全省之中。縣北六十縣，縣南五十九縣，每由此分析也。

沿革 漢蠡吾地，後漢相帝析博陵爲高陽郡，治晉改博。陸後魏改博野縣，漢陵成縣。

在縣南廢人蠡吾，唐蠡吾州治，金置博野郡，元復設博野縣。

地勢 紫薇山在西北十五里，昔因產紫薇花，又名紫薇阜，舊志謂紫氣浮騰，附會不

驗，臥龍岡在南，興隆岡在西，水災時可避難也，沙岡在縣西南蠡村。

水系 瀦龍河自安國縣城東，東流入界，又經本縣西南之白沙店，南楊村，周家營，至

縣城南，北入蠡縣界，博水自完縣東南，流經縣西，合於瀦龍河，又小店河在縣北，其

西又有西莊河，俱合流達安新界，蟾河在縣東南，合龍塘河南，流注於滹沱河。

物產 穀類惟不產水稻，南部多麻，北部多棉，果物以棗爲最多，桃杏梨亦甘美，爲輸

出品。

實業 蝗蝻發生時移賑款購蝻孽以期撲滅。胥役因以肆虐。鄉民謂苛政病民。或甚於蝗害。淮南村催夫役未齊。村正村副或被捆打。

戶口 一萬五千六百三十戶。八萬七千四百零八人。

教育 縣立高等小學在城內。師範講習科學生歸入第四師範學校肄業。改良私塾。實行強迫。未經講習誤人子弟者。即解散散之。關外各省。仍設私塾。

城市 城南臨瀛龍。貫蠶貫而達前淀。西北有乾河源。雖寒夏秋亦泛溢爲患。人情厚重。有質勝文則野氣象。縣署吏胥兇惡。或因查賭具私罰。

鄉鎮 永安鎮在縣南。唐水之陽。地方較繁盛。北有小店鎮。楊村鎮。南有莊窠頭。程委鎮。全縣村莊一百二十四處。東鄉劉陀店。北鄉陶墟。開通較早。白牛灘。在縣東南。陸成廢縣。在縣南十六里。東鄉大集。北鄉徐村。西鄉沙窩。頗富庶。

交通 縣治西距安國縣治三十里。又西六十里。至定縣。京奉鐵路車站。共九十里。陸行一日可達。爲出入必經之郵路。縣治東北二十里。即達蠡縣治。道路廣平。不愧名爲博野。惜大車之轍太深。晴則風塵。雨則泥淖。

第八十一章 望都縣 蘇瑞三劉清波原華 據王士正秦蜀驛程增補

望都縣治北緯三十八度四十三分偏西一度一十三分。

位置 京師西南四百四十里。當省治正西。東界清苑。北界完縣。西界唐縣。西南及南

界定縣。東南隅接安國。東西四十里。南北六十里。

沿革 古慶都地。故堯母名之。秦置慶都。後析其北鄙置曲逆縣。即完縣也。漢元狩六

年封中山靖王子於此。爲廣望侯。遂更其名曰望都。金復名慶都。元明因之。清乾隆間避堯母增。復改名望都焉。

地勢 昔日因可望唐縣之都山得名。今則望京都。望都山。堯山。伊祁山。皆析入鄰邑。

水系 九龍泉環城四面。平地噴湧。會於隍中。分派復合。東流爲龍泉河。入清苑縣。沿

岸引水灌田。土沃宜農。唐河自定縣之全邱村東北流。經縣之東境。入清苑界。夏秋

之交。水勢洶湧。行人難渡。民國六年大水後。沿岸良田。多爲沙壅。農民苦之。

物產 縣城附近產辣椒線麻。近來稍爲種。蒞所奪。永豐鎮附近十餘村。視產棗爲豐

歉。堯廟古柏二。一三幹同根。一五幹同根。號三皇五帝柏。五穀蔬菜僅足用。

實業 全縣全年貿易額。不過十萬元。城內錢店。雜貨店。不過三十餘家。火車站煤廠九所。資本不多。土產辣椒。銷口北大同。芝蔴。銷京師。線麻及棗。銷保定及鄰縣。戶口 一萬四千一百九十五戶。七萬四千五百六十八人。奉耶教者頗多。

教育 縣立高等小學。女子兩等小學。及單級師範講習所各一。各村公立國民學校六十二所。私塾仍不少。凡各村學生足額。財力稍豐者。即獨設。攤捐改爲隨糧帶徵。城市 全境之西北有南北東三門。康熙四年以磚築城。形如象限。高二丈。周四里有奇。四九大集。貿易品以農產爲主。堯母祠後即堯母陵。有雞鳴井。東郭有帝堯廟。鄉鎮 村莊共一百一十處。僅北柳絮南王家疃柳陀屯河四處有集市。貿易品均以農產爲主。稅務均由縣署徵收。其他唐河南之北賈村有警察分所一。警兵約十人。蓋以距縣較遠。謀便稽查而設也。

交通 京漢鐵路自滿城之方順橋入境。西南行經縣城之東。又南入定縣界。在境內之軌道長六十里。即昔日之驛路。今裁驛改郵。縣城有三等郵局一。其他有通唐縣之輻路一。及鄉村彼此相通之大道也。

第八十二章

容城縣王琪風土記 陳世澤街市記 孫繼焯北城村記

容城縣城北緯三十九度四分偏西三十分。

位置 京西南二百六十里。東界雄縣。西界徐水。南界安新。北界定興。東西四十里。南北二十七里。

沿革 漢置容城縣。後漢省入遼縣。屢置省。唐貞觀改全忠。神龍復稱遼縣。天寶循稱容城。五代入遼。後周亦設容城。金初始併兩容城縣爲一。明省入雄縣。旋即復置。地勢 上古此地當在涑易巨浸之中。中古漸涸爲濡上地。近古白洋淀縮小。露出低地。因水漲知地勢高低。爰擇較高之地。以築城而容衆焉。大清河六年只出險一次。水系 大清河在縣東。拒馬河在縣北。萍瀑二河。在縣西南。皆斜行通過一隅。拒馬即北易中易二水。下游自定興東流入界。下流入雄縣。爲白溝河。入白洋淀。繞縣境東南。是爲大清河。萍瀑自徐水來。出易縣。卽南易水。入境經黑龍口。亦歸白洋淀。物產 農產米麥最夥。蔬菜瓜果亦多。家畜不過牛馬雞犬豕。沙河永滄大激二溪。有菱藕養魚之利。城鎮祠廟中松柏甚古。賈家莊有梨樹園數畝。

背業 男耕女織。風俗純良。旱則禱雨誦經。鄉村或有三四舖肆。鎮市則舖肆數十耳。

白溝白庚子外人之降。改革後七匪之騷擾。商業凌夷。日衰一日云。

戶口 一萬三千三百七十五戶。六萬五千九百四十二人。

教育 孫夏峯先生奇逢。理學宗傳。爲世所重。就祠宇設學。河北日報亦弘闡夏峯學說也。張楚村東牛村。鄉學可造。小里六校不能合爲一校。學童入私塾者尙多。

城市 城周四里。爲全縣中區。西有一壑。廣六畝餘。常年水深四尺。東有后稷古廟。城內有楊忠愍孫夏峯劉靜修二賢專祠。南門商廛林立。西街有王家花園。又有古溝鄉鎮。全境分五區。城一鄉四。各設警局。白溝距縣東三十餘里爲最大。實五營八莊之冠。西廿里有八于。有堤防易水。積淤可耕。縣西十里有沙河。西南十五里。小里四圍皆水。街市殷盛似白溝。北城村爲孫徵君故里。共四十二村。

交通 白溝河路四達。交通頗便。爲赴天津之要道。沙河村爲縣西之鎮。距城十里。沙河營在村北一里。西距京漢鐵路固城車站二十里。爲東鄉各村往來上下火車之要道。各村入城之道。則因午方村胡村居民多。車馬亦多。

第八十三章 完縣

完縣治北緯三十八度五十分偏西一度十一分。

位置 京西南四百二十里。東界滿城。西界唐縣。南界望都。北界易縣。東西三十八里。南北六十里。

沿革 唐堯伊祁氏之地。春秋齊伐晉。取逆秦。置曲逆縣。漢爲北平縣。唐時契丹來攻。不下。改爲狗患縣。五代唐改燕平縣。金永平縣。升完州。明改州爲縣。清因之。

山脈 北嶽山脈。亘於縣西。曰伊祁山。附近太嵬山。峨山。皆魏聳一方。馬耳山之雙峯。林尖山之峭拔。油山。石壁。鑿潤。壇山上。透青霄。至東南而夷爲原野。

水系 石橋河二源。一出縣東太嵬山。曰五雲泉。一出縣西北。曰祁河。東流至方順橋而合。曰方順河。入保定縣境。五雲泉一名五靈水。發源處五窰。所匯流九泉。平地九泉淺而不竭。又匯店頭水。曲律峪水。合流入祁水。蒲水出蒲陽。蘇水出蒲陰。入滹水。物產 柏山在縣西。柏樹盈巔。桃花洞產桃亦盛。蒲水淵深不測。產蒲。桑園多桑葉。附近歲出繭絲頗盛。棉花尤多。果有柿梨。藥有遠志知母。礦有不灰木。

實業 得雨五六寸。即可下種。旱地多以鹽。不灰木。即石棉。用製白爐。久燒而不炸裂。可紡織爲火浣布。爲消防之用。及水月雷鐙之罩。

戶口 二萬三千九百三十五戶。十一萬八千六百四十一人。

教育 縣立高等小學校。在城內。全縣分三學區。居民滿六十戶。學童滿四十人。即設一學。學生人數。則男生三千。女生三十。未免相懸太遠。

城市 堯城在南。相傳爲堯築。賈復城爲光武追五幡銅馬於北平所築。俗訛爲寡婦城。今城周九里。有三門。爲隋時舊址。文廟。隋碑。

鄉鎮 陳侯村在縣西十六里。唐玄奘葬母寄骨塔在焉。共四鎮。一百四十村。大村只三十五。水谷砦在縣西北。金末人民據此以守。夏屋城在西北。著於竹書紀年。北平

廢縣。曲逆故城。皆在東南二十里。陽城在東南五十里。安陽關在西北。有安陽亭。交通 縣治南距京漢鐵路望都縣車站。僅三十里。半日可達。縣北郵路二十里至吳

村鎮。其他村莊未通郵。亦由縣治東南至方順橋車站。陸行不過二十里餘。更爲近便。正東距保定七十里。鄉人自有騾車者。或一日直達。不由鐵路。免上下守候之勞。

第八十四章 蠡縣段雙吉調查 趙惠誌略

蠡縣治北緯三十八度三十二分偏西四十七分。

位置·京西南四百八十里，東北界高陽，東南界肅寧，西界博野，南界饒陽安平，北界清苑，東西三十二里，南北亦三十二里。

沿革·漢蠡吾縣，後漢又省陸城入蠡吾，桓帝析博陵而蠡吾如故。唐改蠡州，元省博野入州，明改州爲縣，清因之。

地勢·納東原有石羊疊，爲古人屯戍之處。大宋臺、七星臺，著名實不甚高。地處平原，則防守綦難。全縣警察原分三所，警兵百人，今增至百九十八。

水系·豬龍河自博野解村經木縣東南柳青莊，又東經南北高晃、宋岡、孟嘗、侯家佐、蓮子口入高陽境，又東北入白洋淀。此河上游受唐河及沙滋諸水入境，或名曰楊村河，分支爲土尾河，出境至高陽境，復合唐河常徙。自清苑斜貫木縣北境。

物產·五穀俱備，以麥爲大宗。棉花亦盛。水災後產麥比產棉日盛。近豬龍河五夫村一帶多植果林，因乏山荒，故造林不盛。土布由木輪機製成，機式比舊器靈捷。

實業 飛蝗爲患。麥穗穀苗。往往食盡無遺。知事記兩大過。勒限肅清。得雨五指深。農

民即可播種。工業學校久停。原有旗地。多典賣爲民業。尤待清理。鑿租亦易含混。

戶口 三萬二千二百一十一戶。一十九萬零九百九十八人。歷年多移殖東三省。

教育 李剛主先生篤志聖道。從祀兩廡。縣立高等小學二國民學校。每村一所。村民

二三百家。學生只二三十人。教員皆單級師範畢業。社會教育。已實施於鄉僻矣。

城市 古塔已毀。北門有透玲碑。南門有金魚池。城西有千佛閣。各廟演劇日盛。今明

定戲捐半爲孤貧口糧。抑末培本。足見仁政之實施。惟警察加捐。人民以爲強迫也。

鄉鎮 劉銘莊人文殷盛。有高等小學。布里村風氣開通。有留法勤工儉學會。女學。各

學。夜學。有模範村氣象。潘營村首創女學。孟嘗村爲田文故里。藺岡村爲相知故里。

東南洪善堡。東北百尺鎮。正東新橋鎮。正西小陳鎮。號爲四大鎮。

交通 豬龍河漲。板船直通安國之伍仁橋。六月至冬月。皆可通航。步行騎行車行均

便。無山徑水潦之阻。由縣治至保定道治。北行九十里。陸路一日即達。自雇馬車極

廉。西北至望都。亦九十里。均有大路。不比郵路屈曲。以收村鎮郵件也。

第八十五章 雄縣

雄縣治。北緯三十九度二分。偏西十七分。

位置 京南二百三十里。東界新鎮。西界容城。南界任邱。北界新城。東西六十五里。南北四十二里。

沿革 戰國時燕之易邑。漢置易縣。公孫瓚置易京。晉爲易城。高齊省入鄭縣。唐改置歸義縣。五代時入於遼。周恢復曰雄州。宋改縣曰易陽。明省縣入州。又改州爲縣。

地勢 大雄山。小雄山。在西南二里。昔宋人築以禦遼。不過便於瞭望。以施矢石耳。大清河比大沽河口。高十六尺。比堤外平地。低十六尺。有俯視西淀東淀之勢。

水系 大清河即玉帶河。自任邱之鄭州流入。東至茅兒灣。入新鎮界。其北支則易水。琉璃河合流於白溝店。爲白溝河。經縣城之南。又東南。曲拆入新鎮界。五官淀在縣

東。柴禾淀在東南。蒼身淀。馬務淀。亦在東。蓮花淀。合百水淀。黑洋淀。爲一水焉。物產 萬柳堤爲縣南達趙北口官道。有插柳捕魚者。農產豆。麻。黍。稷。亦產棉。麻。爲衣

食所資。

實業 火硝爲特產。然近因采辦官局所限制。出硝較前不及十分之二。年來仿辦。私捐。但旗租地免捐。

戶口 一萬五千四百六十三戶。八萬六千三百五十五人。

教育 縣立高等小學校。鄉土志教授適用。國民學校。亦能誦習。擇私塾之善者。作代用國民學校。在城鎮設半日學校。以備工商子弟餘暇補習。

城市 雄河在縣地南。易水分流。圍繞縣城。經瓦濟門東下。瓦橋關在城南。唐置。後周恢復關南十縣。卽指此關。宋人守此禦遼。何承矩臨水爲塞。

鄉鎮 大姑砦在縣東。今爲大姑村。又有雙橋。江城。新垣。大木場等砦。皆五代後周及宋初所築。月漾橋在砦南十二里。亦曰易陽橋。便於伏兵。永通橋在縣西。橫駕白溝河。大鎮二。曰留鎮。曰史各莊。大村曰龍灣。五百戶者廿三村。小者八十村。

交通 宋將楊延昭守瓦橋關。闡開河以運糧。月漾橋爲任邱要道。昔周世宗自將伐遼。取此以爲守。宋室能有河北。實賴此。今惟水道東下。爲天津上游。舟中運貨而不便運客。官紳入都者。多取道於高碑店。附京漢鐵路焉。

第八十六章 安國縣

安國縣治。北緯三十八度二十八分。偏西一度二分。

位置 京西南四百七十里。東界博野。西界定縣。南界深澤。北界清苑。東西十七里。南北七十里。

沿革 漢安國縣屬中山國。北魏併入深澤。復置。北齊廢。隋開皇改義豐。唐改立節。宋改蒲陰。移祁州來治。明省蒲陰入祁州。民國改縣。因祁縣同名。復同漢縣古稱。

地勢 川原平衍。水陸四通。前臨晉冀。背負幽燕。無可恃之險。藥商則八方走集。如輪輻之樞軸。

水系 瀦龍河上游沙滋澹水。會流於此。沙河出山西擊峙泰戲山。經阜平曲陽定縣。自西北來。滋河出山西五台。經靈壽正定。無極深澤。自西南來。會東流。經博野蠡縣高陽。安新。入白洋淀。滋水亦自山西靈邱。經唐縣定縣。東流與沙滋合於城東南焉。物產 藥材出自本地者。惟植大黃頗多。棉花亦盛。供土布之材料。農產穀子高粱豆子亦多。

實業 昔爲大江以北發兌藥材總匯之地。每年清明及十月望後。各省藥商輻輳。交易月餘。南關外有漢邳彤廟。俗呼皮場王廟。或藥王廟。自宋迄今。禱疾輒應。

戶口 三萬一千五百八十九戶。一十萬九千零五十人。

教育 縣立高等小學校。規模整飭。全縣分九學區。推廣教舍。添設二部教授。徵取學費。興辦學林。以爲經費。

城市 自治講習所。因縣議會舊基修築。規模甚備。城南爲滋水與滋水沙水交會處。即蒲陰舊縣。久爲州治。安國故城。則在縣東南六里。

鄉鎮 樓底鎮在縣西南。爲滋河沙河之會。大五女鎮亦在西南。近於定縣。解瀆亭在縣東北。河間孝王子淑侯國於此。孫靈帝入承大統焉。望春橋在東北。路通保定。湧泉橋在西。又西爲張村橋。共四大鎮。三百一十四村。

交通 郵路西距定縣京漢鐵路車站六十里。中有東亭鎮。西北出伯章鎮。正北出北楊村。東北出博野縣。正東出石佛鎮。東南出馬店鎮。正南出伍仁橋。西南出五女鎮。八路皆通。爲運藥往來之道。

第八十七章 安新縣

安新縣治。北緯三十八度五十四分。偏西三十三分。

位置 京師西南三百里。東接新安西界清苑。南界高陽。北界容城。東西二十五里。南北六十里。

沿革 戰國時燕以葛城與趙。漢高陽地。唐河間地。唐析武興。改唐興屬鄭州。金升葛城爲縣。徙安州來治。泰和移州治渥城。旋復舊。明省葛城入安州。民國改州爲縣。地勢 東陷白洋淀。西北淪四角淀。地處卑下。淀頭尤潮濕。昔二淀本合而爲一。稱西淀。與三角淀連。潦水塌河爲東淀。最初則東連七里海。蒲葦水地成一大海。洩也。

水系 府河自清苑方順橋。石橋至本縣之西。金線河南自博野高陽來會。又北流與徐河會於縣城西北。又東經城北折東。雹河自易縣徐水東南流來會。皆入於四角淀。昔邊吳泊最著。今白羊淀。猶合蓮花淀。洛陽淀。牛橫淀。康地淀。成一大澤也。物產 稻田盛於水淀之旁。禾麻薺麥。畝收數鍾。五穀俱備。又有蘆葦。不勞而獲。所編之成品甚優。

實業 旗民莊頭包租強售。利己擾民。爲旗圈惡習。蓋保定九河之下游。可導水種田。

濱湖魚米之鄉。不讓吳楚。堤工仍需請款。

戶口 二萬九千四百七十九戶。十四萬五千零六十六人。

教育 縣立高等小學校在城內。全縣分三區。各村立國民學校。除水患重者不能成立。其餘無村不學。

城市 葛城舊址。明清重修。城南有邊吳塔。又有古堤。一名依城。是以北濱府河。市況不如縣東新安鎮之繁盛。蓋下游便於停泊也。

鄉鎮 唐興城在東南二十里。淘河在縣東。易水之別名。宋何承矩緣邊備戰守。言自淘河自泥姑海口。屈曲九百里。天險置砦十六。舟百艘。今砦多頽廢。舟運亦因鐵路發達稍減。共四鎮。一百零四村。

交通 內河小輪船公司。由天津至保定者。因府河水急而淺。或但至本縣城。或但至縣東二十里之新安鎮。即新安廢縣。扼府河入白洋淀之要衝也。縣城至徐水縣京漢鐵路車站。陸路四十里。新安鎮距徐水五十里。中經三台鎮云。

第八十八章 東鹿縣買忠考風查記王煥斗志略

東鹿縣治。北緯三十七度五十五分。偏西一度一分。

位置 東界深縣。衡水。南界寧晉。西界趙縣。北界深澤。安平。東南界冀縣。西北界晉縣。東西四五十里。南北百里有奇。

沿革 漢之鄗縣。隋之鹿城縣。唐時更名東鹿縣。相沿至今。西梁城在縣西二十五里。漢屬信都國。今爲風沙所掩。

地勢 東鹿巖在縣北。黃邱在縣南。而縣北邱陵起伏尤多。但未成山脈。縣民喜自稱曰鹿巖。舊城附近紅草坡。爲唐裨將張興血戰殉城處。古墓尙存。爲地方所崇拜云。水系 鹿川古地。有無鹿無川之歎。惟滹沱河支流。橫貫北部。數年閒遷徙不常。已入於深澤境內。故道所存。不下數十。但近於滹沱之地。雨量較多。原隰低而性濕。亦宜於耕稼。傾井在縣西十八里。光武征銅馬赤眉至此。井水自傾。解一軍之渴。

物產 農產則棉花爲大宗。民生所賴。豆。麥。黍。稷。高粱。花生。足食。林木滿野。尤以桃杏。棗。梨爲大宗出產。製造品則有大布。細布。皮革。果園隙地。植穀麥。有一歲三穫之慶。

實業。辛集皮貨極多。尤以白皮行爲重。工薪素薄。現當米貴之時。亦聯合罷工。請加薪水。經濟影響。一至於此。皮行多山西人。有會館。每年演戲甚盛。

戶口 五萬三千四百五十二戶。三十萬零八千一百一十二人。

教育 小學教員。改編論語。章次合於科學。縣立高等小學二。女子兩等小學一。在城內。鎮立高等小學一。城鄉國民學校。二百二十。其畢業由城鎮學校考試。

城市 人煙稠密。物產豐饒。有金東鹿之盛名。郊外蒼松翠柏。綠柳垂揚。生氣勃發。空氣清佳。城周十里。農會商會而外。公務局公益會。團體甚多。

鄉鎮 全境三百一十村。辛集鎮在西北。皮貨會集之所。建有醫院。智伯鎮在西南。爲騾馬買賣之場。位伯鎮在東北。爲棉花輸出地。每集市數百里。客貨畢集。舊城鎮。舊時知縣所駐。民衆商盛。文耶口。南小陳。木邱。等鎮口。亦發達。共四鎮。一百零四村。

交通 舊城鎮地處要衝。測量員弁兵過境。猶多騷擾。所集糧食。果物及辛集之革。均由滹沱下達天津。商人經營酒業者。遠及漢口。並北出塞北關東。轉運皆賴馬車。西距石家庄。東距德縣。均百餘里。舊擬滄石鐵路穿辛店而過。今有陸軍公司已開辦。

第八十九章 高陽縣王金鐸風土記 宋審詔鄉土志

高陽縣治。北緯三十八度四十三分。偏西三十五分。

位置 東界任邱。南界肅寧及河間。北界安新。西北界清苑。西界蠡縣。東西七十餘里。南北六十里。面積約三千餘方里。爲直隸最富之縣。

沿革 古老相傳爲顯頊高陽氏舊都。未確。戰國時爲燕邑。漢高陽縣。後漢爲高陽國。後魏高陽郡。唐置滿洲旋廢。宋省爲鎮。旋復。明併入蠡縣旋復。

地勢 金沙嶺在東二十五里。大抵土山無石。亦無陵谷之象。若孟仲峯。不過瀦龍河岸稍高之地。居民所依。沿河岸地。每經泛濫。即掛淤數尺。肥沃異常。有財神河之號。水系 滹龍河故道自肅寧入。經邊渡口坎葦鎮東。咸豐時改道由蠡縣入。經藺家口。

安瀾橋舊城鎮。孟仲峯北入白洋淀。即大清河也。縣城東馬家河合支流齊家河。亦入白洋淀。水深時亦通船。縣境西萬安河。自清苑來。北入安新會易水焉。

物產 一畝槐無影槐。均爲特產。萬木亭古楊古柏亦盛。新種榆柳及桃杏梨棗皆有。用萬柳金隄植柳尤多。農家五穀蒔蔬家畜畢備。因無山。故少礦物。家畜驢牛亦盛。

實業

近二十年。鐵機織布。以人力抗汽力。電力布莊顏料庄染坊。分工以進。然顏料

出於德美日線。出自日美英。名爲國貨。利權已外溢矣。李石曾發明豆食。設廠巴黎。

戶口 二萬五千五百六十二戶。十三萬一千六百七十三人。

教育 明孫文正李文勤李文敏。清李文正賢哲代興。城內南關甲種商校乙種農業。

兩校並峙。高等小校在東關。女學一。城廂國民五校。四鄉國民百餘校。

城市 四門四關。成十字形。南門內峒曲。街巷亦密。電燈照耀。建築樓房廊舍。巍然在

望。市廛林立。可達七百家。北門外有萬木亭。城隍廟。建議事會。今爲勸學所。

鄉村 二百三十二村。大者百有八村。舊城鎮有顛頊陵廟。藺家口村爲趙相藺相如

故里。趙通村在縣東。有楞嚴塔。高八九丈。凡十五級。可眺全縣。孫文正墓在城北三

里。古柏森森。石器石像尙完好。鄉民勤儉。多豐衣食。共四鎮一百三十二村。

交通 陸路至保定。卽日可達。水路至天津。乘其上游。織成布疋。分銷九省。小輪船可

上通縣東北之灤口鎮。泊石鐵路擬經此。尙未興工。自本縣經安新之板橋鎮。至保

定入京計四百六七十里。安瀾河橋。水路交通。春秋間帆檣林立。北人亦善使船也。

第九十章 正定縣白月恒燕趙水利論

正定縣治北緯三十八度十一分。偏西一度四十四分。

位置 京西南六百一十里。東界藁城。西界平山。南界獲鹿。北界新樂。東西四十二里。南北七十里。

沿革 戰國中山東垣邑。漢東垣縣。更名正定。常山郡治。隋恒山郡。唐爲恒州。五代後

唐爲正定府。宋曰成德軍。元正定路。明清正定府。附郭即正定縣。民國廢府存縣。

地勢 當太行之山麓。高地高於平原。白馬關當西北。爲山脈盡處。實扼太行各隘之

咽喉。清末城內猶設恒山驛。蓋滹沱南爲太行山麓。北爲北嶽山麓也。

水系 滹沱河自靈壽入縣境。白店村。傾斜峻急。流甚狂悍。因水有山東。尙可順軌。河

上有長三十公尺之橋四。長四百四十公尺之橋一。橋柱悉用鐵螺絲繫嵌。與黃河

橋同一堅固云。有大唐渠。大白渠。自滹陽下游入成安。有利物渠。下達藁城縣界。

物產 穀麥足食。棉花足衣。皆有餘。爲輸出大宗。隨處皆鑿井。南境肥美。東西北皆卑

濕。或沙漠。改種花生雜糧。

實業 隆興寺大佛。高七丈三尺。臂四十二。唐時所鑄。足見國人美術工藝。早有偉大之鉅製。縣西大鳴泉。有四十五穴。可溉田百頃。久淤宜濬。

戶口 三萬六千八百六十五戶。一十九萬零二百三十一人。

教育 省立中學。原定正定舊府屬爲中學區。議勵行職業教育。設第二部。學生願入者少。因畢業復無位置也。縣立高等小學在城內。五學區設國民學校百六十處。

城市 原係府城。規模壯闊。滹沱河在城南城內。有龍騰苑。陽和樓。韓信洞。垂塔各遺址。恒陽第一泉。在西門外。又西南三里白雀泉。可灌田數十頃。漢唐宋爲河北重鎮。鄉鎮 城西柏棠村水田。引大小鳴泉。楊家泉。石灣水。設石閘灌漑。林濟村水田。引響閘水至此。設鴨子閘。東北二里。有南北溝。經朱河村。溉出東垣城。在縣南八里。趙武靈取之於中山。常山城在西南十八里。隋時設縣。集市十餘處。二百餘村。

交通 京漢鐵路所經。太原鐵路。初次測量擬由此分支。故曰正太鐵路。嗣因路線起石家莊較近。而仍用正太之名。昔山西驛路由此折西向獲鹿。今山西客貨田石家莊改車。伏城舊驛。爲伏殺所生。滹沱渡口最廣。時與黃河等順流。可舟達天津。

第九十一章 獲鹿縣

獲鹿縣治北緯三十八度八分，偏西二度二分。

位置 京西南六百六十里，東北至正定，西北至平山，西至井陘，南至元氏，東西四十五里，南北七十五里。

沿革 戰國趙武靈王攻中山，取石邑。漢置石邑縣，即今石家莊。隋析置鹿泉縣，唐改獲鹿縣。宋省石邑縣入焉。金改鎮寧州。元改西寧州，尋復稱獲鹿。明以後因之。

山脈 抱犢山在縣西八里，木名草山，草讀若婢。韓信拔趙幟處。西南西屏山，峯巒最勝。海螺山有白鹿泉，爲縣名所自始。今有連珠洞，東北有臥虎山，一名虎峯。

水系 鹿泉水在縣西南，東北流過陳餘壘，東注綿蔓水，即泚水。韓信背水斬陳餘處。下達滹沱。今澗大唐渠在縣東北，自平山導太白渠分入縣境，有禮教渠以灌田。又自石邑引太白渠入正定，故道淺塞。石家莊街市因以被水災。

物產 香末爲山水自動機所磨，石器亦極精美。青石作碑碣，砂石作碾磨爲特產。普通以棉布爲最。絲次之。海山在縣東五里，石層起片，石紋似柏葉柏枝，雨後尤顯。

實業 石家莊商業。因水災減色。戲園妓館最盛。商德墮落。尤以民興礦之金丹案。爲地方人民之病根。西南四十里。有銅冶鎮。銅業未能發達。石田層累。如階段。亦種殖。戶口 四萬六千六百二十三戶。二十六萬五千六百六十九人。

教育 縣立高等小學校在城內。乙種工業學校。由振菝織工廠改設。出品得巴拿馬獎憑。貧寒子弟便於謀生。全縣分五學區。國民學校經費。按畝攤派。不足酌加津貼。城市 彈丸山郭。羣峯環抱。金元好問曾居此。附近鐵路各村。每集期盈至。西北二里有奇石山。爲一縣之鎮。怪石峻起。前有牛山。距城一里。亦濯濯無森林之培護焉。鄉鎮 石家莊當井陘之口。原名枕頭。鐵路交通。行棧極盛。今莊西南十里。郵圖誤作振頭鎮。又縣東十五里。有于底鎮。北經李村鎮。爲赴靈壽要道。又方嶺寨高公寨皆在縣之西南。昔稱集鎮者六。村莊共二百有餘。

交通 正太鐵路自京漢鐵路石家莊分支。西行經大郭村至縣城。又經頭泉。上安。岩峯。微水。南河頭。南橫口。南張村。至井陘縣。又經北路。南峪。至娘子關。至山西界。經陽泉。壽陽。榆次。至太原省城。計程一日。時間與京漢路相銜接。一晝夜可自太原至京。

第九十二章 井陘縣

井陘縣治北緯三十八度二分。偏西二度二十七分。

位置 京西南七百八十里。西接山西平定縣界。東界獲鹿。南界贊皇。北界平山。東西九十五里。南北一百三十里。

沿革 漢置井陘縣。北齊改置井陘於石邑。廢故縣入之。隋唐於縣治置井州。隋並置葦澤縣。宋省入獲鹿平山。金置威州治天威城。元徙州治洺水。縣名沿而不改。

山脈 井陘山在縣東北五十里。太行之支隴。河北之重險。城山石墻嶺在東南。大臺山在西北。雲鳳山青泉嶺在東北。兩下嶺陡尙於西。如墻壁然。

水系 邑之甘洵河綿蔓河至縣城東。合爲冶河。居民於河灘內築壩開渠。以資灌溉。甘洵河上源曰桃水。出自山西平定西北。東入娘子關。經縣南而東。東北綿蔓河

上源曰沾水。自平定西南入境。又名西韓河。桃水自北來注。遂爲冶河。物產 核桃園爲縣南之巨鎮。長銀洞在東南四十里。嘗產銀。小松能生於石罅中。香

末亦多。不灰木出金柱嶺。煤礦北井五層。南井二層。共煤五十七萬噸。

實業

瓷器雖粗。頗適鄉民之用。運銷出境。每年報效學費四百元。井陘煤礦。全國資本五十萬兩。中國以地作股五十萬。兩年出五十萬噸。價百六十萬元。純利百萬元。戶口三萬八千九百四十二戶。一十九萬一千四百三十四人。

教育 縣立高等小學校。在城內。全縣分四學區。五十戶以上村落必設國民學校。學款隨糧帶征。並勸捐煤捐。

城市 周三里。有五門城。在四山之坳。治河繞其三面。中流皆置水碓。雉堞鞏固。有鐵路車站。可資運輸。人民勤儉。近於山西風氣。

鄉鎮 井陘關在東北。獲鹿縣交界。亦曰土門關。呂氏春秋。九塞之一。固關在西南四十里。舊作故關。為山西驛路。娘子關在縣西三十里。唐平陽公主娘子軍嘗駐此。八鎮。卽橫澗。天譚。威州。賈庄。馬山。橫口。微水。王庄。共二百五十七村。大村亦七八百家。交通 正太鐵路。自娘子關入山西境。有山洞隧道。為兩省之界。洞中闇然。有生入九幽。終出地。活埋七尺。又瞻天之句。自石家庄至此。地勢斜上。過此尚須經山洞十二。始抵太原。娘子關外。南峪。北峪。皆縣境。鑿山所通之道也。昔日四大天門。遂無人行。

第九十三章 阜平縣

阜平縣治。北緯三十八度五十二分。偏西二度九分。

位置 本省極西。西接山西五臺山九十三里。東界曲陽。南界靈壽。東南界行唐。北界

山西靈邱。東西一百五十三里。南北一百三十里。

沿革 漢靈壽。行唐地。宋咸平三年三析。置北砦。金初改曰北鎮。明昌四年。置阜平縣。

清初省入曲陽。行唐。康熙復置。

山脈 恒嶽大茂山支麓。神仙山爲板峪河所出。青杆嶺爲胭脂河所出。神尖石爲宋

遼分界處。大派山爲派水所經。孫子嶺在東南。金龍洞在山口。水簾洞飛瀑尤奇。

水系 由城西法華村。至城東南王快鎮。沿沙河六十里。引水穿渠。以資蓄洩。共二十

五灘。每灘設渠。長董率挑濬。共灌田一萬餘頃。蓋沙河自山西繁峙。穿長城入界。有

北流河來注。至城西。有板峪河來注。至王快鎮。有胭脂河來注。南入曲陽境。

物產 銀礦。沙出銀河村。胡家莊。柳樹村。天橋兒。蓮子巖等處。桑林。桃園。及菸。靛。麻。棗。

柳樹並繁盛。又有解玉砂。出沙竿等鎮。嶺口。銅綠岩。礦質亦多。煤礦。出炭灰。舖。

實業 用生息穀價成本九百餘吊。爲備荒之用。昔礦徒嘯聚山林。每因銀礦致亂。設局探採。可資生聚。五色晶礦。爲客藉所采。解玉砂爲土人世業。采藥者得黃芩黨參。戶口 一萬二千五百一十五戶。七萬一千五百一十一人。

教育 縣立高等小學校在城內。全縣分四學區。四十戶以上村落必設學。並派游行教員改良私塾。春夏設半日學校。秋冬設半夜學校。收桃杏仁花椒捐。爲經常之費。城市 居萬山之中。高原之地。古號涿州。南關觀音閣。有銅鐘重千斤。無欺。人情樸厚。迷信巫覡者較多。

鄉鎮 龍泉關在縣西七十里。有上下二關。相距二十里。前明設戍。陡撞溝在西北百。里。黃土舖在龍泉南三里。落路口在東北一百十五里。又有漆林溝紫皮嶺等口。吳王口在西北百里。四鎮二百四十七村。大者只百家。王快鎮居然富庶。爲全境之冠。交通 自縣治郵路經王快鎮。靈山鎮。下河鎮。至曲陽。道送紆曲。又經燕趙鎮。至定縣。京漢鐵路車站。共二百四十里。須三日程。入京者或取道望都。縣西不通郵路。每五。台進香之時。香客結隊前往。隘口六十餘處。沿山曲折。各數百里。長城嶺地尤隄峻。

第九十四章 欒城縣

欒城縣治。北緯三十七度五十六分。偏西一度四十一分。

位置 京西南六百七十里。東北界藁城。西北界獲鹿。東南界趙縣。西南至元氏。東西一百六十里。南北五十五里。

沿革 春秋欒武子封邑。齊伐晉取欒。戰國時屬趙。漢置關縣。後漢改置欒城縣。北齊廢。隋復置欒州。唐改爲欒氏。尋復舊。

地勢 臥龍岡在縣東八里。俗名浪頭邱。城南有三邱。並高四丈餘。西北舊縣址。有董保邱。今爲欒城堡。又有彪家邱。有縣西三里。途中望太行不見。各河流大半淤塞。

水系 洩河出縣西境。封龍山。東南至癭陶。入抵。洩譜曰。效。今自平山甘洶河分流入境。元氏土沙河。東北流合焉。又東南經趙縣。南下注於胡蘆河。冶河在城西北。或以

爲滹沱分流。或以爲運糧河。或以爲漢之太白渠。又縣南五里龍灣河。亦冶河支流。物產 棉花爲農產輸出之大宗。棉油可燃燈。又可調菜羹。棉餅可爲田園肥料。其他

農產糧物足食。欒木似欄。又檀欒。爲古產。

實業 族寓麪食較他處稍廉。俗尙勤儉。咸以耕織爲業。河流既淤。旱潦惟聽之天。棉花亦多。生貨運出。未能自設紡織廠。

戶口 一萬八千一百二十七戶。八萬一千三百九十人。

教育 縣立高等小學校。在城內。全縣分五學區。百五十戶。以必設一國民學校。可招生四級。元李洽算術最精。測圓海鏡。益古演段。爲中國天元術。與西人代數相通。

城市 漢之關縣城。即今縣治。昔有關城驛。今裁。旅館在東關外。城北五里有樂武十臺。明倫堂。照壁。鬢壁。有湖山碑。蘇轍有樂城集。後集。三集。樂城應詔集。爲古文家。

鄉鎮 城上堡。在縣北二十里。今名洽河堡。又縣南十里東鞏堡。東十二里城郎堡。西十五里陳村堡。爲縣四境之捍衛。又縣十五里殺虎林。唐武后時突厥人河北官軍殲之於此。又契丹主鄭律德光自汴北還。亦病死於此。共兩鎮一百三十餘村。

交通 縣治西北距石家莊京漢鐵路。正太鐵路車站。只五十里。自縣治二十里。至洽河鎮。又十里至方村鎮。又十里至高遷村。以達石家莊。郵路東南經梅花鎮。賈市莊。均屬平原。城北二十里有二十里鋪。

第九十五章 行唐縣

行唐縣沿北緯三十八度二十六分。偏西一度四十七分。

位置 京南五百六十里。東界新樂。西界靈壽。南界正定。北界曲陽。東西五十里。南北四十里。

沿革 戰國趙南行唐邑。漢置南行唐縣。後魏曰行唐縣。唐改章武。五代晉改永昌。漢復稱行唐。縣名至今仍之。

山脈 箕山在縣西北。爲許由隱居。亦北嶽大茂山之麓。柏山毗山與之相連。如列屏障。岳山在北。山形團聳。東南有見龍山。又有黑山。伏山。雙嶺。竈山。陽川嶺。一脈貫串。水系 縣東北二十里。蓮花池。東南流。會龍泉水。居民倚橋爲閘。引水灌田。沙河卽恒水。自曲陽乘經縣東。又東入新樂縣界。又滋水自山西穿長城入省界。經靈壽縣北。東流入縣界。至張茂村。伏流不見。至正定南孟社復出。入藁城。無極界。物產 柏山多古柏。蓮花池產菱藕。出產以布疋爲大宗。春麥秋穀。農家仍恃兩季收成。

實業 昔以製造花爆著名。頗屬危險。因大者聲震屋瓦。恐告愼延燒。風俗樸厚。人民以稼穡紡織爲業。

戶口 二萬四千二百二十二戶。一十四萬零五百五十六人。

教育 縣立高等小學校在城內。全縣分四學區。各村國民學校。由學生交糧粒以代學費。

城市 有西南北三門。無東門。濠外有隄。東有唐尉遲敬德飲馬池。西北高亢。東南爲平原。

鄉鎮 蹇蹇村在縣東十五里。東有龍池泉。又東與蓮花池水會。泉水湧出。凡百餘穴。至村斜折而南。合部河漑田至多。菱荷掩映。有江南風景。其餘各鎮皆郵路旁交通之地。兩路鎮在縣西北七十里。明設巡司久裁。共四鎮三百二十村。

交通 縣東南二十五里爲青銅鎮。又十五里爲長壽。卽京漢鐵路車站。郵路北十二里。至南曲河西十里爲玉亭鎮。又西北三十里至口頭鎮。又六十里至陳庄鎮。折回六十里過慈峪鎮。又二十五里至上碑鎮。又十八里至縣治。如梭形焉。

第九十六章 靈壽縣

靈壽縣治。北緯三十八度十六分。偏西一度五十七分。

位置 京西南六百里。東界行唐。西南界平山。北界阜平。東南界正定。東西三十里。南北一百里。

沿革 漢置靈壽縣。後周於此置蒲吾郡。宋熙寧六年省爲鎮。入行唐。八年復置。金元以後因之。

山脈 北嶽南支。長岡嶺突出縣北。四嶺六嶺相連。橫山。沙山。高聳干霄。大吃水溝山。團箔口。滴水塘溝山。皆兩山對峙。楸山與鳳凰石山鼎峙。文山有周文王廟。

水系 滹沱河自平山挾湍流東下。遂漸入平地。又東南流經縣南。又東入正定縣界。滋河出山西五臺之東。穿長城八界經縣北。全兩嶺口水。黃土梁水。及南五河各小水。東入行唐縣界。松陽河在城南。出楸山。東南入於滹沱。聖水出白石村。下入滹沱。物產 核桃樹爲西北名地。亦爲特產。楸山多產楸樹。銀洞山爲舊時產銀處。西北境又產花椒。栗子。柿子等物。

實業 礦徒嘯聚。曾爲民害。苟精於勘探。嚴爲部勒。亦易於獲利。人家多以耕田織布爲本。勤儉可風。

戶口 一萬八千三百九十八戶。九萬七千零五十九人。

教育 縣立高等小學校在城內。共分二學區。二百戶共設一國民學校。學費由規復錢糧補底。并隨糧帶征。

城市 冠婚喪祭。多從馬介愨公所著四禮輯宜。雖城市中。亦樸實忠厚。無市井氣。城西北多高亢。東南多平原。

鄉鎮 白草溝口。在西北百六十里。明置戍地。北境有兩鎮。一曰慈峪。二曰陳莊。鄉民得山貨。由此上市。其餘大小村莊共一百四十二。趙王城距城十五里。有趙王臺。相傳爲趙武靈王所築烽臺。在城北三里。高九丈。祁林寺有大齊碑。

交通 縣治距正定京漢鐵路車站五十里。中有曲陽橋爲兩縣中權。各二十五里。或東經化皮至長壽車站。亦陸程五十餘里。郵路南經李村鎮。于底鎮。至獲鹿縣。正太車站。共五十五里。西南至平山縣三十五里。

第九十七章 平山縣

平山縣治北緯三十八度十六分。偏西二度七分。

位置 京西南六百二十里。東界正定。南界獲鹿。北界靈壽。西南界井陘。西界山西孟

縣。西北界山西五臺。東西一百六十里。南北五十五里。

沿革 越國趙番語邑。漢置蒲吾縣。隋析置房山縣。大業省蒲吾入井陘。唐改房山爲

徽州。至德元年改平山。宋以後因之。

山脈 抱犢山險峻。前代亂世。良民恒避兵其上。房山在西北六十里。因有王母祠而

名西山。赤石嶺一名叱日嶺。與青石嶺相連。

水系 滹沱河自山西繁峙。滙代疇五臺。定襄。忻孟諸縣之水。東南下太行。縱谷之斜

面。至本省。入縣境。納冶河水。始湍盛。灘渠三十。冶河灘渠十五。支疏分流。以資灌溉。

滹沱水濁泥肥。布石留淤。可成田。但苦山漲衝突。然山麓夾束。不患溢出。泛濫也。

物產 山產茯苓。木耳。梨。棗。礦有煤鐵。而房山則名曰鐵山。桑園溝有桑。獅子岩白羊

平。皆以山產得名。農產稻地。竟成大宗。棉花藍靛柿棗次之。薏仁橡栗爲特產。

實業

縣西十五里望樓河。泉甚煖。隆冬不凍。居民造楮於此。涖涖水在縣西百里。從

山湧出。達於平地。灌田數十頃。河西泉湧出。灌田百頃。

戶口 三萬九千八百四十四戶。十九萬九千九百四十三人。

教育 縣立高等小學。校在城內。全縣分五學區。增加畝捐。再收紙煙牲口花椒核桃

等公益捐。以充學費。提倡女學。視鄰縣爲早。

城市 滹沱河襟縣城之西。有衛河自西北來注。城居人烟稠密。貧民賴紡織謀生。附

郭村莊亦多華麗。燒香佞佛演戲酬神。未免糜費。

鄉鎮 天長鎮在縣東。唐李克用進兵處。回舍鎮在縣二十里。有土濠。又西北四十里。

有洪子店。或爲紅紙店。又郭蘇鎮在西北四十里。有土城。南甸鎮在縣北三十五里。

十八盤口以下。有二十二口。皆在縣境。五百八十餘村。滿百家者少。多零星村落。

交通 縣城南行五十里。至獲鹿縣。正太鐵路車站。爲出入之門戶。又東南距正定京

漢車站。陸行九十里。亦一日可達。是以取道於正定者多。因其爲大站。可上下快車也。

第九十八章 元氏縣

元氏縣治北緯三十七度四十八分，偏西一度四十八分。

位置 京西南七百里。東界趙縣，西界井陘，南界高邑，北界獲鹿，東西七十八里，南北六十里。

沿革 戰國趙元氏邑。漢元氏縣。爲常山郡治。晉屬趙國，隋屬趙郡，唐屬趙州。五代唐屬正定府。宋金元以後因之。漢縣在西北三十里。宋國契丹八寇，建牙徙今治。

山脈 封龍山一名飛龍山，太行東支。龍首龍耳兩峯間有白雲洞。西有九仙洞，神岩盤龍山並峻。孟嘗岡在縣南，中通雞鳴道口。其北麓直至獲鹿縣南。

水系 洩河出欒城縣界封龍山，兩源合而東流。有全河合二水來會。東南流至縣城之北，有青龍河自縣西來注之。又東經趙縣至寧晉，入寧晉泊。泚水源出封龍山入趙縣境，沙河出縣西，至灤城入渡河。槐水自贊皇來，南流入趙縣境。

物產 葦箔嶺多產葦，織箔、棉花及麻。纖維甚細，亦多種桑育蠶，繅絲。農產五穀俱備，家畜亦蕃。

實業 本縣紡織原料豐富。本能責備不出閨門之婦女。改良機杼。擬選邑人曾在省

立中學畢業者。咸赴南通紡織專門學校留學。再籌設工廠。

戶口 二萬八千二百九十五戶。十二萬七千九百六十一人。

教育 縣立高等小學校在城內。全縣分三學區。每年增國民學校四十處。五年辦成。

二百校。撥濮陽工捐歸學款。並學倉學林。

城市 縣城南有韓臺。又南臨紙水。韓信嘗屯兵於此。縣署經征田賦。照額全完。在五

萬元以上。足見民富而馴良。

鄉鎮 南莊集在西北四十里。附近在鹿台砦。又有三公等寨。凡十餘。皆亂世人民保

聚之地也。今有四鎮二百一十村。田多自種。無鉅富亦鮮赤貧。農時並作。人不敢惰。

故俗厚而民康樂。

交通 京漢鐵路車站在縣城之東。郵路西接贊皇縣治。大路東接縣。縣如兩臂然。西

北。郵路二十里爲段村。又二十五里爲南佐。東北十八里爲宋曹。又二十里爲南因。

亦如兩臂然。

第九十九章 贊皇縣

贊皇縣治北緯三十七度四十二分。偏西一度五十五分。

位置 京西南七百二十里。東界高邑。南界臨城。北界元氏。西界山西樂平。東西一百五里。南北五十里。

沿革 漢房子縣地。北齊爲高邑縣地。隋析置贊皇縣。宋熙寧五年。省爲鎮。入高邑。元祐復置。元至元亦併於高邑。旋復置。後因之。贊皇之名。則始於穆天子傳。

山脈 贊皇山在縣西南。太行支脈自西北黃沙嶺黃石山。迄乎東南之鐵腳嶺。上有孔子嶺。有岩甚寬廣。十八盤嶺。山勢嵯峨。五馬山在縣東。有五石馬。四望山可望遠。水系 贊皇山之麓。滂水出焉。東流經縣境東南。入於高邑境。達寧晉泊。槐河一名沙河。源出縣城西十八盤嶺口。爲野狐泉。東經縣城之北。至寧晉城西。會浚河。入寧晉泊。

物產 檀山出檀。可爲車料。梨棗二種爲兩大宗。不但果實有味。木料亦堅實。爲昔日雕板所資。

實業 男力耕耘，女勤紡織，依山樵採，柴扉糲食，株守先疇，滋生之子孫多，則不足食，兄弟爭田，析產愈少，生活愈艱。

戶口 一萬五千五百六十二口，六萬七千六百零九人。

教育 縣立高等小學校在城內，全縣分三學區，先以師範講習所儲備師資，因全境小學生不過三百餘，私塾生不過七百餘，女學尙未成立。

城市 周穆王篆吉日癸巳四字，在文廟，城中無鉅富之商，市肆所陳列多日用品，少奢侈品。

鄉鎮 回車城在縣南十里，李左車所築，亦曰左車城，有韓信將臺，縣西平泉莊爲唐李德裕建，縣南郭莊，縣西胡家莊，高家莊，多聚族而居，西洋宅則天主教民深入內地者所建築，西南黃石堡大石門一帶，建築亦堅，共四鎮一百六十三村。

交通 縣治東北至元氏縣城，京漢鐵路車站，郵路三十里，爲出入之道，至於縣西及縣南縣北均未通郵，十八盤口在縣西十八盤嶺下，黃沙口在西北，又北曰白城口，附近有谷家岩，縣西五十里有段里口，口外有四相公砦，又西南後溝口，邊牆始竟。

第一百章 晉縣 林傳樹游晉縣記

晉縣治北緯三十八度五分偏西一度十五分。

位置 京南六百里。東界東鹿。西界藁城。南界寧晉。北界無極。東西五十二里。南北六十四里。昔晉國天下莫強。疆域廣大。今名義僅存於一縣。

沿革 春秋晉荀吳伐鮮虞圍鼓克之。遂爲晉地。三家分晉屬趙。漢置下曲陽縣。晉屬趙國。隋置曲陽。改曰鼓城。元始置晉州。明省鼓城縣入州。民國改州爲縣。

山脈 鼓城山在縣西五里。以鼓子所居而名。下有古城坡。隋人因以名縣。或曰山形似鼓。惟歷年久夷爲平原。

水系 滹沱河上游巨藁城流入。昔在城南。今久已移於城北。分爲二支。南支近於縣治。東過小樵確之南。入東鹿。位北鎮界。北支則下達深澤。光武至滹沱冰堅可渡處。今已淤爲平原矣。

物產 白果塔之白果。蓮花池之蓮花。古蹟芳蹤。現今尙在。農產五穀皆備。棉花尤爲輸出大宗。

實業 水利會擬補修東里村各處堤埝。需款一千五百元。按畝分攤。濮陽河工捐。現已停止。惟印花漏稅。小民多無知而受重罰。昔天旱甚久。祈禱外無善法。農困彌深。

戶口 三萬零七百一十六戶。十五萬九千零八十九人。

教育 縣立高等小學校。城內設備稍完。栢邱村高等小學校。風尤整肅。全縣分四學區。男生就學者已五千六百人。女生二百四十一人。

城市 白果塔。在城西北三里。昔有泉溢爲患。有僧號白果道人。鑿塔壓之。然縣治卜居最古。即隋之鼓城舊址。春秋鼓子國。爲白狄別種。

鄉鎮 下曲陽城。在縣西五里。臨平城。在縣東南。均漢縣。久廢。極荒涼。縣東二十二里。

小樵鎮。東關大廟。藪盜集賭。現已嚴禁。並驅逐暗娼。涅盤村。集在東。東里堡。在南。州頭集。在西南。侯城堡。皆東北。皆鄉民保聚交易之所。共八鎮二百零九村。

交通 縣治正西二十五里爲興安村。又十五里爲藁城縣。又二十五里爲崗上。又四十二里爲休門鎮。又五里至石家莊。以達京漢正太兩車站。共長一百一十里。又東

南五十里。至東鹿三辛集。爲水路赴天津之道。

第一百零一章 無極縣李蔭清調查

無極縣治北緯三十八度十三分。偏西一度二十一分。

位置 東界深澤。西南均界於藁城。北界定縣。東南界晉縣。西北界新樂。東西四十六里。南北三十四里。

沿革 漢母極縣。在今治東北一里。唐以後始改母爲無。景福二年置祁州於此。五代因之。宋始移祁州治蒲陰。以縣屬定州。後或屬正定府。或屬晉州。而縣名迄今不改。山脈 無極山在縣西南三十里。雖不甚高。然北嶽之東支。由靈壽正定東迤者。至此而盡。故曰無極。顧祖禹以爲自元氏封龍而西。太行邈無窮盡。元氏無極山頗高。聳水系 滹沱河自正定東流入境。橫當縣南。盛暑水漲。寬幾十里。兩岸茫無涯涘。又東流出境。縣北有木刀溝。惟夏時有水。中曰濱河。夙稱名渠。今已淤填。幾成平地。非大潦之年。不能流通。所盼地方官紳分滹沱爲三渠。水利興。水患息矣。物產 棉花爲出產大宗。當全縣農作物之十。大小麥次之。亦售出境外。其餘大豆。芝麻。高粱。黍稷並盛。製造品惟大布頗厚。

實業 土質膏沃。益以人工灌溉。老農之利粟支十年。厚積之家。多設錢舖。主人田產愈多。則信用愈遠。不能離農業而言商業也。

戶口 三萬一千四百四十五戶。十五萬五千一百零七人。

教育 縣立高等小學規模較大。鄉鎮村莊各立國民學校一所。約計百餘校。女學三四而已。學款收自肉捐及炸炭捐。

城市 城周五里。有三門。集市之期。商賈麇集。鄉民入城。持棉麥以易油鹽必需之品。縣署尊嚴。俗人有無極大帝之諺。滋河經縣城之南。下達深澤焉。

鄉鎮 各鄉分四區。東西南北。各設巡官警士。號曰四鎮。東曰東漢。南曰齊下。西曰郭莊。北曰東丈。東北有善陘。戰國時中山之屬邑。西有資亭。又有廉臺。以廉頗著。令人景仰英雄。西北有扈亭。高出林阜。

交通 縣城距正定東少北七十里。原係大路。今境內無火車站。至正定上下者甚多。貨物尤趨集於石家莊。滹沱河有船甚巨。可上至石家莊。下至天津。至於村民入城上市者。則乘馬駕車。或騎驢代步焉。

第一百零二章 藁城縣范光珺調查 陳信談藁

藁城縣治北緯三十八度五分。偏西一度二十九分。

位置 京西南六百六十里。東界晉縣。西界正定。南界趙縣。北界新樂。東西七十三里。南北六十五里。

沿革 春秋肥子國。後并於晉。漢置藁城縣。後漢省。北魏復置。北齊改曰高城。移鉅鹿郡治。隋初置廉州。復改藁城。唐天啟改藁平。五代藁復曰藁城。元初永安州。旋復舊地勢。土山在西南二十五里。即古宜安城故址。示衣坂在西北三十里。唐安祿山反。常山太守顏杲卿。知力不敵。迎之。祿山衣之金紫。卿歸示袁德謙於此。起兵討賊。水系 滹沱河自正定東流。入境陡落平原。流始大肆。由縣境西北至東南。每年夏秋之交。潰汎爲害。春秋間帆船可通天津。溝渠之著者有王莽溝。在城西南約十餘里。寬丈餘。平時水涸。夏秋有水。滹沱經城北。河流愈險。下游經無極。南入晉縣境。物產 農作物爲主。棉花爲第一大宗。掛麩。夙稱特產。有銀絲細麩之稱。可以久留。可以行遠。

實業 堤埝與晉縣利害關係甚切。易啟爭端。正在妥擬辦法。以弭水患。人民務農。商不甚發達。

戶口 四萬九千六百戶。二十三萬三千七百二十三人。

教育 縣立高等小學校。在城內。全境分五學區。百戶以上之鄉村。均已設國民學校。教育家有服務邊遠任龍江師範蒙旗中學者。

城市 居縣境中區。五日兩集。商況倍於鄉鎮。滹沱河近迫城北。隄防鞏固。商家風氣多與山西爲近。

鄉鎮 全縣共二百三十村。分八大鎮。每五日一集。著名者只一百零八村。李牧臺在西南二十里。鄉民患水亦且患旱。因滹沱堤坊不能引爲灌溉。近則患兵患匪。民困日深。移植出塞者益多。

交通 距石家莊京漢正太兩鐵路車站七十里。正西陸行一日即達。縣東郵路四十里。達晉縣。東北無極縣。西南欒城縣。雖鄰近無直達之郵路。滹沱水急。舟運亦多不便。

第二百零三章

新樂縣林文忠實輅記程

王士禎秦蜀驛稿

新樂縣治。北緯三十八度二十五分。偏西一度三十三分。

位置。京西南五百二十里。東界深澤。西界行唐。南界藁城。北界定縣。東西五十五里。南北九十五里。

沿革。春秋鮮虞地。漢屬新市縣。屬中山關。隋析置新樂縣。又省新市入九門縣。後縣名相沿不改。縣北明月店路旁。有義皇故里碑。

地勢。縣西北二十里有童山。一名見龍山。高數十仞。綿亘數里。下有小溪。濼帶流入沙河。

水系。沙河。阜平縣東南流。經曲陽行唐二縣入境。又東經縣城。昔郭子儀嘗敗賊於此。又東南流入於定縣界。浴河自縣西十五里中同村。東流經縣南五里入沙河。漑田數十頃。派水在西南十里。自行唐入境。東入定縣境。五派分流如琴絃。又曰琴川。物產。棗梨桃杏。落花生。爲商品之大宗。紅棗黑棗蜜棗。皆人工製成。梨脯桃脯杏脯。亦可久留。落花生可榨油。

實業 連年苦旱。黍苗出土不及寸而黃。農人望雨甚切。本村之木業。漁砥村之漁業。可資生計。

戶口 一萬九千零九十七戶。十三萬零七百零八人。

教育 勸學所長擴充學林。改造校舍。高等小學。肅然整齊。各村遵辦。信仰尤深。各村國民學校。由村正副負責。必須成立。學款由學生繳納。

城市 漢中山王馮昭儀。隨王就國。建宮於西鄉之樂里。因呼爲西樂城。俗訛爲新樂。隋因以立縣。近代縣治有西樂驛。今裁。縣西伏羲故城。中有羲台。後有洗兒池。

鄉鎮 南蘇堡在東南三十里。壘頭堡在縣東十五里。張家莊堡在縣西南四十里。馬頭舖在縣南二十五里。四堡均有城池。至於通郵之市。則東南之漁砥。郟台。東北之高蓬鎮。東里村。大吳村。西北之正莫鎮。仍連合於縣城。共四鎮百二十餘村。

交通 京漢鐵路車站南。有大鐵橋跨沙河之上。民國八年九月。因大水秋後衝決。鐵橋中斷。用渡艚接運。上下艱難。先修木橋行車。次將鐵橋修復。河水深闊。本可以通船。惟水性奔激。多不便。

第二百零四章 易 縣連德純同纂 中學生百餘人調查不備錄

易縣治。北極出地三十九度二十三分。偏西五十一分五十秒。

位置 東界涑水定興。南界徐水滿城。西界完縣唐縣涑源。北界蔚縣。東西一百七十里。南北一百三十里。約計二萬二千一百方里。

沿革 燕桓侯徙都於易。漢故安及易縣地。隋置易州。領易縣等六縣。唐增樓亭板城。遼有易州。爲周世宗所取。宋時復爲遼有。明以州治。省易縣入州。民國改州爲縣。

山脈 恒山由涑山入境爲紫荆關。北支爲泰寧山。有奇峯嶺。是爲西陵。中幹突起。五迴嶺。東北爲鄆山。北爲孔山。西北爲燕山。耶山旁有黃土山石板山。城旁有荆軻山水系。易水爲燕太子丹送荆軻處。蓋易水有三。北易出窮獨山爲濡水。貫西陵。經縣治。中易則出於紫荆關五迴嶺。即子莊溪寬中谷水。南易水出縣南石獸岡。下游皆入於拒馬河。南有徐河入徐水。趙河入滿城。界河爲清苑府河之源。

物產 西易州菸葉歲出三百萬斤。河濱宜花生。平原植麥。山坡惟西陵多森林。山地牧羊。每年赴京者十三萬頭。塘湖鎮種桑蠶。歲有絲市。紫荆關旁饒棗杏之利。

實業 重陽前後三日。京津保商人。皆萃於關帝廟會。陳列贈者多嫁物。尙舊式。且國貨居多。洋貨極少。五公山深處。森林牧畜並盛。又建水磨造香。城內菸商鹽商並富。戶口 三萬四千六百三十一戶。十六萬二千五百六十三人。今通稱十八萬。

教育 省立第八中學。原係易州舊設。秉孫夏峯之訓。諸生各有日記。縣立乙種農業三校。塘湖蠶業爲盛。安河以行宮爲校舍。爲弘敝。國民學校城鄉已達百三十處。

城市 城只東西二門。昔日西陵多優差。西門外有市廛。百貨略備。東門距車站尙遠。出入所必由。南城有火神廟。頗似城樓。城內有五華臺。甚高。召伯祠甚古。

鄉鎮 全境大小五百餘村。原分三十九社。今分六區。中區縣城所在。安河。廠城。后部。并盛。北區有西陵泰寧鎮。梁格莊。東區有塘湖鎮。揚威城。南區有白壘鎮。山北鎮。棗園。西一區有大良岡。小龍華。西二區則以紫荆關。小辛城爲重地。各村有儲蓄銀行。交通 自京漢鐵路高碑店分支路。經涑水至縣城。西至梁格莊。本爲前清謁陵而設。今每年五月二十二日。由京開專車至梁格莊。在車膳宿。并包辦驛馬。在內。次日遊畢。原車回京。各陵御路失修。路旁人民侵墾。道路日狹。

第二百零五章

涑水縣 張右棠風土記 高文樓城市記

涑水縣治北緯三十九度二十五分偏西二十八分。

位置 京師西南一百八十里。東界涿縣。西界易縣。南界定興。東西二百三十二里。南北二百二十里。

沿革 漢之遼縣。北周入涿縣。隋入范陽縣。唐開元六年改固安縣。十年改永陽縣。十八年始改爲涑水縣。

山脈 石龜山。岩可容千人。下縣龍湫。文山武山相對。紫涼山高可百丈。龍安山人迹罕至。雲溪山爲一縣之鎮。龍灣山下鐵鎖崖。俗呼鐵葉寨。天龍門山有摩崖字。

水系 涑水即拒馬河。自涑源來。經縣北。至鐵鎖崖分流正流。東南過定興。與白溝河會。桃水爲涑水分流。入涿縣境。迨欄河源出樂平山。流入定興爲沙河。入拒馬河。瀉水東合檀山水。南流與石泉合。

物產 玉堂稻出石亭鎮。穀蔬瓜果足民食而有餘。拒馬河水暖。嚴冬不凍。魚藻並蓄。北山出炭。西山出石灰。禽獸亦蕃。礦山如金洞場珠寶窩。明太監王中曾開之。

實業 工藝局教授織布。並招女生造草帽。緞軌道旁有財神會館。回民禮拜寺在東南。農會在縣公署對面。商會在警察公所內。惟糧行頗發達。西義安村森林特茂。

戶口 二萬二千五百三十一戶。十三萬三千一百五十四人。

教育 大覺嶺爲霍原隱居教授之地。縣立高等小學之旁。有模師國民學校。及單級講所。北關國民學校。學生無多。各鄉學尤少。全縣分六學區。山前學校較盛。

城市 有南北二門。無東西門。貿易多在南關。東有耆氏花園。每至一六三八日爲大集。牲畜市在西關。雜糧市則四關輪流。城西北有古塔。多紅土。工人取以塗器。

鄉鎮 闔縣鄉有四社。有二十七。山前分東西南北四路。村有百五十三。山後巉巖人。民散處。大小百有八村。鎮有三。曰石亭。曰婁村。曰永陽。其開隘則以祁溝關爲重。他若六都關。龍門關。白馬關。馬水口。道水口。大龍門。金水口。齊仲口。拍連澗口。均要地。交通 京漢鐵路之新易支路。由高碑店分軌至縣城之南。車站在南關之西南。每日有客車往來。西達易縣。梁格莊。東達京漢正軌。計一往一復。距京只半日程也。五十年前拒馬河可通舟楫。東關茶亭晚渡。今水淺只存四五尺也。縣南中易水。可通船。

第百零六章 涑源縣賈元章同纂 李清華風土記

涑源縣治。北緯三十九度二十三分。偏西一度十一分。

位置 東界易縣。南界唐縣。北界蔚縣。西界山西靈邱。西北界山西廣靈。東西七十五里。南北一百十五里。

沿革 春秋無終屬代。戰國屬趙。秦置廣昌縣。漢置蜚狐縣。又名涑源郡。明爲廣昌縣。改靈昌。又置廣昌千戶守禦所。屬山西大同府。清改歸直隸易州。民國避重名改名山脈。飛狐峪在黑石嶺後。東南在紅沙嶺。爲縣北正脈。東至浮圖峪。西接驛馬嶺。縣南有挿箭山。祭刀嶺。爲楊六郎征遼舊蹟。白石山秀如列屏。最南神仙山接唐縣境。水系 涑水源出涑山。即拒馬河。三源最遠者。爲縣南半里之七山。又名馬跑泉。酈食。其所謂拒白馬之津是也。涑源出縣東一里。易源出縣東南。皆入拒馬河。下達涑水。涑水在縣南七十里。源出山西靈邱。北渾源。南會塔兒灣水。入唐縣爲唐河。物產 千穗穀一名沙米。葉可作羹。菜有薺。果有扁桃。花有一丈紅。木有杆。葉似松而。有刺草有龍鬚。魚有重唇。礦質有木。上水石。白石。花斑石。

實業 原額民田九百四十八頃餘。除無主荒地。實在熟地八百二十三頃餘。上地不及廿分之一。原額桑樹三百四十三株。現擬推廣。

戶口 一萬八千零六十三戶。九萬一千二百四十人。

教育 正誼書院在南門外。改爲高等學校。義學在城內。興化樓後。改爲女子國民學校。原有學田爲基產。撥會產爲學款。全縣分四學區。每六十戶。必設一國民學校。

城市 城周三里餘。有南北二門。南關土城約二里許。有東西南三門。北門上建玉皇閣。東南隅近巖宮處。有魁星樓。南門名曰涿源。

鄉鎮 村莊二百七十七。東鄉重要形勢。以浮圖峪爲重。寧靜菴次之。團堡又次之。煙煤洞。白家窰。皆以舊法謀生也。西鄉要地。有艾河汎。紅泉汎。驛馬嶺。名勝有朝陽洞。南鄉要地。有插箭嶺。蔡村汎。北鄉有窩駝汎。伊家舖。

交通 東距易縣陸路一百九十里。東行一百七十里。至梁格莊。即可附入火車爲出入要道。途中以紫荆關爲扼塞。自此而西。道騎不通車。南出唐縣。有倒馬關之險。騎行亦險。攀岸懸磴。旅行極苦。

第二百零七章 定縣

定縣治。北緯三十八度三十二分。偏西一度二十一分。

位置 京師西南五百里。東界安國。西界曲陽。南界新樂。北界望都。東西一百三十里。南北九十里。

沿革 春秋鮮虞國地。戰國中山國地。漢置盧奴縣。後燕慕容垂嘗都此。元魏元興時。改曰定州。明以定州屬正定府。清雍正二年升爲直隸州。民國廢州爲縣。

山脈 中山在郭內。舊有大阜並峙。明洪武中建庫樓於上。即今之鐘鼓樓也。平山在縣東五里。兩山對峙。低昂若一。嘉山在縣西。狼山在西北。與恒山相接。

水系 滹水自唐縣東流。斜貫縣境。淺不容舟而迅急。縣城介在滹水沙河之間。城南沙河流域。鑿溝渠比鑿井更易。澆水以北。土質堅硬。鑿小井極多。沙河又名小青河。自曲陽來。會下流入安國縣界。天井澤在東南。周六十里。今涸。

物產 定州眼藥。白定字馬雲龍並著。陵布並爲出品。昔年出地漿簞。今無。桑之無甚者。曰柘。莖有槐角。免絲。杲有縹麻。花有木槿。獸有貍。爲貉類。魚有魴。鮎。

實業 勸業所歲入三萬九千吊。鑿井七千眼。并種美棉湖桑。興辦公私林業。七十萬株。沿河皆種柳。織布改用鐵機。利用麥莖推廣草帽。縲。

戶口 五萬零四百八十七戶。三十萬零六千零三十四人。

教育 城鎮高等小學各鄉國民學校。皆舉行家庭展覽會。省立中學。即因定州舊屬。爲中學區。全縣分二十五區。最爲周密。國民學校。已設二百三十五校。

城市 漢中山靖王墓。在縣公署西二里。古柏三十八株。環以短垣。西南有白果樹。周二十圍。雖枯枝亦天矯如龍。城南料敵塔。高十一級。宋人所建。是爲中山三古物。

鄉鎮 定縣爲模範縣。於民國之初。先立模範村。以爲全省之倡導。翟城村在縣東三里。居民三百三十戶。丁口二千餘。自治甚完備。委粟關在縣北。雞鳴臺在縣東南。狼牙口在倒馬關西南。皆昔盛今衰。清風店在縣北五十里。現有車站。郵路通礮路鎮。交通 京漢鐵路車站。在城西三里許。西北阜平曲陽。東南深澤。入京師赴保定者。必取道於此。古人以中山去雲朔。僅隔一陁。徑高而下。勢若建瓴。既至中山。則出險就平。昔年驛路所經。有清風明月。夾定州之諺。可想見行旅之樂。鐵路通。旅店減色矣。

第二百零八章 曲陽縣

曲陽縣治。北緯三十八度四十一分。偏西一度四十一分。

位置 京師西南五百五里。東界定縣。西界阜城。南界新樂。北界唐縣。東西九十里。

南北八十里。

沿革 戰國趙曲陽邑。漢置上曲陽縣。後魏省入新市。旋復置。北齊改曲陽。隋改石邑。

又改恒陽。元初置恒州。立元帥府。尋復爲曲陽縣。

山脈 北嶽恒山。漢唐所祀。實恒山之正麓。立祠於此。岳嶺峙乎西北。近接長城。渾源

實爲來脈。靈山燕山。並列縣北。喜峪朱家峪。在其左右。黃山章山。迤於東南。

水系 恒水出恒山。禹貢恒衛既從。是也。上源出山西渾源。爲滌水。至唐縣經本縣之

東北爲恒河。或以唐縣所出者當之。今擬三易水之例。以渾源爲北恒水。唐縣爲中

恒水。本縣爲南恒水。南入於行唐縣境。

物產 煤礦出白石溝及野北村。石料。印石。石灰。滑石。陶土。製有黃磁。白磁。磚瓦。器。棗

梨甚多。棗酒亦號佳釀。

實業 白石溝煤礦已開采。資本三十萬元。野北村煤礦亦籌款開采。婦女所織粗布。適於鄉民之用。

戶口 二萬二千七百一十二戶。十二萬二千一百八十三人。

教育 小學觀摩會。曾於文廟內舉行。到會者一百五十餘校。學生四千餘人。縣立高等小學校。土習敦樸。擲節添班。撥還村捐。令其自辦鄉學。

城市 岳祠在縣城內。殿壁天宮圖。飛天神。相傳爲吳道子真筆。縣署東南隅有藺公祠。其墓有縣西藺相如村。

鄉鎮 上曲陽城在縣治西四里。爲恒山之陽轉曲處。丹邱城在縣西北。亦趙武靈王所取。岩城在西北。未詳所始。香岩閣在北。水竇岩在西北。絕壁奔流。有泉石之幽勝。慈順村有靈跡塔。至元間建。軍城砦在西北八十里。大鎮三。小鎮七。村莊三百四十。交通 縣東南二十五里燕趙鎮。又四十里至定縣。只一日程。可達京漢鐵路車站。又北二十五里下河鎮。西北四十里靈山衛。西南五十里王快鎮。西北三十里至阜平縣。郵路因山水屈曲。遷就市鎮。不能不紆遠。又無支路發展。嘉山在大道旁甚奇。

第二百零九章 深澤縣深澤縣志

深澤縣。北緯三十六度十三分。偏西一度九分。

位置 京師西南五百九十里。東界安平。西界無極。南界晉縣。北界安國。東西五十四里。南北四十六里。

沿革 漢置深澤縣屬中山。又置南深澤屬涿郡。後漢省深澤。以南深澤屬安平國。北魏改深澤。北齊廢。隋復置。宋省爲鎮。入鼓城。復置。元併入東鹿。復置。後仍之。

地勢 滋河堤自縣西二十里起。與無極接界。至縣北二十里。與安國接界。長五十餘里。爲舊有之堤。蓋滋河在滹沱之北。恃此堤以隔別之。縣西有滋水滹沱。鬻成神渚。水系 滹沱河北支。自晉縣之西北。流入本縣之西南。又分爲二支。北支正流。過縣治之北。南支出縣治之南。北支下游。由傳各莊。下達饒陽。南支下游。經於文鎮。又過安平縣。亦至饒陽城北會合。舊有鴉兒河。亦滹沱支流。達東鹿界。今淤。

物產 穀有黃粟。白粟。錯麥。豆有虎爪豆。蔬有萹苳。苳達。芫荽。樹有檇。檇。槐。棠。果有石榴。土貨有絲。綿。棉花。紅花。藍。靛。麻。蜂蜜。黃蠟。鱸。葛布。

實業 秋收被蝗。每損失十之七八。春蛹如蟻。早禾殆盡而後飛去。二次播種。飛蝗復來。滹沱水患。並至。農民苦之。二千七百頃良田。幾不足以自給。

戶口 九千四百三十九戶。十一萬三千五百九十五人。或云一萬八千戶。

教育 高等小學。在城者爲官辦。在鄉者爲紳辦。河瞳村捐資興學。小加拓充。全縣分五區。每百五十戶。必設一國民學校。經費出自房地公益捐。

城市 疆土寬平。風物完聚。北城壘。土祀玄武。號北臺柳月。小西街白衣院。號西院荷風。城東有文昌塔。城中興化寺。泉可釀。城內大忍寺。有唐代隸書古碑。

鄉鎮 大堡在縣東二十里。近於安平。西內堡在縣西北二十里。近於定縣。皆保聚之所。縣東二十五里鐵千鎮。又十五里經子文鎮。通安平。縣南十五里小章鎮。東通深

縣。西通晉縣。南通東鹿。地方益盛。中山村在城南六里。小鎮二村莊一百零七。

交通 縣西四十里至無極縣。又二十里郭莊鎮。又二十里南孟鎮。又二十里趙莊鎮。

又二十里正定縣。計一百二十里。兩日可達京漢鐵路車站。東北三十里伍仁橋。三十五里。至安國。行人亦多。冰凍村爲光武渡河處。今河已改道。而土人猶附會焉。

第一百十章 深縣程國璋調查

深縣治。北緯三十度四分。偏西四十七分。

位置 京南五百五十里。東北界武強。東南界武邑。南界衡水冀縣。西南界東鹿。西北界安平。正北界饒陽。東西六十三里。南北百四十里。地一萬零七百十八頃。

沿革 春秋晉地。戰國屬趙。漢置下博縣。屬信都國。後漢屬安平國。唐初爲冀州治。貞

觀時。冀州還舊治。以下博屬深州。宋移深州來治。明省靜安入之。今改州爲縣。

地勢 紫金山在縣北五十里。平原中小邱阜耳。毫無山脈。而城北一帶。尤爲低落。城

南三十里深州故城。有宋忠臣歐陽珣衣冠墓。邱隴亦高。咸豐官兵義塚。則在城西。

水系 滹沱河當雨水多大盛漲之時。自深澤城東南小封水凍一帶。經安平南境。東

鹿北境。平漫而至。寬自十五里。至二三十里不等。一片汪洋。絕無河道。爲害甚巨。平

年則否。將來解將饒陽呂漢大河。酌量挑挖。則南北可免水患。仍宜隨時實測修葺。

物產 蜜桃特產冠於全省。香椿芽爲人民所嗜。花生之利。過於種穀。光緒十年後始

盛。農產粟有紅黃白三種。高粱有紅白黃三種。山藥二種。紅者爲糧。白者爲蔬。

實業 城內織工廠二處。規模甚小。昔年窄面布。出自女工。近爲洋布所奪。今仿高陽

織布。城西南商人。出外經商者多。農民收穫前。清明下元。集祠祭祖共食。謂之吃會。

戶口 六萬二千零四十戶。三十四萬九千八百四十八人。或號戶七萬人。四十二萬。

教育 中學在城西三里。高等小學四。在城內南街。唐鳳鎮。大李村。狼窩村。女子高等

小學及師範講習所。均在城內。國民學校三百一十。專教女子者三十。學生逾萬人。

城市 明永樂十年。舊深州城。因滹沱河決而壞。徙治吳莊。卽今治。南門甕池內。有游

公去思碑。曾文正督直。奏調游智。開牧深州。政化大行。爲吏治師。布莊日盛。

鄉鎮 共五百一十三村。合數村爲一。以應差徭。謂之官村。官村凡二百六十。有十二

鎮。曰唐鳳鎮。穆村鎮。陽台鎮。魏家橋鎮。王家井鎮。磨頭鎮。陳二莊鎮。護駕池鎮。榆科

鎮。辰時鎮。北溪村鎮。大馮營鎮。漢桃縣城。在磨頭鎮。商務以唐鳳榆科魏家橋爲最

交通 縣城東距泊鎮。西距石家莊均一百八十里。若泊石鐵路通。則交通愈便。今由

縣東經武強小範鎮。富莊爲赴泊鎮大道。任商赴天津入京。恒由此。東北由饒陽。舊

日入京大道。行旅減少。西行經東鹿舊城鎮。位伯鎮。爲赴晉縣及石家莊大道。

第一百十一章 武強縣

武強縣治北緯三十八度三分，偏西三十一分。

位置 京南五百五十里，東界交河，西界深縣，南界武邑，北界饒陽，東西五十里，南北四十二里。

沿革 漢武隧縣屬河間國。後漢曰武遂，改屬安平國。晉分武強縣均屬武邑郡。北魏移武邑郡治此。北齊廢武遂入武強。元置東武州。雖所屬屢改，而縣名不易。

地勢 武強山及無影山，皆平原之小阜，附近各縣亦皆有水無山，平原中能容廣土衆民，是以設縣較密，仍禹貢大陸澤所涸出。

水系 衡水挾滏河經武邑，納滹沱支流入本縣之東，易於泛濫，省長飭知事實測水之深淺，以時具報。昔清漳故瀆自武邑經縣，東入阜城界，于家河雁河亭子河歸之。滹沱故瀆，舊自深縣，流經縣南門外，至小範店，合於清漳，賈家溝東合於漳。

物產 五穀爲大宗，並產玻璃硝，本化學材料，惜製造不精。昔年家畜騾馬甚多，近亦減少。

實業 人民強而尙武。名副其實。昔爲鏢客。保護商旅。有西人保險之性質。業農者多。工商者少。風土調查錄。謂其靡惰。因循。鄰縣亦有不武不強之譏。鐵路通鏢業少也。戶口 二萬三千六百八十六戶。十二萬八千四百六十六人。

教育 縣立高等小學校。在城內。全縣分四學區。以百戶爲設學之數。講習已竣。師資足用。督促私塾改良。

城市 城外四面皆有古堤。高闊各數丈。昔時滹淀清漳通流。水患重則隄防益重。舊城村在今治南五里。卽因水災遷今治。

鄉鎮 小範鎮在縣東北二十五里。臨水通舟。原名小飯店。後頗繁盛。武遂故城在東北三十里。今日沙窩村。趙橋在縣東南三十里。有郵局。小營在縣東北。蒙古掠河間。

金人拒之於此。平都村在縣東。漢時平都侯邑。大鎮一。小鎮三。村莊二百五十餘。交通 擬修泊石鐵路。自泊頭交河至本縣。西經深縣晉縣藁城至石家莊。最爲直捷。今陸路赴泊二日程。水路則民船東達獻縣。卽可附小輪船赴天津。縣治至獻縣郵路六十五里。但附民船者。只至小範鎮。上游龍店鎮。護駕池。魏家橋。辛集。皆通舟。

第一百十二章 饒陽縣

饒陽縣治北緯三十八度十六分偏西三十七分。

位置 京西南五百八十里。東界武強及獻縣。南界深縣西界安平。北界肅寧。東西五十里。南北五十里。

沿革 戰國趙饒邑。漢置饒陽縣。屬涿郡。唐移深州至此。尋沒於劉黑闥。設饒州。旋復。故城在東北二十里。後所屬屢改。縣名不變。

地勢 河水淺深尺寸。關係重要。由地方官及時實測具報。水退時並預算次年要工。以便提前修葺。饒陽因在饒河之陽得名。本滹沱支流。及縣南故黃河今湮。

水系 光緒七年清河道史克寬。以滹沱北入五官沱。流紆易壅。有妨清流。乃開饒陽新引河。由朱家口至南柴塔凡三十里。歸於子牙。俗稱瀘沱新道。此道關後。上游勢

順易瀉。下游橫溢為災。青靜文大迭成澤國。所謂正流入寧。晉泊。支流入潯水也。物產 饒綢白苧著名。又有線貨均為特產。種桑養蠶者不少。農產仍以五穀中粟麥

為大宗。

實業 北方貿易原恃鑄客多出於城北。南鄉則多務農。耿尙口村產罽綱。一家相傳。專利數世。秘不示人。其業亦不發展。

戶口 三萬四千三百八十五戶。一七萬八千一百一十八人。

教育 縣立高等小學。女子小學各一。在城內。城鄉國民學校一百二十餘所。詩經臺在城東詩經村。毛萇作詩傳處也。

城市 滹沱十年前。迫近北城根。今移往城北十餘里外。舊爲魯口城。晉公孫淵叛。司馬宣王繫滹沱入派水以運糧。因築此城有魯沱之名。

鄉鎮 蕪萸城在東北四十五里。光武至此。飢甚。馮異進豆粥。隋置蕪萸縣。唐省。又有光武城在西南三十里。相傳征王郎時築。上方臺在縣西十三里。慕容垂拓拔珪所築。今程各莊耿氏以驍勇聞。而竟被匪劫。共四鎮二百零二村。

交通 水路交通。由民船下達獻縣臧家橋。可通小輪船。以至天津。上游用民船溯流。經安平深澤藁城至正定。船隻往來頗盛。惟上游水勢忽深忽淺。舟行不易。郵路北出肅寧高陽至保定。南出武邑武強衡水至冀州南宮。爲南北之通途云。

第一百十三章 安平縣

安平縣治北緯三十八度十八分。偏西四十九分。

位置 京西南五百九十里。東界饒陽。南界深縣。西界深澤。北界安國及博野。東西五十里。南北三十五里。

沿革 漢安平縣屬涿郡都尉治。隋開皇廢縣。置深州於此。亦廢。唐復置深州。移去元初置南平州於此。尋復爲安平縣。

地勢 紫荊山在縣南五里。穀邱在西南十五里。亦爲漢縣故址。大抵平原中之邱阜耳。舊有漳水。今漳水不經縣境。縣民久受滹沱泛溢之患。故祀其安平耳。

水系 滹沱河橫貫本縣境。河牀頗淺。時慮泛溢。省兵電飭知事查明河深尺寸。河流當南北二支之中。自深澤縣分自北支。東流入境。經縣城之北。北支。經縣十五里之傅各莊。南支。經縣南二十五里唐奉鎮。又分爲二支。至饒陽始合面。又分焉。

物產 安平絹素著名。農作物五穀俱備。近年多水。故改種水田。常穫稻米。樹木則楊柳榆槐蔚然成林。

實業 世界工業品。由本縣輸送歐美國。有馬尾所結西洋髻及網貨。運往天津。售之洋商。又有絲製馬尾製羅底。

戶口 二萬六千零九十九戶。十五萬九千六百九十八人。

教育 縣立國民學校一。國民學校。各村皆有。入校學生已四千三百人。僅當學齡兒童百分之十七。全境分五學區。學款按畝支配。

城市 有內外二城。內城周五里。外城周八里。外城之外。又有土堤六里有奇。城北里許。有聖姑臺。像下有一古井。相傳周時郝姓孝女。臺高數丈。廟宇猶新。

鄉鎮 郎仁鎮馬店鎮于文鎮均有集。五日一集。報子營村落較著。馬店在西北三十里。近於安國。多營藥商。于文鎮在縣西二十里。上游鐵竿鎮均臨滹沱支流之上。傳各莊鎮。在東北十五里。共四鎮。大村七十二。小村一百零八。義門村有宋碑。

交通 水道舟運順流下天津頗便。自縣東達饒陽獻縣。即可換內河小輪船公司小輪船。凡官紳自省至縣者。多乘小輪船上溯。至獻縣。換大車。以免上溯之濡滯。民船惟運貨而已。

第百十四章

大名縣李逢源調查 馮發昇記略

大名縣治北緯三十六度二十一分，偏西一度六分。

位置 京師西南一千一百二十里，東北界山東冠縣及館陶，南界南樂，西南界河南

之內黃，西北界成安，北界廣平，東西一百二十里，南北九十七里。

沿革 春秋魏大名也。漢置魏縣，高齊廢之。隋復置，後唐改貴鄉爲廣晉。後漢更廣晉

爲大名，與魏縣並稱。清乾隆併魏縣於大名，民國改府爲道，又將元城并入焉。

地勢 沙麓山在縣東四十五里，春秋沙麓崩，穀梁傳：林屬於山爲麓，沙山名也。慳山

在縣東十五里，漢王延世運土塞河處。馬陵在元城南，爲孫臏大破龐涓處。

水系 漳衛二水發源山西，經河南省河北道，流貫縣境之南，斜向東北，流入山東省。

漳水則春日乾涸，夏秋水勢暴發，兩岸禾稼每被淹沒，人民受害。衛水地勢平坦，絕

無漫溢之患，亦無乾涸之虞。自河南安陽入境，經泊集簡莊至城南，東北入山東界。

物產 農產小麥、大豆最爲重要，高粱、黍、稷收成亦多。玉蜀黍、芝麻、蕎麥間亦有之。家

畜畧備。果物蘋果及梨由京漢路運京者，歲以千噸計。縣東張家澤魚藻繁衍。

實業 原設平市官錢分局。因營業蕭條。難望發達。現已收束撤局。中國銀行設有分行。因舊日道屬各縣。所解國庫之款。由此收兌。養蠶養蜂。均獲實利。箕筐編製亦多。戶口 七萬五千九百九十五戶。四十三萬七千七百八十五人。

教育 省立第十一中學。在縣城。縣立高等小學。五校。一縣治。二舊元城。三舊魏縣。而金灘鎮李家莊兩校亦盛。全縣分三學區。國民學校生徒已在萬人上。

城市 城東興化寺。有臨濟塔。唐建天雄郡。宋號曰北京。以鎮河朔。冀南鎮守使署。規模闊壯。大名道尹公署。兼直隸黃河河務局局長。管南北岸兩分局。縣署檔房亦重。鄉鎮 大名縣城。舊在縣東南十里。乾隆移附府郭。元城本爲首縣。古之元城尙在今之城東。魏武侯封公子元食邑。魏縣鎮在縣西四十里。縣境兼有三縣。元城境沙亭。金灘鎮。銅雀驛。東館鎮。大名境。井鎮。貴鄉城。魏縣境。漳陰城。共四百餘村。

交通 東接山東朝城。王奉集。爲適中四達之地。聯絡鄰村。訂會勦協緝之約。由縣東龍王廟搭船。東北行。自衛河入運河。可至天津。沂衛河西南行。可至河南。陸路平坦。東至冠縣。西北經臨漳至磁縣。經成安至邯鄲。東南經南樂至朝城。皆有車馬通行。

第百十五章 南樂縣

南樂縣治北緯三十六度九分偏西一度一分。

位置 京西南一千一百六十里。東界山東朝城。南界清豐。西北界大名。東西七十五里。南北三十五里。

沿革 春秋衛昌。漢樂昌。縣後漢廢。北魏分魏縣置樂昌。縣永昌立昌樂郡。東魏郡縣皆廢。隋析置繁水縣。省昌樂入焉。唐復置昌樂。省繁水入焉。五代唐改南樂。後因之地勢。方山在縣北七里。舊有二土山並峙。其形正方。宋嘉祐以後。大河經縣境。蕩決不時。遂爲平陸。其地名方山村。縣境高處長處。仍以古金堤宋堤爲形勢地。

水系 大河故瀆。今由濮陽清豐北流入界者。其東西兩支合於縣之南境。經縣城之西北。至縣之東北。分流入山東境。一爲繁水。即浮水。入山東浮水故瀆。或曰縣東清水鎮。自此引河爲二也。

物產 草帽縷。牙棗。輸出甚多。號曰大莊。五穀出產以麥爲最。草帽縷即麥稈爲原料。園產玉蜀黍亦多。

實業 陳耿莊富戶。黑夜被劫。槍傷事主。農民不敢安居鄉里。五花營所以因壁壘而聚居也。苟以守望相助之義。推之於農產組合。則無薄弱渙散之慮矣。

戶口 二萬七千四百四十九戶。十八萬零九百三十四人。

教育 縣立高等小學校在城內。全境分四學區。國民學校已及三千二百人。當學齡兒童百分之十六。女生七十二人而已。

城市 風俗尙儉。城市中有古風。婦女皆著舊時妝。是以每年廟會。商人利用賤價收京津估衣。銷行市上。

鄉鎮 倉亭在縣西三十五里。有倉帝陵。及造書臺。昌意城爲黃帝少子昌意所築。又縣西三十里。有操刀留冑二營。相距六里。相傳武王伐紂。駐師於此。五花營在縣北十八里。唐時五鎮會兵於此。元村堡。韓張堡爲兩大鎮。共三百五十二村。

交通 縣城郵路東北三十五里。至龍王廟。又十八里至大名。爲陸路往來一日之程。龍王廟臨衛河。自金灘鎮下游入山東界。經運河赴津。上游河北邊馬集。河南牙里集。再上溯河南省境內楚王莊。可通道口。又郵路南六十里。通六塔鎮。

第一百十六章 清豐縣

清豐縣治北緯五十五度五十八分偏西一度六分。

位置 京西南一千二百一十里。東界山東觀城。西界河南內黃。南界濮陽。北界南樂。東西六十二里。南北二十里。

沿革 頓邱見於衛風。詩送子涉淇。至於頓邱。漢頓邱縣。唐析頓邱昌樂置今縣。因孝子張清豐而名。

地勢 鮒鱮山在縣西。一名高陽山。顓頊葬其陽。九嬪葬其陰。又有秋山。在其西北。帝嚳葬其陰。今故址已堙。見於山海經。

水系 大河故瀆。即龍窩河。又名朱龍河。昔出濮陽澶淵陂。分流入界。今由河南滑縣。經濮陽入縣者。二。一經縣東。一經縣西。縈拂如帶。確河自南樂縣西。至縣北。爲岳儒固河。又北入大名界。

物產 確河兩岸產確。其水瀉滷下墊。凡經流所至。數歲不復芻牧。確爲危險物。限制甚嚴。

實業 黃龍潭在東南三十五里。漑二十餘頃。習俗樸實。大半業農。半耕半讀。適於家庭教育。惜無人以農業新智識。巡迴講演也。

戶口 五萬七千八百四十七戶。三十萬零三千八百九十四人。

教育 縣立高等小學校。全境分四學區。滿二百家之村。必設國民學校。男生逾四千。女生不及三百。

城市 周五里有四門。西河橋在西郭外。舊城橋在縣南三里。大河橋在縣北三里。二水東支經城北。西支經西南。張孝子祠在南關。唐將軍南霽雲廟在北關。

鄉鎮 主簿寨堡在東南三十里。又許村堡在西南三十里。馬村堡在東北二十里。蓋有小城。永固鎮在縣南十八里。清豐故城在西北十八里。唐時所治。頓邱城在西南。古衛邑有蒯曠臺在其北。今仙莊集。六塔集。古城集。號三鎮。七百餘村。

交通 縣治郵路西行五十里。至河南內黃縣治。又西四十里至寶公集。乘衛河上游。通舟較便。可下達天津。上泝道口。又西七十里至河南彰德府京漢鐵路車站。交通尤便。陸行一二日。皆平坦無阻。

第一百十七章 東明縣陳恩榮黃河記

東明縣治北緯三十五度二十三分偏西一度九分

位置 本省最南孤懸河外。京南少西一千三百三十里。東界山東荷澤。南界河南蘭封。西界長垣。北界濮陽。東西六十里。南北八十五里。

沿革 漢置離狐縣屬東郡。唐屬曹州。改南華。金爲河所圯。省入寃句。尋移東明來治。明省入長垣復置。東明故城在縣東。秦時之東明鎮。漢之東昏縣也。

地勢 白雲山在東北二十里。龍光山在東南三十里。距河稍遠。地勢稍高。當河水泛溢時爲避水之重地。五霸岡在東南五十里。齊晉會盟處。或曰霸王岡。東有蒲陵岡。水系 康熙六十年河決武陟。由滑縣直注東明。蓋水高於岸。焉有不泛濫者乎。近代咸豐銅瓦廂之決。新黃河始由長垣北流。經本縣之北。入濮陽界。遂改奪淮之路。而東奪濟焉。爲黃河遷變之最著者。

物產 豆油豆餅爲大宗。魚窩垂綸。相傳爲太公釣魚處。在城南五里。黃河鯉味極甚。花生乾果牲畜出亦盛。

實業 農家夏令青苗勃起。匪徒出沒其際。綠青紗障。縣東北二十里有故漆園城。當

時多樹漆。因以得名。今其地亦名漆園村。河灘淤地。爭墾者多。

戶口 三萬一千五百六十五戶。二十三萬一千八百三十二人。

教育 縣立高等小學校在城內。國民學校原設六十六校。續設十二校。又設半日學

校十二處於城鎮。獎勵舊學。維持良俗。

城市 全省在黃河北。惟此縣治在黃河南。縣城四面皆有護城壕。及護城堤。北門堤

外臨河。近年益加高。逍遙園在城爲莊周吏隱處。

鄉鎮 警察向分十區。各設巡官巡長。全境在黃河之東南者約計十之八九。河西惟

老安鎮。西泉集。長堤在縣南。西接長垣。常村。新豐等堤。入山東荷澤界。綿亘百里。杜

聖在南有杜聖集。康王臺在縣南五十里。共四鎮。分布四鄉。管理六百餘村。

交通 黃河行舟。常冰解時。巨冰如石。奔騰下駛。小舟常於被其衝突而覆沒者。赴天

津之道。可順流至山東濼口。附津浦鐵路北上。至尋常客貨出入。則南經河南考城

至蘭儀。不過陸程二日。即可附隴海鐵路。可東達津浦。而聯京漢。

第一百十八章

濮陽縣陳恩榮調查

濮陽縣治北緯三十五度四十七分，偏西一度十七分。

位置 京南一千二百三十里，東界山東濮縣，西界河南沿縣，南界東明，北界清豐，東西一百二十里，南北一百里。

沿革 頓項之墟，夏爲昆吾國。春秋曰帝邱，爲衛國都。戰國曰濮陽，仍爲衛都。漢濮陽

縣，宋爲澶州，澶淵郡。寇準奉眞宗親征至此，金改開州。元明清仍之。民國復漢名。

地勢 城內有雞鳴山，東有金沙山，東南二里有洪洋山，衛陽山，南有翠花岡，龍泉岡，皆不甚高。古之鐵邱在縣北五里，清邱在東南七十里。

水系 同治初年開州境，王棗林村河水暴至，一日夜全村覆沒。次晨水北徙，距村二十五里。宣統元年由孟居決口，直薄開州南關，平衍十數里。幸舊會隄橫梗，開州城內得免於難。南岸爲官捨，尙稱鞏固。北岸爲民捨，橫決時見。

物產 鐵邱舊產鐵，錕鍔爲古之鐵冶，今無。鐵工惟作廚器、農器、日用品。補鍋、剗剪及舊式犁鋤、梨棗樹甚多。昔年雕刻經史子集板片，汗牛充棟。今束置高閣矣。

實業 各縣附納濮陽河工捐。現已豁除。茶莊花行雜貨莊四十餘家。代賣金丹。每月消費四百萬粒之多。現已獲案。普書坊善刻板。現因翻印上海教科書。教育部查禁。戶口 四萬七千九百六十八戶。三十五萬七千八百零七人。

教育 縣立高等小學校在城內。全縣分十學區。已設學者凡一百五十村。學款多提。自廟產。學生千七百人。

城市 今之縣治。即漢時之濮陽廢縣。古之帝邱。尚在今治西南三十里。城外西南原有西湖。周數百畝。後濶。澶水在西南。一名繁水。一名浮水。

鄉鎮 顯瑣城。昆吾臺。在縣東二十五里。隋置昆吾縣。今爲東郭城。鹹城。在東南六十里。春秋衛地。齊桓會諸侯處。臨河在西六十里。漢黎陽縣地。戚城在縣北七里。春秋衛邑。晉會盟地。德勝城。在東南五里。即古澶淵。共四鎮。一千三百餘村。

交通 黃河渡口。孟諸爲古。今俗作孟居。隄工材料車輛。時往來於隄岸。縣治居河南。滑縣之下遊。郵路可西經中召集白道口。至滑縣。以達道口鎮。由道清鐵路出入。至爲利便。大鎮如柳下屯。徐鎮。兩門。井店。四處。各有營汛。正擬置郵。

第一百十九章 長垣縣陳恩榮直隸黃河歷史及現象

長垣縣治北緯三十五度五十八分。偏西一度六分。

位置 京西南三百七十里。東北界東明。西北界河南滑縣。南界河南蘭封。東西七十里。南北六十五里。

沿革 夏季關龍逢故里。春秋衛之匡邑蒲邑。戰國梁之首垣。趙人攻之。秦更長垣。漢置長垣縣。隋改匡城。五代梁復長垣。後唐仍稱匡垣。宋諱匡改長垣後仍之。

地勢 學堂岡在縣北十里。爲至聖先師講學之地。論語子畏於匡。史記孔子自匡至蒲。緇麻岡在縣西北。金人寇汴所經之地。

水系 自宋以前長垣境內無河。金明昌五年。河流大徙。經長垣南行。合泗入淮。清順隆七年。河決荊隆口。長垣縣南廣糧集堤潰。康熙六十年。橫貫甄家莊。王家堤口。城垣幾沒。半年乃退。乾隆二十六年。衝朱家口。四十三年。溢杜勝集。

物產 長垣綢有綿綢。縐綢各種。又能織燈紗極細。京師用以製紗燈。又造杯棬。筐篋。簸箕。木羅圈。各種應用之物。農產惟豆子爲大宗。

實業 勸業所經費。請由解賸田屋費用撥充。省批仍解金庫。不得截留。又官中已廢止。請以二分留充地方公款。亦未准。工匠多巧思。黃河兩岸。三兩家卽結爲農村。

戶口 四萬八千一百零三戶。二十四萬四千一百九十四人。

教育 縣立高等小學校在城內。全縣分七學區。先撥警款額之餘。設講習所。次清理學田。仿辦學倉。以維久遠。

城市 春秋時衛邑。桓三年齊侯衛侯胥命於蒲城。九年同盟於蒲。子路爲蒲宰。見於家語。孔子三善其政。南關雙忠祠。有一片忠肝石。

鄉鎮 匡城在縣西南十五里。春秋衛邑。隋設縣。長垣故城一名鮑垣。在縣東北三十里。長羅城在縣南十里。漢縣屬陳留郡。平邱在縣西南五十里。春秋會盟地。魏樓村在縣西。緇麻岡。宛亭在縣北。陶家潭在東南。大鎮十六。大村二百。小村七百六十。交通 黃河正流。自河南省入境。北過東明濮陽。入山東界。經過省南者三縣。河運則上自河南之蘭儀口。下至山東之濼口。船隻上下甚多。但水無定性。無中流直瀉之波。偏向兩岸冲刷。有時駭浪掀翻。有時層波容與。然舟行者少。陸行車馬轉盛。

第一百二十章

邢臺縣

郭清和調查

邢臺縣治。北緯三十七度十分。偏西一度四十九分。

位置 京師西南千里。在大名道西北。東界任縣南和。南界沙河。北界內邱唐山。西界

山西和順遼縣。東西一百八十二里。南北四十二里。

沿革 殷之邢都。周初之邢國。春秋屬晉。戰國屬趙。項羽封張耳都此。晉末石勒都此。

隋置邢州。唐鉅鹿郡。後唐爲安國軍。宋設邢臺縣。元爲順德府。治邢臺。今廢府存縣。

山脈 太行十八盤山脈。分五支東迤。西山之間有川。號四山川。山地占全境三之二。

高脊曰白馬嶺。夷儀嶺在縣西。若紫金。百花石梯清城仙翁雷公風門諸山並峻。

水系 西北太和泉。下游爲牛尾河。入澧河。南有百泉。下游亦入澧河。不通舟楫。稍資

灌溉。城南七里河。城北白馬河。夏日洩山水外無利。益縣東邢家灣。地勢窪下。爲大

陸澤遺址。水大則淹。自此可通滏陽。達天津。故爲水路要埠。

物產 農產五穀藍麻。果有棗栗胡桃杏瓜。木有椿榆楊槐柏橡椀。山獸有狐兔狼狸。

家畜亦蓄。礦有煤及石灰。

實業 怡鑫製酒公司。營業發達。購入糧石極多。縣人以爲有妨民食。西鄉多設廠製造皮毛。購山陝河套生貨。加人工成裘。行銷內省。東鄉多織葦薄蘆蓆。亦成大宗。戶口 六萬三千七百一十九戶。二十四萬八千六百二十五人。

教育 省立師範中學各一。縣立師範講習所乙種商業各一。高等小學四。國民學校二百八十餘。西關最有精神。宣講閱報各一。尙未發達。中學校舍稍隘。正擬拓張。

城市 城圍十三里。共四門。外有寬濠。創自宋代。羊市街。牛市街。爲皮毛薈萃地。南關市面尤爲繁盛。皮毛業亞於張家口。中國交通銀行。均設分行。集場人貨盈集。

鄉鎮 全境七百餘村。分十三鄉。西鄉居其六。東鄉三。南北鄉各二。其鎮之著者爲黃寺。在縣西二十里。四山川宋家莊。營頭路。洛漿水。皆地方富庶。東鄉邢家灣。爲水路碼頭。河曲村。百泉村。前後樓。流珠隄。盛流岡。黑龍潭。胡沙泉。均饒水利。

交通 京漢鐵路順德大車站。今倭奴謀設順濟鐵路。由濟南而西。經臨清威縣平鄉。至順德長約五百里。蓋由山東膠濟鐵路。橫接津浦之勢力。又橫貫京漢。吸收正太。道清等路客貨以東。天津之商業。將漸移於青島。可不懼乎。伏城驛在東北。今裁。

第二百十一章 沙河縣林文忠運輸紀程

沙河縣治北緯三十六度三十九分，偏西一度四十九分。

位置 京西南一千零三十五里。北界邢臺，南界武安，東南界永年，東北界南和，西界山西和順縣。東西一百六十里，南北四十三里。

沿革 漢襄國縣地。隋開皇十六年，析龍關地置沙河，屬邢州。元明清屬順德府。今隸大名道。

地勢 太行山脈由黃澤關東迤，最高者有廣陽山、五指山，而陽山之下有溫泉。水系 沙河出山西遼縣，至油村東北，巨大沙堆，分爲二：一東過縣城入南和，一入水。年均入大陸澤。南禮河發源於縣西太行山脈中，東北經南和入大陸澤。湍急挾砂，年淤數尺。河遷無定，寬或至二十里。沙南任三縣百餘里，良田被淤，不計其數。議會咨註省長，派委勘驗，設法疏濬，其餘洛泉河、魏郭橋河、東西狼溝河，均甚細微。物產 礦產煤甚多，而質不佳。石灰石磨工作品亦粗。黑山有鐵礦，農作品五穀、菸、菓多。首蓿亦供家畜。近日試種靛青焉。

實業 成物行就地徵商稅百分之五。招商承辦。各村廟會。沿攤勒索。民怨沸騰。棉花機器甚多。有小工廠二處。營紡織彈花之業。

戶口 二萬六千二百一十九戶。十四萬一千八百五十九人。

教育 高等小學校一。全縣四學區。國民學校一百二十。風氣漸開。城鄉教育。漸有進步。學童津貼糧粒。自本縣創始。各縣多仿行焉。女學猶未興也。

城市 縣城甚小。且爲土築成者。今已頽壞。南城爲流沙所淹。城內街甚狹。欠清潔。商家惟雜貨店糧店。尙有可觀。

鄉鎮 二百七十村。最大者西有卅井度口。南有瓚善。東部有趙村。西北有洛陽。號四大鎮。商業過於縣城。戴家寨在沙河縣西一百里。形勢高峻。只通一徑。其上平原廣闊。中有一池。雖旱不涸。棊陽鎮在縣西四十里。舊有鐵冶務。共八鎮。二百七十餘村。交通 京漢鐵路經縣城西。南北交通極便。東行平原用騾車。西行山路用驢馱。驛路自冉子祠過洛河而北。行小沙中二十里。過搭連店。先行小沙七八里。又行大沙中十三里。殆至縣城。蓋不愧爲沙河矣。舊時馬瘡僕痛誠艱苦也。

第二百二十二章 南和縣

南和縣治。北緯三十七度四分。偏西一度四十九分。

位置 京西南一千零四十里。東界平鄉。西界邢臺。南界永年。北界任縣。東西五十五里。南北四十五里。

沿革 漢南和縣。屬廣平國。後漢屬鉅鹿郡。晉併入任縣。北魏復置。於縣置北廣平郡。

高齊省郡。北周置南和郡。隋廢郡。唐置和州。旋廢。元併入沙河。旋復置。

地勢 筆架山在城南。鐵牛山在東北二里。皆自太行東下之餘脈。迤東爲平原。

水系 漳河自平鄉入縣東北境。又西北合禮河。入任縣界。濃河自邢臺東入縣西會

漳河。自邢臺引興隆閘。濟民閘。水灌漑本境。又有永賴閘。均濟閘。安民閘。惠民閘。永

濟閘。波漑閘。廣漑閘。救濟閘。利民閘。邵家閘。永利閘。以上各閘。皆引百泉水。灌田數

百頃。古列葭。在縣南。入狼溝。即沙浴合而旁出者。抵水秋至。自臨城至西北不常。

物產 狼河兩岸多狼。農產多棉花。林產多棗子。有釀棗酒者。曰南和酒。棉花彈成被

褥者。曰南和絮。

實業 秋蝗捕盡。將田土翻犁以絕巢卵。春充蝻孽蠕動。民間挑溝捕打。由官收買。立即撲滅。

戶口 二萬四千四百九十八戶。十萬零八千六百三十八人。

教育 縣立高等小學校。近有唐宋文貞公祠。校後有梅花亭。亭上刻梅花賦。全縣分五學區。每百五十戶設一國民學校。

城市 縣治北有仙井。挖帶沙河。原有理財所經費。由警學款提撥。今改爲財政所之的款。北關五里有隋碑。東關有元碑。

鄉鎮 澧水橋在縣西十里。俗名土橋。跨百泉河。通濟橋在縣東三十里。張村之西。跨洛河上。宗義橋在縣南狼溝河上。一名南寒橋。縣東大趙鎮。縣西河郭鎮。善下鎮。北有楊莊。南有小北店。住戶甚繁。共四鎮一百四十八村。最大者八百戶。

交通 縣城西距邯臺縣京漢鐵路順德府車站。僅四十里。東距平鄉亦僅四十里。又東至威縣六十里。又東至清河七十里。今平鄉威縣清河之客。多道出本縣。此路即順濟鐵路之西段。倭人所窺伺。國民當自修也。

第二百三十三章 平鄉縣

平鄉縣治。北緯三十七度二分。偏西一度二十一分。

位置 京師西南一千零六十里。東界威縣。西界南和。北界鉅鹿。南界雞澤。東西五十里。南北四十六里。

沿革 古鉅鹿。項羽救趙破章邯處。秦置鉅鹿郡。縣皆治此。後漢移郡治饒陶。以鉅鹿爲屬縣。後魏景明二年。改置平鄉縣。唐置封州。宋省入鉅鹿。旋復置平鄉縣。

地勢 名曰平鄉。實係溢地。蓋大陸澤涸出之地。全境皆平。西北濱於大陸澤。占其澤東之南。東北連鉅鹿。而西北連任縣。以及正北及唐山之南。皆在此溢地。而此最平。水系 滏陽河自磁縣經永年。曲周。雞澤等縣入境。昔境內向有漳滏合流。設利民閘。自灌田。漳南徙。僅資溢洩之利。蓋滏陽東西二派。及洺河。皆自雞澤北境。作川字形。平行入境。皆北入於大陸澤。

物產 滏陽菜。即白菜。名最著。沿河產之。下游尤美。植棉試驗場。將棉種改良。以便各縣仿行。

實業 滏河在磁縣下游未有自然水利。欲鑿渠引水用以灌溉。變瘠土爲沃壤。則受上游之挹持。植棉試驗場。先熟耕土地。併請開通水利。

戶口 一萬七千七百零七戶。九萬四千二百十九人。

教育 縣立高等小學校在城內。全縣分四學區。國民學校每二百家設立一處。其佳者學生逾二百人。分甲乙丙丁四級。

城市 鉅鹿古城即今縣城。項羽救趙。諸侯軍皆作壁上觀。羽軍一以當百。聲動天地。章邯敗降。羽遂爲上將軍。

鄉鎮 沙邱臺在縣東北二十里。紂取禽獸實其中。衛靈公薨葬沙邱宮。秦始皇崩於

沙邱平臺。今平臺在縣南五里。南有棘原。即章邯所軍處。平鄉城在東南二十里。晉

分鉅鹿所置尋廢。縣東有常河鎮。高阜鎮。節固鎮。皆前明築堡。今以四鎮八橋並著。

交通 水路乘滏陽河船。上溯曲周雜澤。下達大陸澤。陸路西赴邢台縣治京漢鐵路

車站。凡八十里。東由威縣清河赴山東。爲順濟鐵路將來路線。東北至鉅鹿南宮。亦

通郵路。

第二百二十四章 廣宗縣

廣宗縣治。北緯三十七度九分。偏西一度九分。

位置 京西南一千零三十里。東界威縣。西界鉅鹿。北界南宮。南界山東邱縣。東西三十五里。南北一百里。

沿革 漢鉅鹿堂陽地。後漢置廣宗縣。分堂陽置經縣。北魏併入南宮。復置西經縣。北齊省隋以後爲平鄉地。元始分平鄉置廣宗縣。

地勢 城東北有沙邱。爲河底流沙。經風吹拂。積久而成也。今名平台村。即沙邱臺。相傳殷紂所築。趙武靈王因作沙邱宮。秦始皇東巡崩於此。

水系 老漳河支流。自縣東邱縣之城西。北流入本省本縣之城北。又北流入鉅鹿縣界漳水故津。爲薄洛津戰國策所謂河澶洛之水是也。宋時河決宗城。大河嘗挾漳而北注。張甲河故道。自清河入縣東。經鞏縣合於枯漆河。今埋。

物產 桑林在經城西南。其土宜桑。線帶棉布輸出鄰省者多。穀類以粟麥爲大宗。果類以棗梨爲大宗。

實業 俗尚耕織，民皆勤儉，擔負國家地方重稅，不與身家以外之事。昔年蔽塞，今日趨於開明。田賦照額完全，在三萬以上，可見良民納稅之踴躍也。

戶口 一萬八千八百三十三戶，九萬零一百六十二人。

教育 縣立高等小學校在城內，全縣分三學區，干涉私塾，已無存餘。國民學校學生已三千人，學齡兒童失學者尚居五分之三焉。

城市 後漢置廣宗縣，即今治。皇甫嵩曾大破黃巾於此。縣北洗馬潭爲光武洗馬處。距城八里。潘井在縣東一里，爲宋潘美飲馬處。

鄉鎮 經城故城，一在縣東二十里，後漢分堂邑所置也。一在縣東南，隋分經城置府城廢縣也。上白城在縣南，爲石勒用兵處。建始城在縣西南，亦後趙所立。界橋在縣東。三國時公孫瓚袁紹戰爭地也。孝路堡在縣南，版台堡在縣北，均有小城。

交通 縣治西距邢台京漢鐵路順德府車站，凡一百二十里。郵路須紆道威縣平鄉，則須行一百五十里。或東出清河，由運河之油坊鎮北行，舟運亦便。東北赴南宮者，行旅甚繁。

第二百十五章 鉅鹿縣

鉅鹿縣治北緯三十七度十六分。偏西一度十九分。

位置 京西南八百八十里。東界廣宗。西界隆平。南界平鄉。北界新河。東西五十里。南北六十八里。

沿革 漢南樂縣。屬鉅鹿郡。晉省石趙復置。北魏併入柏人。又置南樂。北齊廢。隋初復置南樂。改曰鉅鹿。以後縣名不變。

地勢 大陸澤之東。涸出大陸地。或稱爲鉅陸。昔爲廣河澤。二百年前在縣北五里。今次第涸退。距縣北五十里矣。

水系 正統間知縣曲廉。因縣東濱漳水。田被淹沒。民多流亡。先決其流。次築隄障之。水既涸。躬率墾闢。樹以桑棗。歲大豐稔。今老漳河自廣宗縣城北北流入境。經本縣之東。北入新河縣界。今老漳河小漳河皆枯竭爲良田。昔資以灌溉者瘠矣。

物產 鉅鹿因動物得名。中原逐鹿。絕跡久矣。昔鉅鹿澤。富有葭葦魚蟹之利。又有鹽泉。煮而成鹽。百姓資之。農產五穀棉花。近歲歉收。

實業 地多沙壤。鑿井不易。西導滏河之水。西南引用平鄉小河。引溜灌田。在舊洞修

閘。引至東南。蓋城西一堤。潦時賴以防水。旱時則穿堤灌田。以爲常云。

戶口 二萬九千一百一十二戶。十三萬六千四百三十九人。

教育 縣立高等小學校在城內。城鄉國民各校。入學者逾三千人。比較學齡兒童。不過三分之一。

城市 飢饉薦臻。市上糧價騰貴。民不聊生。向大戶搶食。不取錢物。名曰老吃。又呈請

縣官發給飢民護照。各帶家眷。出境謀食。向山者居多。掘土者發現宋磁甚貴。

鄉鎮 昔年分十七社。三總。二百七十六村。近代商業。各鄉原有四鎮。八小集。交易畧

有歸宿。今三五家村莊有糧市。十數家村莊有花行。買賣無多。轉形渙散。退職區董

聚賭。南樂城在縣北。白起城在縣西南。舊跡荒涼。圍城在東北四十里。市况頗盛。

交通 由縣治至隆平有郵路二。北路由柳茂村。小寨。牛家橋。南路由邢家灣。魏家莊。

陳莊。皆向西北。自隆平經唐山達內邱。京漢鐵路車站。惟郵路紆曲。若陸路直達。不

經隆平唐山兩縣城。而路更直捷。

第二百十六章 唐山縣

唐山縣治北緯三十七度二十三分。偏西一度三十七分。

位置 東界隆平。西界內邱。南界任縣。北界柏鄉。東西八十五里。南北四十三里。距邢臺東北八十五里。

沿革 堯始封地。春秋晉柏人邑。漢置柏人縣。後魏改人曰仁。唐置東龍州。天寶改堯山。宋省入內邱。金改唐山。元明清因之。

山脈 堯山在西北八里。于言山在西北五里。詩云。飲餞于言。即此。宣霧山一名虛無山。高一千五百丈。北有夫子山。聖裔居之。東北有茅山。一名旄山。東南鄉迤爲平原。水系 城北三里許。有砥水。源出臨城。東經由隆平縣境。入寧晉泊。城南二十五里有柳林河。源出內邱。東流入大陸澤。二水冬枯夏溢。漲沒禾稼。砥水岸變爲沙礫。柳林河岸變爲城。土禾稼不生。

物產 茅山之茅三脊有刺。宣務山夫子山並產文石。平原中豆麥小米高粱並盛。花生棉花亦多。

實業 堯山之民。伐石燒灰。多石灰窯。于言山等處皆然。有陶唐之遺風。城鄉亦有織布工廠。但時作時輟。或家庭農隙爲之。民俗務農。沙汛後每廢爲石田。

戶口 一萬六千九百九十五戶。七萬七千九百二十三人。

教育 縣立高等小學附國民學校一。女子國民學校一。在城內。全縣學生不過千人。共分四學區。小學教員之賢者。能盡心於校外教育。

城市 環城四五里。皆沙礫之地。可耕者少。城居者無附郭良田。鄉人又不便上市。商務蕭條。僅雜貨舖飯舖耳。

鄉鎮 南樓村在城南十五里。東通內邱。任縣邢家窩爲南北孔道。南汪店在城南二十五里。亦行人所息。又松村公子村均在城之東南。雙碑在縣之東北。宣務柵則在堯山之東南。女兒橋在西南六十里。馬河橋在縣西六里。共四鎮九十二村。

交通 轎車四輪車。行於近處。縣二十五里至金堤店。又十二里至內邱。縣京漢鐵路車站。三十七里之間。車馬尤多。東距隆平縣治纔十二里。亦以此爲出入之門戶。縣名與唐山煤礦同。是以郵政必書縣字。

第二百二十七章 內邱縣林文忠復輶紀程

內邱縣治。北緯三十七度二十分。偏西一度四十一分。

位置 京西南九百四十里。西界山西樂平。東界唐山。南界邢臺。北界臨城。東西二百五里。南北六十五里。

沿革 漢置中邱縣。晉省入柏人。北魏復置。隋開皇中避諱改內邱。後州郡改而縣迄今不改。隋所諱者爲忠字。乃并中字而諱之。常用之字。易觸忌者多矣。

地勢 內邱以南多沙地。然遠山疊翠。林木葱茂。泉清草香。西望天臺山。九仙洞。十八盤山。青山。黑山。攪山。孤山。且停山。鶴度嶺。龍駒嶺。爲大行一大支。

水系 小馬河出內邱之西。鵲山之下。橫貫縣境。自西而東。流入唐山縣境之南。又東南入於大陸澤。張耳溝在內邱西二十里。稍東爲揚武川。相傳張耳揚兵於此。泚水自任縣入界。折東南入南和境。又沙溝出龍騰山。合於泚水。又礪水出攪山。入沙溝。物產 稻田有南中風致。鵲山爲扁鵲采藥之地。白銀山出雲母石。礪水可以礪刃劍。木材亦有木稅。

實業 土布甚多，民勤於織，山西商人來縣設莊收買，運銷河曲，爲出塞貨物第一大宗。蒙人純樸，不尙文采，而以耐久爲尙，山西人謂之東布。

戶口 二萬五千四百零四戶，十一萬一千五百二十二口。

教育 縣立高等小學校在城內，全縣分八學區，村莊一百戶以上，山鄉二百戶以上，必設一國民學校。

城市 城內寥落如荒村，今鐵路所經，稍爲繁盛，木行牙紀，招商投標，無人承充，不易辦理。城東有漢郭巨埋兒獲金處。

鄉鎮 青山口隋人會置青山縣，在縣西二十四里，中邱故城則在縣東，全境著名要

鎮首推金堤堡，在縣東十里，官莊堡在縣東南，田村堡在縣北，清修堡在縣西北，皆有小城，爲保聚之所，梁原店在縣南百里，金堤官莊詣仁柳河共四鎮，三百餘村。

交通 京漢鐵路所經，北出臨城，南向順德，鐵路以東，唐山陰平鉅鹿等縣，由此出入，鐵路以西，西北既有臨城礦，爲山內樞紐，西南胡里黃寺，以及宋家莊將軍墓，漿水

路羅鎮由馬河以紆迴於順德焉。

第二百二十八章 任 縣王廷祉說滏陽河

任縣治北緯三十七度十一分。偏西一度四十九分。

位置 京西南九百六十五里。東界平鄉。西界邢臺。南界南和。北界隆平。東西四十五里。南北五十里。

沿革 春秋爲晉邑。漢屬任縣。屬廣平國。北齊廢。隋復置。大業又廢。入南和。唐復置。後仍之。漢張縣并置。今爲諸鄉。

地勢 龍岡在縣南廿里。禮河又爲劉累。百泉。抵沙槐午等河尾閘。近代關帝廟十字河淤。高滏河東橫。故沿河萬頃。十年九澇。奔流從太行東麓下。水患又由於山峻也。水系 南自磁縣北迄蒼皇。數百里內。奔流悉趣禮河。更加滏河之水。由雞爪河倒灌。潰決氾濫。任縣及隆平寧晉三縣。淪爲澤國。今擬開濬滏河下游。俾易宣洩。高築雞爪石閘。以防其反灌。方能救濟。百泉河會牛尾河。自刑臺至縣東南。入於大陸澤。物產 林業創於清末。資本三千。歷年保護尙未成料。今竟售價二千。橫被摧殘。工藝品惟織布編席造紙作爆。惟布遠銷山西忻代。果有薰棗運津。利倍於生棗。

實業 農人引滏陽并牛尾百泉之水。置閘疏分。邑田萬畝。皆藉其利。但百餘村農家。偷滿稅契。縣署查明邢家灣。鄭家莊。新市。張村。王村。環水村。嶺南莊。馬河橋。多罰辦。戶口 二萬二千一百零九戶。十一萬七千零一十四人。

教育 縣立高等小學校。畢業生。多就師範講習所。爲鄉學教員。全縣分四區。平均每二百四十戶。設學一所。

城市 春秋鄭羽頡奔晉。爲任大夫。故城在縣東南。今縣新遭匪劫。土匪敢於白晝攻城。搶掠商家。居民受害甚巨。縣署則司法曖昧。上訴蜂起。

鄉鎮 蝗蟲飛動之時。大豆村夜執火把。引蝗至趙村。以鄰爲壑。遂致械鬥。北鄉邢家灣有警局。而平鄉來匪。竟敢奪取警兵槍枝。劫鎮市商民萬餘元。新市在縣東三十里。昔屬鉅鹿。金改任縣。市况頗盛。東北爲苑鄉。西南爲渚鄉。共一百四十二村。

交通 滏陽河至縣境。雞爪河挾聖河百泉諸水來會。經舊寧晉泊。北滙胡蘆子牙之水。總名下西河。今鹽務有西河督銷局。實兼滏河流域而言。縣治西南四十里。卽達京漢鐵路順德車站。爲出入門戶。游匪肆劫。每向平鄉界逃去。

第二百二十九章

永年縣

武茂緒調查 杜建章弔冉子墓  
孟玉江釣魚記 申立禮風土記

王青樵過毛遂墓  
彭青廉呂公堂記

永年縣治。北緯三十六度三十四分。偏西一度三十五分。

位置 京師西南九百五十里。東界曲周。西界河南武安。南界成安。北界南樂。東西九

十五里。南北七十二里。

沿革 春秋晉荀林父敗赤狄於曲梁。漢曲梁縣。爲侯邑。北魏爲廣平郡治。北齊省入

廣平縣。隋復置。避場帝諱。改曰永年。仍爲洛州治。元廣平路。明清廣平府皆治此。

山脈 太行支脈。縱立縣西。爲本縣與河南武安之界。山境內有聰山。嶺山。朱山。亦太

行之餘脈。

水系 滏陽發源於磁縣。經邯鄲東北流。入境至城西南分二派。一繞城東。又北折。一

由城西向東北流。均入曲周界。沿岸居民。引水灌田。洛河有南北二源。俱出武安。東

北流至聰山。合流而東。經城北。入曲周境。又經大陸寧晉二泊與滏陽合。

物產 特產有孩兒魚。近城土含鹽質。居民多取以熬鹽。亦爲特產。其餘農產家畜俱

備。棉花二麥。尤爲衣食大宗。冉子墓旁松柏成林。百餘株並古。清輝書院有蓮亭。

實業 工廠一所專織布疋以供本地人民之用。城內商號日漸增多。貿易額亦比昔年加倍。富人外飾儉素。以炫耀爲恥。農務耕讀。守法納稅。故水旱兵燹。受禍獨淺。

戶口 四萬四千一百五十八戶。二十六萬九千四百九十八人。

教育 省立第十三中學。原在東北關。因水災移於城內。學生四級組。有國慶新聞縣立高等小學二。城鄉國民學校二百一十餘所。冉子祠附高等小學。足資人文模範。城市 城周十里。街道不平。溝渠污穢。惟南街東街。市況尙稱繁盛。城西南隅有毛遂墓。神仙巷爲其故里。其公共遊覽之處。有城南公園。城西李園。西北之谷園。

城鎮 全境分五區共三百七十餘村。鄉鎮之繁盛者。臨洛關在縣西北。水陸輻輳。沿村鎮。在縣西南。商肆亦多。又瓜井村有冉子祠堂。西北三十里淤泥河岸。有尉遲敬德釣魚臺。城南呂公堂。號蓬萊仙境。西南廣仁八閘。東南利仁二閘。皆引溢水灌田。交通 京漢鐵路臨洛關車站。爲本縣出入要道。距城四十五里。又有船上達磁縣。下達天津。道路平坦。乘驛車南可至邯鄲。北可至鷄澤。東可至曲周。西北可至臨洛關。有擬先修由臨洛關至縣城馬路者。

第三百十章

曲周縣劉德後風土紀略

陳好文筆記

李連靈路公祠記

曲周縣治北緯三十六度五十二分。偏西一度二十三分。

位置 京師西南九百一十里。東界與山東邱縣。犬牙相錯。西界永年。南界肥鄉。北界雞澤。東西五十餘里。南北五十里。

沿革 漢商帝封鄆商爲曲周侯邑。武帝置曲周縣。晉省。北魏置曲安縣。北齊省。隋復置併入洛水。唐復置。宋省爲鎮。入雞澤。元復置者。再。明清因之。

地勢 西北肥沃。東部次之。且山東界上多插花地。彼此出入。經界不正。吏胥藉以爲姦。盜賊縱橫竄擾。

水系 滏陽河自磁縣東北流經永年。分東西二派均北流入境。如平行線。其曲處亦如圓周之弧形。故又名曲周河。或曰東派經縣境之東。西派經縣境之西。縈迴如帶。北經南新莊。北新莊。吳官營。西北入雞澤界。阿難渠已枯竭。

物產 農產以穀爲大宗。芝蔴可以製油。棉花可以織布。衣食有資。但孳生多而民食未足也。

實業 平原之民多務農。春耕夏耘。秋收冬藏。墨守舊法。未能改良土壤。縱有調節之雨量。收穫不豐。旱而求雨。徒知迎神報賽。俗尙勤儉。而或以賭敗。

戶口 三萬九千九百七十一戶。十九萬五千四百一十八人。

教育 高等小學三男二女一。國民學校二百。女校亦二十餘所。以民國初元爲盛。以後或減或停。難言進步。駱莊國民學校教員。猶被匪擄。何時化驕悍以迴民俗乎。

城市 李忠愍公若水。路公振飛。祠堂尙在。不僅爲宋明忠臣。亦漢族正氣所寄。此縣號爲難治。然得一循良。萑苻即斂。田賦照額徵完全三萬元以上。亦見民力之紓。

鄉鎮 四鎮二十四社。五十九村。東鄉强悍。睚眦必報。盜賊遍野。香城固堡在縣東六十里。距山東邱縣只三十五里。鉅橋在縣西。商紆之倉也。馬羅堡即元之安仁鎮。大寨在東北百里。接清河界。大日寨接山東臨清界。侯村堡接山東邱縣界。

交通 溢水春漲。可上溯至磁縣。順流而下。可至天津。僅容帆船上下。載重不多。陸之運轉。比水路尤艱。百里之程。有行數日者。蓋大車載重。轍深易陷。一車止則前後路車。或阻遏不能行。船商運貨。往來不便。有時可向磁縣民人買水。所洩無多不及遠。

第三百二十一章 肥鄉縣 劉樹銓筆記

肥鄉縣治。北緯三十六度三十九分。偏西一度三十六分。

位置 京西南九百九十里。東南界廣平。西界邯鄲。西北界永年。南界成安。東西四十

里。南北四十七里。舊說肥鄉在廣平府廣平縣中間。

沿革 戰國趙之肥邑。及列人邑。漢置列人縣。又置邯鄲侯國。三國魏分置肥鄉縣。東

魏併肥鄉入臨漳。高齊省列人。隋開皇復置肥鄉縣。

地勢 浮邱山在縣南四里。天台山在西南十五里。山子邱在縣東四十里。皆古堤斷

址。地質則礫礫。名肥而實不肥云。

水系 滏陽河東南一支。出成安縣者。自河灘裏入界。東北流經縣治。又東北至長橋

之東。北漳堡南中堡。二水合流。經長橋來會。至塔子橋之東。曾於曲周。溢陽河之東

幹。若昔之漳水。由廣平流入曲周。今已改道。白渠自成安入漳者。亦埋。改名成安河。

物產 農產以棉花小麥為兩大宗。棉花長絨而橢圓。號曰肥棉。麥圓滿而皮薄。謂之

肥麥。

實業

苗圃早經成立。土質礮薄。泉源不足。地底多沙。鑿井不便。商會禁販金丹。勸辦

新式布廠。家無惰子。田園修整。冠茅蒲。衣襪。沾體塗足。婦女機杼。亦中夜不輟。

戶口 二萬零六百零三戶。十二萬一千零二十三人。

教育 俗尚勤儉。士習詩書。縣立高等小學校。在城內。全縣分六學區。百家之村。設國

民學校。一。二百家設兩校。不知合力添班。私塾。只二十處。已改用教科書。

城市 縣署收支處改組財政所。又改建新式法庭。觀瞻頗壯。所有案件。隨到隨判。有

一日出庭數次者。財政所組織成立。各區長翕服。

鄉鎮 辛安鎮在縣西鄉。地方繁盛。匪患常多。翟固鎮在縣東鄉八里。前後新寨在縣

東三十里。又有舊店營在縣東十八里。有城。康熙中曾寄治於此。又南陽堡在縣東

三十五里。毛演堡在縣東十八里。小營村距城三十里。共八鎮村莊三百六十。

交通 縣治西距邯鄲縣京漢鐵路車站六十里。沿途辛安鎮南中堡張家橋。皆有店。

以備車馬之膏秣。自縣治至永年縣三十五里。為昔年縣城赴府縣要道。今雖無府

考。縣立高等小學畢業生。亦由此路。升省立中學。云北高村連獲巨匪。以安行旅。

第三百三十二章

雞澤縣程步瀛會盟臺志

雞澤縣治北緯三十七度偏西一度二十七分。

位置 西南八百九十里。東界威縣。西南界永年。東北界平鄉。西北界南和。東西六十五里。南北四十一里。

沿革 春秋魯襄公三年。諸侯會盟於雞澤。今縣東有會盟臺。而澤已劃入永年境。漢廣平縣。北魏改爲雞澤。隋大業省。唐武德四年復置雞澤縣。後仍之。

地勢 鳳起山在縣治後。中峯鼎峙。林木蔭郁。今僅存坯山。去太行之麓。已二百餘里。不相聯屬。

水系 滏陽河自由曲周來。兩派北流。東派出縣城之東。西派出縣城之西。又有洺河自永年入界。與滏陽河西派平行。三川縱貫。得天然之渠利。又北流。俱入於平鄉縣界。入大陸澤。普通河爲沙河別支。自沙河縣東流入界。折北入滏陽河。

物產 滏河菜即白菜。最有名。農產有棉花穀麥等物。農家副產養雞尤蕃。雞卵販運出洋。亦爲大宗。

實業 儉樸務農。家有倉廩。往往粟支數年。雖偶值凶荒。亦有恃而不飢。富而好禮者。

且開倉以平糶。其延師雇工。多有以粟米爲貨幣者。

戶口 一萬二千九百三十三戶。六萬五千七百六十一人。

教育 縣立高等小學校在城內。全縣分六學區。滿二百戶之村。必設國民學校一所。

按年強迫。不入學者。罰納糧粒。

城市 縣城西距滏陽河。即洛河下游八里。有通濟橋。城內市集。不甚發達。農人戒子。

弟不入城。因茶坊酒肆不免消耗也。

鄉鎮 舊城營北里許。大書古會盟臺。王人在諸侯上也。浮圖店在縣西十八里。有城。

周三里。小寨鎮在城南十八里。亦有堡。周四里。普樂城在縣東南十里。唐初置縣。寶。

建德所建也。吳官營北莊。浮圖店小寨。號爲四鎮。共一百零八村。

交通 縣治西北。距京漢鐵路順德府車站。郵路九十五里。陸路之過八十里。爲出入。

之門戶。西赴沙河縣。不過七十里。上下火車尤便。但不如順德可附快車也。小寨郵。

路達曲周。

第三百三十三章 廣平縣

廣平縣治北緯三十六度三十四分。偏西一度二十二分。

位置 京西南一千里。東北界山東館陶。東南界大名。西界成安。北界肥鄉。東西四十里。南北三十五里。

沿革 漢魏郡魏縣地。金大定七年始分置廣平縣。屬洺州。元屬廣平路。明清屬廣平府。與府同名而不同城。俗曰小廣平。今府廢縣存。

地勢 轆轤山在縣南三里。紫荆山在東北三十里。又墩子山在縣西北半里。均無林。巒泉石之勝。東南黃金堤。萬家堤。皆爲漳河濱保障。

水系 漳水自成安漳河店。又東至廣平縣西南境。分爲二派。一東北流爲老漳河。一東流爲漳河。老漳河經縣東南。又東北經肥鄉縣東。入山東界。漳河東經大名。又東北入山東冠縣西境。與南來衛水合。是爲漳衛合流。

物產 古號鵝城。產鵝。今養鵝者惟濱水人家。農產惟棉花爲輸出大宗。曾試種美棉。漸次改良。

實業 人多業農。女勤紡織。外莊地畝。差徭較重。農民受國。多終身不著洋布。不吸煙捲者。老成厚重。葆我國民元氣。非空談實業所能企也。

戶口 一萬一千三百三十七戶。五萬九千二百五十八人。

教育 縣立高等小學校在城內。師範講習所已畢業。全縣分四學區。每二百戶。必設一國民學校。

城市 縣志金石有景明寺碑。及征西將軍鐵印。王夫人殿鐵鼎三種。自康熙開遭水患。皆淹沒無存。

鄉鎮 平固堡在縣東二十里。近於山東東韓村。在縣東十八里。有城堡。又孟固堡在縣西十里。焦家堡在西北三里。王村集爲南鄉最繁庶之市集。他如縣東薛家莊。在固潘集。亦族居最盛之地。共四鎮一百四十二村。

交通 縣西距京漢鐵路邯鄲車站八十五里。中經成安縣治之爲中尖。爲官紳出入之門戶。縣南郵路二十里。至王村集。又四十五里。至大名。東南三十五里。楊家橋。附近西河岩。樂善堂。張洞皆有郵櫃。

第三百二十四章 邯鄲縣

邯鄲縣治。北緯三十六度五十二分。偏西一度四十五分。

位置 京師西南一千里。西界河南武安。東界肥鄉。南界磁縣。北界永年。東西六十五里。南北五十里。

沿革 春秋屬衛。後屬晉。三家分晉。爲趙都。秦滅趙。邯鄲爲縣。漢高改趙國。邯鄲屬焉。建安國廢。屬魏郡。三國魏屬廣平郡。東魏併入臨漳。隋開皇復置。

地勢 邯鄲山在縣東。邯鄲水出焉。歲久山移。水絕。馬服山在西北。嘗見紫氣。遂稱紫山。靈山在縣西。趙武靈王所登。雙岡在西北。一名盧家疇。葛山之葛。藟尤勝。

水系 滏陽河自磁縣發源。北流入縣界。經二十里鋪。十里鋪。自縣城之東北。有小水。自河南武安來。會又東北。流入永年界。洛河南北二源。均出武安。夾域東流入本縣界。經臨洛關之北。入永年境。北關有學步橋。取學步邯鄲之意。

物產 黃粱爲農產。普通食物。孟子以膏粱與文繡并舉。今俗作高粱。紅色者。或作紅糧。高粱米可煮飯。味亞於稻。故稻粱并舉。且可釀酒。棉花花生。煤炸礮礮。均爲大宗。

實業 市橋在縣城西門外。相傳戰國時趙王建。下有鐵牛鐵柱。商旅輳集其上。溢河流域肥沃宜農。漳河故道遷移。盡成沙漠。工商業則油坊最盛。

戶口 一萬五千七百十八戶。十六萬八千五百八十九人。

教育 縣立高等小學校在城內。全縣分四學區。師資缺乏。尙擬續辦師範講習所。國民學校生徒已三千六百人。

城市 邯鄲觀在城北。即盧生入夢處。呂仙乩題蓬萊仙境。又聯云。黃梁富貴本空虛。須識個中人。閒適未容長睡去。白鶴神仙不點化。無如夢中客。酣甜不肯即醒來。

鄉鎮 古邯鄲在今西南二十里。爲秦始皇所生處。劍池在東南二十里。爲樂毅磨劍處。照眉池在縣西十里。趙宮人照眉處。酒務泉在縣西十里。趙王釀酒處。河沙堡在東南二十里。王化堡在縣北二十里。共二鎮。三堡。四集。二百二十五村。

交通 京漢鐵路車站。在縣城東二里許。東南郵路。通成安大名。皆至此上下。西北郵路六十里。達河南武安。是以武安冠蓋。亦於此上下。途中經牛叫河。戶村。皆居衝要。東北郵路。又永年曲周所必由。

第三百三十五章

成安縣于駿聲風俗今昔比較 耿肇麟調查

成安縣治北緯三十六度二十一分。偏西一度二十一分。

位置 京師西南一千零一十里。南界河南臨漳。東界大名。西界磁縣。北界肥鄉。西北

界邯鄲。東西四十里。南北五十里。

沿革 春秋乾侯。漢斥邱縣。東魏併入臨漳。北齊改置成安縣。唐復改斥邱。五代唐復

改成安。元併入滏陽。復置。明清因之。

地勢 平原廣闊。漢以斥邱爲縣名。在漢時地多斥鹵。猶有邱陵。斥邱小阜。在舊縣西

南。今治東南。

水系 漳水自河南南臨漳縣城北東流。至本縣西南界。又東北流。經本縣之東南。由漳

河店出界。入廣平境。昔漳水北流入滏。今已南徙。白渠亦堙。故道有一水經肥鄉。曲

周入滏陽河。因改名成安河。

物產 五穀棉花。爲衣食兩大宗。五穀中稻最少。麥最多。粱次之。黍稷馨香。古人用爲

祭品。早時多種之。太遲則種蕎麥。

實業 勸業所經費。各窰戶歲捐二十元。演戲每臺加捐十吊。絕產亦歸公有。設立草帽傳習所。

戶口 一萬六千四百二十二。九萬一千三百零九人。

教育 縣立高等小學一。女學一。城鄉國民學校八十餘所。全縣分五學區。學款隨糧帶徵。

城市 俗尚奢靡。貧人衣食。任比於昔之富人。遊民入市。吠畝就荒。賭博風行。盜賊蜂起。昔年廟宇。多改學校警區。迷信既除。小人無忌憚。

鄉鎮 全縣村莊一百零八。共分四鎮。閻村鎮。在東北十八里。有唐時天寶塔。在霧觀寺。郭方堡。在縣東二十里。鄭家莊。在縣東南二十里。北漳堡。在縣西北十三里。地當衝要。漳河店。在東二十里。縣境漳河。村莊凡十三堡。十四莊。十疇。四店。九營。一寨。

交通 道路平坦。車馬易於馳驅。自縣治經西北之北漳堡。河沙鎮。張莊橋。至邯鄲縣。京漢鐵路車站。只六十五里。陸路一日可達。東南郵路。漳河店。勝家營。魏縣鎮。爲大名道出入之衝途。

第三百三十六章

威

縣 孫英傑隱園銷夏記  
董壽臣任園旅行記

李泰茂春日旅行  
范德庸公園游記

劉金堉筆記

威縣治。北緯三十七度四分。偏西一度二分。

位置 京西南八百四十里。東界山東臨清。南界山東邱縣。西界平鄉。北界南宮。東西

七十里。南北九十里。

沿革 漢斥章縣治。北魏併入列人。隋改置洛水縣於今治。元自井陘移威州來治。至

正甲省洛水入威州。明初降為威縣。清以後仍之。

地勢 任園地廣二十畝。聚土為山。賀家營公園亦有土山。田氏園林。假山土邱。篠簋

雜植。風景亦盛。官陵在西北高六丈。上有漢廣宗王廟。

水系 老漳河自山東邱縣。南分為兩岐。一經城東。一經城西。經城東者。東北流入本

縣南境。與南運河作平行之勢。東北入流清河縣界。漳河故道。自曲周入界東北赴

廣宗者。久已枯涸。洛水昔日入漳。今漳南徙。洛水北入滏。不經本縣境也。

物產 麥隴翻新。菜苗蘘綠。柳絮草茵。鳥獸得所。竹林亦茂。農產則以綿花為第一大

宗。

實業 民習淳美。務農力學。近年在農科大學專門畢業者。回籍服務。不能增田畝之收入。經驗之深。勤苦之役。不如老農。鄉民對於實業教育。信仰墮盡。學者可不懼乎。戶口 二萬四千九百一十九戶。十六萬零七十五人。

教育 縣立高等小學校。在城內。全縣分三學區。百戶以上之村。必設一國民學校。學款隨糧帶徵不足。再於田房抽用二分。以充學款。

城市 隱園消夏。有涼亭水閣假山之勝。舊志謂衣冠禮儀。爲鄰邑首稱。蓋城居者衣冠有章。禮儀必備。尤吾國文弱之舊習也。

鄉鎮 陳賢塔村。有田氏園林。邵固堡在縣東五十里。南接山東界。東北近於清河。宋崇寧中嘗移廣宗縣治此。又七級堡在北北七十里。近接南宮。縣東方家營。縣北之李槐。皆當衝要。東百有章華堡。趙家莊。南有張葛村。共三百二十村。

交通 縣西陸程一北四十里。至京漢鐵路順德車站。凡兩日程。以平鄉縣爲第一宿站。縣東南四十里。至下堡寺。入山東界。又四十里至臨清。可乘船由衛河。下達天津。縣東北雪蓆鎮有山東省插花地焉。

第三百三十七章

清河縣

王樹棧清邑風俗今昔比較 趙雲祥千佛閣記 趙倅麓隆興寺碑文辨誤 張桐珍風土記略

清河縣治北緯三十七度九分偏西四十九分

位置 京西南七百里東界山東夏津南界山東臨清西界廣宗北界南宮東西五十里南北三十里

沿革 春秋齊地戰國屬趙有東武城秦屬鉅鹿郡漢分清河郡後漢為清河國皆治

清陽縣漢末移國治甘陵省清陽信陽入之隋復置唐置貝州縣名自金以來沿之

地勢 白虎岡在西南二里平原中之邱阜壤接山東地多斥鹵城南望楊家莊沙邱

高水山積隆興寺假山五峯竝立玲瓏特奇城南里許沙地甘頃不能樹藝

水系 老漳河自威縣東北流至本縣之北董家廟旁又東流至紙坊頭頭又東入故

縣界衛河自山東臨清縣會運河為清河北流繞本縣之東境或出或入本縣之名

清河以此又北仍入臨清境每五日呈報河水漲落一次

物產 蓮花池在縣東成產菱藕魚蟹農產官稻大宗仍以棉花麥子落花生為輸出

大宗

實業 民人有私立市集。擅收稅捐者。棉絨各捐。則收爲推廣高等小學之用。人民全力在務農。風氣儉樸。友尚信。商人亦有管鮑之風。財多窖藏。女子纏足。勤針黹。

戶口 二萬一千零八十七戶。十四萬六千二百三十九人。

教育 士習禮讓。人知自愛。縣立高等小學校。最整飭。王官莊私立國民學校。亦著名。全縣分三區。百戶之村。必設國民學校一所。改畝捐爲隨糧代徵。

城市 民性骨鯁。不肯受屈。不懼勢力。不惜產業。以割晰是非。辨明曲直。善用之。則干城之選。無市井之習。西關隆興寺。有宋太祖碑。

鄉鎮 隆興寺在縣西南。定光佛塔。相傳宋太祖微時臥其下。塔隨日轉以蔭之。太祖寤去塔乃崩焉。西南五里有千佛閣。在菜園村。亦名二郎祠。謝爐集在東南十二里。城堡整齊。商民繁庶。連塚集在東北。與之相等。小鎮八。大小三百三十餘村。

交通 當運河之西。淺水民船。得以上溯。攬載。交通便利。商業因以發達。油坊鎮當兩省交界。舳艫雲集。自縣治東南十二里。至謝爐集。又二十八里。至油坊鎮。一路車馬絡繹。縣西常家屯等處。爲山東插花地。

第三百三十八章

磁

縣 李澤棠風土記 王永盛名勝小誌  
林文忠滇輶紀程

磁縣治北緯三十六度二十五分。偏西一度五十五分。

位置 京師西南九百四十六里。東界成安。北界邯鄲。南界河南安陽。西界河南涉縣。東西一百五十五里。南北八十里。

沿革 漢爲魏郡武安縣地。後周分置滏陽縣。隋開皇十年置磁州。唐爲磁州滏陽郡。

元屬真定路。明屬河南彰德府。清雍正改屬直隸廣平府。民國廢府改州爲縣。

山脈 神農山、鼓山、金鼎、賀蘭山皆在縣西。天師塚、樓子塚、高臺墳在縣南。舊志指爲

曹操七十二疑塚。盜發之。靈有柩有碑。民國二年發見。魏碑八石均完整。字體迥秀。

水系 滏陽河出縣西神農山。黑龍洞深數里。一泉湧出。潞爲深淵。是爲滏源。東經縣

城南。又東北流入邯鄲縣。引渠灌田千畝。清濁二漳自河南涉縣相合。更東南流爲

本縣與河南安陽縣之界。河下入臨漳。惟漳河轉徙不常。兩縣居民每爭地門訟。

物產 磁器爲特產。滏陽河之鱖魚亦爲特產。農作物粟麥、高粱、玉蜀黍爲多。棉花、豆

子亦不少。西北山地多果樹。以柿爲多。水濱菱藕亦盛。

實業 怡立煤礦規模已具。磁業研究所注重改良。年產磁逾一萬噸。能製電瓶。惜質

太粗。沙鍋質更粗。開煤皆舊法。惟福中公司用機器。東北三渠。西北三渠。灌溉甚廣。

戶口 四萬零八百六十七戶。二十萬零三千九百九十八人。

教育 高等小學五皆不過百人。五校共四百人。單級師範講習所一。乙種實業學校

一。國民學校約二百餘處。魏武帝講武城。有軍國民教育模範。磁縣公報。月刊一冊。

城市 城周九里。有臭海。不通河道。天旱益臭。今由西城引濠水出東城。以蕩滌之。西

關門洞石路。凸凹不平。即覓石匠估工修理。以利交通。鼓樓前大街。商業較爲繁盛。

鄉鎮 初擬村制草案。爲各村試辦。西河村所設閱報所尤早。全縣五百七十二村。分

七十二約。有四大鎮。西鄉彭城鎮。磁業礦業。利源豐富。爲本縣菁華。距城五十里。東

鄉有商城鎮。北鄉有馬頭鎮。南鄉有岳城鎮。均有商壓。杜村雙渠爲州牧蔣擢所修。

交通 京漢經西城之西設有車站。怡立煤礦公司自建支路以運煤。水運以滏河爲

主。自城北三十里馬頭鎮。可通帆船。以磁煤爲主。下通天津。陸路紙坊子。爲太行八

徑之一。交通亦盛。鐵路未成以前。轎夫赤足涉水以行。人皆委頓。今免役矣。

第三百三十九章 冀縣 張瑾調查

冀縣治北緯三十七度三十九分。偏西四十七分。英經偏東一百十五度三十六分。位置。京師南六百三十三里。東界棗強。南界南宮。西界新河。北界衡水。東西六十里。南北七十里。

沿革 禹貢冀州。疆域廣大。名存實削。至前清猶轄南宮各縣。俗稱南宮冀州。以別於薊州易州之同音也。民國改州爲縣。與舊屬各縣同隸大名道。

地勢 紫微山在東北二十里。棗山在西南五十里。皆平原中。小阜。寧晉泊旁。地勢凹下。而村落稍高。夏時水漲如島居。田地亦被潤澤。

水系 舊圖寧晉泊。在縣城西不過十里。今圖亦仍之。蓋往時本爲大澤。今夏日水漲。大雨時行。則積潦彌望。亦如洞庭鄱陽之湖。然不過數日即退。依然田地。護城河。夏秋之際。可行舟楫。下通衡水。以達天津。實滹沱滏陽之正系也。

物產 農產麥梁黍稷。足食有餘。綿麻。昔自紡績。今多生貨輸出。家畜多豕。家禽多雞。而鴿尤馴。

實業 家庭工業自紡自織。因仍舊器舊法。洋紗洋布內侵深入。女紅失利。今改良新法者亦織成各項花紋。線亦較細。究無大進步。劉場村釀業。馬廠莊牧業。自昔著名。戶口 六萬七千零七十三戶。二十八萬七千八百二十九人。

教育 中學係合州屬各縣設立。今由省立收爲十四縣立。高等小學及國民學校。百餘。南入多操書業。琉璃廠書商。以本縣人占大多數。全縣分五學區。學生逾萬人。

城市 舊城較大。東南隅土城。仍斷續相接。今城縱橫二里。南關西關。居民較多。縣署臨西大街。每三六九有集。城關居民千餘家。路政不修。土深沒足。信差奔走各鄉焉。鄉鎮 四鎮四百四十八村。李家莊。有河通舟楫。崔潯莊。居冀棗新及山東界。每廟會集。百里以內。絡繹前往。土棍大盜賭局。皆萃於于是。官差莫敢問。鎮之大者。居民皆千餘家。村落多以宜子爲名。如張宜子。王宜子。及杜。常。邢。梁。孫。各家宜子。是也。

交通 護城河夏秋時始通舟楫。往來天津。有定期標船。水淺不通小輪船。李家莊水稍盛。陸運用車馬。東距津浦鐵路德州站百四十里。西距京漢鐵路高邑車站百八十里。附近郵路北出前塚。南出三里莊。東出孫宜子。漳下。郭莊。岳家莊。四路。

第四百十章 衡水縣

衡水縣治北緯三十七度四十七分。偏西四十分。

位置 京師西南五百九十三里。東北界武邑。東南界棗強。西北界深縣。西南界冀縣。東西五十八里。南北四十五里。

沿革 禹貢衡漳。漢信都國桃縣地。隋爲信都下博武邑三縣地。開皇十六年。始置衡水縣。唐屬冀州。元改深州。清改屬冀州。民國直隸於大名道。

地勢 衡者橫也。大禹時洪水橫流於冀州之水。濁漳爲衡。其縱橫盪決之痕。數千年。奚啻數千變。唐宋以後長蘆胡盧地名不定。孟子則謂之洺水。

水系 衡漳本一水。禹貢言漳不言溢也。自瓚晉泊東溢。經新河冀縣之北。入縣境名曰胡蘆河。又北會滹沱。入武邑境。光緒初冀州直隸州知州吳汝綸。自冀西開一減河。至衡水堤閘口。長約百里。會滹陽河。

物產 麥粟梁黍稷爲農產。大豆次之。蔬有菘薯。而香菜葱蒜味尤烈。樹多榆柳槐柏。果惟棗樹。家畜旣足食。水鳥亦棲水濱。

實業 酒業最盛全縣數十家。遠銷齊梁。近銷津保。爲製造品大宗。城內數十村。皆有筆墨工廠。共數百家。銷路亦廣。織布廠亦甚多。商人在京者。多作古玩字畫行。

戶口 二萬八千五百七十六戶。十三萬八千九百六十八。

教育 縣立高等小學在城內。四鎮分立高等小學。均附設國民學校。各村國民學校三百餘。女子高等小學。三女子師範傳習所一。風氣開通。國民多男女合校。

城市 東北僻靜。西關商塵林立。商會警局在焉。煙突四起。皆釀酒家。戲園浴堂設於河畔。夏日帆檣兩岸。無異江南。城堞整齊。東北少缺。象樸頭焉。

鄉鎮 衡水舊縣城有寶雲寺塔。四百八村。共分五區。城關中區而外。巨鹿鎮爲南區。是爲繁盛。商業發皇。比於縣城。張鎮爲北區。趙鎮爲西區。葛村鎮爲東區。千馬村侯店。村有鹽池。可以鹽。在城西南三里。至二十里之間。東有留中堡。

交通 滏陽河上通李家莊。下達天津。航行甚便。巨鹿鎮尤爲帆檣所萃。城西有六孔大橋。乾隆三年總督方觀承動帑改建。天津至順德廣平大名三府米鹽運道由此。陸路平坦。東由留中至。景縣安陵附津浦路。西由寧晉至高邑附京漢路。皆甚便。

第四百十一章 南宮縣孫承樂調查記略

南宮縣治。北緯三十七度。二十七分。偏西五十八分。

位置 京西南六百九十三里。東北界棗強。東界武城。東南界清河。南界威縣。西南界

鉅鹿。西界寧晉。新河北界冀縣。東西一百一十里。南北一百五十里。

沿革 漢南宮縣。屬信都國。呂后時爲侯邑。後漢仍爲南宮縣。屬安平國。晉省後復置。

高齊廢。隋復置。後因之。又漢堂陽縣。宋省入南宮爲鎮。

地勢 紫微山在縣北五里。鵲山在縣西二里。縣治在飛鳳岡上。度地居民。近澤者首

防隄。

水系 有老漳河舊跡。與清河武城分界。昔漳河故道自寧晉東流。入縣之西北境。東

入冀縣界。唐時古跡尙存。宋元豐後大河經此。東入棗強。今堙。漆河枯澮。自廣宗入

界經縣治。今堙。潦水數集。爲地方患。

物產 棉花小麥占農田五分之一。此外梁菽麥稷。花生瓜果。亦豐美。土布行銷山西

及京北。轉銷內外蒙古。

實業 商人多在天津營海外貿易。及磁器行。本地農家男耕女織。連歲水災。縣農請補助堤工者甚多。

戶口 七萬三千二百零零三戶。二十四萬八千八百三十七人。

教育 中學一。高等小學七。女子小學四。國民學校二百八十。中學亦由縣立。不用稅契加征之省款全縣八區。四百三十五村。次第推廣。學生已逾萬人。

城市 縣城居全境之西北。街道寬闊。商業繁盛。爲鄰縣所不及。舊名飛鳳岡。有富教文明氣象。

鄉鎮 南宮舊縣城。有普彤寺塔。有八大鎮。均設警察。一郝家屯。二段蘆頭。三喬村。四明化鎮。五陳伯居。六蘇村。七王道寨。八潘莊。此外若長蘆新河堂陽三鎮。號三鎮。唐陽寧化七公。亦號三鎮。田村堡在西南四十里。明時爲諸集冠。韓村董家廟亦繁盛。交通 郵路東北通冀縣者二。西北通新河者三。西通鉅鹿者二。西南通平鄉者一。正南通威縣者一。東南通清河者二。正東直通山東德縣者一。蓋東由瓦窰大營鎮出境。爲借途故城至德州之路。往來天津較便。土布由京兆馬駒橋牛欄山分銷口外。

第四百十二章 新河縣

新河縣治。北緯三十七度三十五分。偏西一度五分。

位置 京師西南六百九十三里。東界冀縣。西界寧晉。南界鉅鹿。北界東鹿。東西三十里。南北六十里。

沿革 漢堂陽縣地。北齊廢。隋復置。五代晉改蒲澤。漢復故名。宋省堂邑。升新河鎮爲新河縣。

地勢 西接寧晉。爲寧晉泊之溢地。東及冀縣。方水盛時。彌漫三縣城之間。名曰新河。非循故道也。太行西望。已隔一百五十餘里。

水系 老漳河自鉅鹿縣東。北入本縣之西南境。北流入寧晉泊。又長蘆水。在縣治南。漳水支流。自寧晉分流入縣。又東至冀縣城。西謂之長蘆溝。下流合於漳水。今涸。蓋漳水南徙。河渠皆滄陽所經。堂陽渠自鉅鹿入界。下入南宮。

物產 落花生爲沙地第一大宗。棉花次之。果品又次之。水產多魚鼈。鰕。鱧。及菱。荷。藕之屬。

實業 鹽務總分冬店。前以攬和水土。減秤漁利。由縣派警監視。郵政所示銅元合大洋。亦與市價異。鹽務郵務。爲外人監督。外縣弊竇。仍無法整頓也。

戶口 一萬八千六百五十七戶。十萬零四千二百六十三人。

教育 縣立高等小學校在城內。全縣分三區。百戶以上。必設一國民學校。講習所亦辦竣。入學生徒。已逾三千三百人。

城市 周三里。有三門。縣西有漳水隄。縣署狀紙田房契紙加稅。皆撥充學款。市上多魚。漁人有賣魚沽酒之樂焉。

鄉鎮 西流集在縣東南二十里。居民數百家。市况冠於全縣。滄陽橋在北三十里。接東鹿界。白神首村。有光武臺。爲春秋時普地。村民勒儉。渾橫多務。耕織不遠營商。共四堡。六鎮。一百七十九村。

交通 縣西七十里。至寧晉縣。又西五十里。至高邑縣。京漢鐵路車站。計陸程二日耳。河流舟運。爲水時可直達。水小時民船。但至衡水。若加以疏濬。則獻縣以上亦可行小輪船。正在計畫中也。

第四百三十三章 棗強縣段宗堦調查

棗強縣治北緯三十七度三十五分。偏西三十八分。

位置 京師西南六百五十八里。東界山東武城。南界南宮。西界冀縣新河。北界武邑。

衡水。東北界景縣。東西四十五里。南北八十五里。

沿革 戰國趙邑。漢初爲賁棗侯邑。漢置棗強縣。後漢省。魏復置。晉慕容垂徙治於廣川。北魏省復置。宋省爲鎮。旋復置。後仍之。

地勢 地本窪下。東南三十里。有大河枯瀆。近代以飲馬河爲索盧水之支流。索盧水在西北。視衛河爲盈涸。皆呈淺碟之象。平堤高堤。復陽三縣。後漢因水湮省併。

水系 清河之支流。自大營鎮北流。經流常鎮之西。蕭張村之東。北流至阜城。交河爲爲漳河故瀆。此故瀆常年川流不息。索盧等水。大雨時上游源活。亦成大川。其他涿水枯瀆。其地高於平地。不能存水也。

物產 棗樹極多。各村皆有。環城尤茂。爲出產大宗。縣以此名。農產穀。麥。高粱。玉蜀黍亦多。縣西北十五里。有賁棗城。

實業 縣南大營鎮皮行甚多。遠銷南方各省。每年貿易額不下數十萬元。商民在京營業者數萬。成衣亦衆。起自徒弟。信用昭著。南恩察村所製緞帽氈帽。久已馳名。

戶口 五萬二千六百三十九戶。三十一萬三千五百三十一人。

教育 縣立高等小學女子小學各一。城鄉國民學校二百。女學五處。欸項弗充。設備未定。學生已逾一萬一千人。過學齡兒童之半數。

城市 城周四里。街道清潔。市廛不盛。東西南三關。無北關。南關最爲繁盛。王財主家資千頃。自明至今。推爲首富。

鄉鎮 東西南北四大鎮。東鄉流常鎮。距城三十里。居民千家。雜貨店甚繁盛。南鄉大營距城二十里。居民千餘家。皮匠皆世其業。西南卷子。距城三十里。商賈所萃。正北蕭張鎮有外人所設醫院。附於教堂。共五百九子二村。

交通 東距津浦鐵路德縣車站百里。有轎車大車以運客貨。或在桑園上車上船。均便。縣北至衡水縣。亦通民船。陸路不道五六十里。西北郵路通冀縣。只三十里。冀縣由山東德縣出入必經本縣也。

第四百四十四章 武邑縣

武邑縣治北緯三十七度五十二分。偏西三十三分。

位置 京西南五百四十三里。東界景縣。西界衡水。南界棗強。北界武強。東西四十五里。南北六十里。

沿革 戰國趙之觀津邑。置望諸君。漢置觀津縣。又置武邑縣。晉置武邑郡。北魏移郡治武強。北齊廢縣。隋復置後仍之。

地勢 棗山在西南五十里。與冀縣棗山同名。山多棗樹。蓋棗強鄰近。有拳阜可樹者。無非棗山。觀津塚高大。距十餘里。即可望見觀津故城。

水系 衡水南挾棗陽之羣流。在西南二十五里。自衡水縣東北入本邑之西北。經圈頭。又東北流經龍店鎮之東。又北流有滹沱之支流。由東鹿之辛集。東流經魏家池鎮。護駕池鎮。曲折東流。會於滄陽河。武強湖在縣之西北境。

物產 葦席白布。爲編織大宗。惟工藝呆守成法而不知進。農產糧物。足供本地之食。家畜亦多。有雞鳴犬吠相聞氣象。

實業 牲畜稅由商人投標包辦。賊匪橫行。商人不敢辦貨。地方常有暴動。必繩之以法。庶各安生業。多務耕織。

戶口 六萬二千六百五十五戶。一十七萬四千四百七十七人。

教育 縣立高等小學校。在城內。講習所亦續辦。以便改良私塾。全縣分八區。學生已四千七百餘人。

城市 周四里有四門。城外有濠。城南有護城隄。城內人民多修醮演戲謝神之舉。商董亦藉以斂錢。

鄉鎮 縣北龍店鎮距城十八里。爲北赴武強要道。且濱臨衡水下游。商船鱗集。西北圍頭鎮距城十八里。與縣城龍店鼎立成三角形。東南審坡村與石海坡接近。界於阜城。共五百六十一村。石海坡馬回臺。審婆。李家店。留仲。圍頭。趙橋。地方稍大。

交通 縣治東距津浦鐵路連窩鎮車站一百一十里。陸行兩日。第一日。東行二十五里。至審坡村。又十里至西桑村。又二十五里至漫河鎮。共行六十里。第二日。又東行五十里至連窩鎮。上下頗便。

第四百十五章 趙縣

趙縣治。北緯三十七度四十八分。偏西一度三十三分。

位置 京師西南七百四十里。東界寧晉。西界元氏。南界柏鄉。北界欒城。東西四十五里。南北五十里。

沿革 春秋晉地。戰國趙邑。漢爲常山鉅鹿郡地。晉爲趙國。北魏始於平棘縣置趙郡。唐始置趙州。曾改欒州。宋設慶源軍。慶源府。金復爲趙州。今改州爲縣。

地勢 寧晉泊之溢地。東至冀而北至趙。夏日雨急。太行山脈。迤東斜面之水。傾注而下。由小水合爲大水。城北大平棘山。城南小平棘山。北三十里龍平山。稍覺隆起。水系 洩河自元氏縣城北。東流入縣境。又經縣城之南。東流至城東。有水自欒城縣東南流來會。又東南流經寧晉縣西南入寧晉泊。近代穿洩水爲新渠。引水足資灌溉。

物產 平棘山多棘。大石橋以南。木棉彌目。花白纍纍。農產五穀皆備。柏林寺有柏甚古。

實業 市店率以棉花爲業。軋花鐵機多由天津鐵工廠自製。不必求之外人。所除棉籽可榨棉油。餘下棉餅可以肥田。

戶口 四萬五千九百六十四戶。二十一萬三千六百五十一人。

教育 縣立高小。急待招充。師範講習。亦須設立。請借用自治存款。十分之四。俟籌有的款。再行歸還。省立中學。則因趙州之舊屬。以爲中學區。小學生徒。已四千有奇。

城市 趙縣橋旁鐵柱出水數尺。以殺水勢者。俗人以爲王彥章鐵槍水閘。渠在縣西南二里。引清水河入城濠。西南出會洩河。原有郟城驛。今裁。望漢在城東南。耿純築鄉鎮。東驛頭堡在縣東南十里。昔之驛路東南向寧晉。以通冀縣。西南始爲輅車大道。宋子城在東北二十五里。戰國時趙邑。秦滅燕。高漸離匿於此。十方壘一名十萬壘。漢末黃末亂。河北多築壘。僅存其一於城南。其形十方。云共七鎮。二百三十四村。交通 昔驛程自欒城至趙縣四十里。雨後途多行潦。須繞道而行。縣南五里有大石橋。又十五里金山寺。外有茶亭。阮文達題句云。買絲客去休澆酒。餬餅人來且吃茶。夜抵柏鄉。今郵路紆曲。官紳出境。多借徑於元氏縣。京漢鐵路車站。計程六十里。

第四百四十六章 柏鄉縣

柏鄉縣治。北緯三十七度四十八分。偏西一度四十二分。

位置 京師西南八百里。東界隆平。西界高邑。南界唐山。北界趙縣。東西二十八里。南北五十二里。

沿革 春秋晉鄙邑。漢置鄙縣。又分置柏鄉侯國。後漢改鄙邑爲高邑。省柏鄉入之。隋於高邑界置柏鄉。宋省爲鎮。元祐復置。後因之。

地勢 鳳皇岡在縣東。相傳有鳳凰棲集其上。故名見於名勝志。談山脈考動物者不及焉。亂世賢者亦久悲鳳鳥不至矣。

水系 槐水自贊皇東流。歷元氏高邑始入縣境。距城西北五里。俗作野河。又東入寧晉縣界。有槐水橋。午河自臨城入境。經縣十里。又縣北三里。下流合於野河。千金渠。

萬金堰。皆唐時縣令王佐所浚。今廢。俗呼爲李家溝。物產 柏樹皆年久。多在祠墓間。農產以棉花爲大宗。生貨輸出。糧食蔬菜。但足本地之用。

實業 人務耕織。公款畝捐。均責成村正副經理。已立自治之本。有擬設棉業組合者。則鄉老望重而血氣衰。後起學生信用未孚也。

戶口 一萬四千八百四十八戶。六萬八千四百七十二人。

教育 縣立高等小學校。在城內全縣分三區。百戶以上之村。必設學一所。國民學校。生徒一千三百餘。女生只二十四人耳。

城市 縣署人員。支警察兼薪。並不辦事者。地方公民。認爲知事侵漁。南北大街。爲昔日大路。旅店多在南門外。有濟涉橋。今名恒南第一橋。有呂兆熊魏裔介各坊。

鄉鎮 鄗城在縣北二十五里。漢光武即位處。春秋晉邑南欒城在縣東北十里。春秋晉之欒邑。千秋亭在鄗南七里。當縣北十三里。爲光武即位紀念。槐水驛在縣西北。今裁。鄉間平頂各宅。較北方爲峻整。小鎮一。大村二十三。小村七十二。

交通 昔爲南北通衢。滇輶所經。冠蓋往來穿城而過。今縣治距高邑縣京漢鐵路車站。只三十里。爲出入之門戶。縣南六里之賈莊。距高邑三十五里。亦以爲出入門戶。南北鄰近各縣。自擇最近之鐵路車站。古道遂少人行矣。

第四百十七章 隆平縣曹葆清調查記

隆平縣治北緯三十七度二十四分。偏西一度四十三分。

位置 京西南八百三十里。東界鉅鹿。西界柏鄉。南界任縣。北界寧晉。東西五十里。南北五十五里。

沿革 禹貢大陸既作。漢置廣阿縣。隋初改象城。又改大陸。唐武德復象城。天寶改昭慶。屬趙州。宋開皇二年改稱隆平。後因之。

地勢 宋太宗伐劉繼恩。下并汾。見四無山阜。曠野平衍。遂改縣曰隆平。隆者大也。平者陸也。古今形勢如此。

水系 滏陽河發源於磁縣。經任縣入縣東境。北流於寧晉縣。次於滏陽河爲灋河。亦由任縣來。經本縣東境。北注於甯晉泊。又沘河經本縣城之北。東北入於甯晉泊。昔大陸澤在東北三十里。今縮向東南。漸成平地。

物產 棉及麥穀高粱。爲衣食大宗。農產製造則有棉油及麥油高粱酒。冬日滏陽河旁醃菜以度歲者多。

實業 有長蘆善後織工傳習所。所織各種愛國布。頗受人民之歡迎。人多務農勤勞。儉樸。

戶口 二萬三千四百三十七戶。十萬零九千三百八十四人。

教育 縣立高等小學一。女子國民學校一。城鄉國民學校八十五處。師範畢業生。有責任。凡在假期歸里。能提倡平民義務教育云。小學生徒已逾二千人。

城市 城北有通濟橋。城東有灋河堤。長六里。城內街道未修。市上惟集期。始陳列貨物。

鄉鎮 全境分六區。每區設區董一人。金錢運動而得魚肉一方。抓賭私罰。并不送案。共四鎮。一百零八村。廣阿城在縣東十里。爲漢縣舊治。昔臨廣阿澤。即大陸澤。今澤枯城壞久矣。大村三十五。中村五十。小村六十。

交通 大者用驛車。小者用手車。縣治西十二里至唐山縣城。又二十五里至金堤店。又十二里至內邱縣。即附京漢鐵路以行。出入便利。南宮鉅鹿之客。或取道本縣。以達內邱車站。

第四百四十八章 臨城縣

臨城縣治北緯三十七度二十八分。偏西一度四十九分。

位置 京西南八百三十里。西界山西昔陽縣。西北界贊皇。南界內邱。東北界高邑。東界柏鄉唐縣。東西一百一十里。南北四十五里。

沿革 春秋晉臨邑。趙稷奔臨是也。漢爲房子縣。北齊省。隋復置。唐天寶改曰臨城。又復稱房子。五代唐以後皆稱臨城。

山脈 敦輿山秀峯峙於南。來自太行山脈。橫貫縣西。鐵山在西南三十五里。山色如鐵。鈞盤山在東南五里。龍尾岡在西北。皆古人用兵之處。杏山多杏。名利雙收。

水系 泚水出縣之西南境。鵲山之北麓。東流經縣南。上游有支流四。一出石人砦。一出嶺。合於青羊頭。至石城下游。合於泚。三出郝莊經愛寺。四出古城經郝村。皆南入泚。由縣城南。東南入唐山縣境。

物產 煙煤遠不及開灤。礦區稅已稅及六十萬元。猴頭菌爲山中之特產。農作物惟高果二麥。果物黑棗柿梨杏及核桃。均爲大宗。

實業 北高村藉礦水挖渠灌田成效已著。上游趙村安上村中高村南高村李家莊郭家莊等村均集資購地開渠衆多。煤礦比股二百五十萬元。華股五十萬元。戶口 一萬六千五百二十二戶。八萬一千人。

教育 高等小學二。男女各一。女學附設國民學校專教女子。城鄉國民學校共七八十處。內容設備均欠整理。全縣分三學區。自傳習塾師入手。小學生徒將及二千人。城市 普利塔標舉城內。宋皇祐建塔。內有井。縣治最久。春秋以後未嘗遷移。礦業既興。地方亦漸染文明之象。縣東二里有堯山。其附託甚古。民情趨於共和揖讓焉。

鄉鎮 栢暢亭在縣西十里。漢封侯國。聖井岡在東北三十里。聖母洞在縣西北三十里。梁村鎮在縣北三十里。原有當舖已停。天臺寨。青龍寨。皆亂世深山所結聚。驪駒嶺口在縣西九十里。居民漸少。礦局在祁村之北。全境分八鎮十六集。九十二村。

交通 京漢鐵路自縣東經過。又有鴨鵝營接有支路。專爲臨城礦局運煤之利。便是爲臨城支路。綫路但經高邑臨城二縣境。運出幹路則一氣銜接。分銷京漢。近年因軍人扣車。礦局每苦貨車不足。西鄉多山。負載甚苦。

第四百十九章 高邑縣

高邑縣治北緯三十七度三十九分。偏西四十二分。

位置 京師西南七百九十里。東界柏鄉。西界贊皇。南界內邱。北界高邑。東西一百一十里。南北四十五里。

沿革 戰國房子邑。漢爲房子縣。北齊天保七年改房子置高邑縣。其後屬趙郡。又屢改惟縣名不易。

地勢 高原比平原高。平原又比溢地高。高邑之高。乃高於寧晉溢地。比較而得。寧晉泊附近被水。高邑不被水。是以高邑長岡高。京漢路捨趙縣柏鄉間驛路實測定之。水系 洹河自贊皇東流入縣境。經縣南。更東流入寧晉泊。槐河卽沙河。自元氏東流。經趙縣入境。經本縣之城北。又經寧晉之城西。會洸河入寧晉泊。高邑在上游。大有居高臨下之勢焉。俗以槐河爲淮河。又名黑水。新溝在東南。

物產 榆柳村之榆柳爲林業之初基。農產木棉藍靛漸盛。高原果物極多。平原糧食有餘。

實業 毗連山地。不易鑿井。農人守舊。工商亦然。難於謀始。田賦照價完全。二萬元以上。足見人民急公納稅也。

戶口 一萬四千四百九十九戶。七萬二千四百九十五人。

教育 縣立高等小學校在城內。全縣分兩學區。百戶以上必設國民學校一處。但四百家以上之村。鮮能設四級完全之學校。小學生徒一千五百人。有自稱學員者。

城市 乾明寺塔。爲城內最高處。唐代古物。城周四里。因明初舊址重修。城南二里有千秋臺。西北有觀星臺。又有將臺。人謂高邑好高。九日多登高之處。

鄉鎮 長岡在縣西二十五里。環抱村。周十數里。中有兔兒坡。甚寬廣。安定橋在邱村之西南。城北槐河城南沛河。臨水成村。鳳皇山在縣西二十五里。共計四鎮。大小九十二村。

交通 京漢鐵路車站。在縣西二里許。西南分一支。經鶉鷄營至臨城礦。專爲運煤。線路雖短。運送煤車逐日不絕。連年軍事扣車。至有開出之煤山積而無車裝運者。國帑商本。皆不免損失也。

第一百五十章 寧晉縣

寧晉縣治北緯三十七度三十九分。偏西一度二十五分。

位置 京西南七百里。東界新河。西北界趙縣。南界隆平。西南至柏鄉。東西六十里。南北六十里。

沿革 春秋時晉楊氏大夫采地。漢置楊氏。瘦陶二縣。晉省楊氏入瘦陶。北魏名瘦遙。唐初爲寧晉縣。

地勢 寧晉泊在縣境之南。水盛時東瀆於新河。冀縣。水退時專屬於寧晉。三縣皆皆爲太行山東麓之溢地。隆平東北。高邑之東。皆此澤水涸所成。

水系 寧晉泊自新豐河受大陸澤之水。包滄、涖、沙、百泉、小馬、五河。至寧晉泊。又受泚、沛、槐、浚四河。所受雖不如大陸。然在大陸之下游。實包舉九河。東北與滹沱河相吐。

相吐納。若夫兩泊間之陸地。在禹貢時當爲大陸澤而已。

物產 棉花盛於西鄉。小麥盛於南鄉。花生盛於東鄉。土宜各不同。三項收入並爲大宗。至於湖濱魚鼈菱藕。亦當利源。無水時則種麥。天然利益。獨占優勝。

實業 寄莊地畝額外加征糧銀較重。賦稅不平。糧銀每兩折二元四角。鄉櫃仍有徵制錢。五吊者。農夫安之。曾習法律者上訴焉。

戶口 七萬零五百二十七戶。三十萬零七千八百三十四人。

教育 縣立高等小學校在城內。學區分六區。滿百戶必設一校。戶日稀少之處。設半日學校。未見成效。因半日學校。宜於通都大邑。工商繁盛之處。鄉校以全日爲宜。

城市 今治卽古楊氏縣。寧晉渠在城西南。唐時邑令程知點。開新渠。引澆水入城。以澆田。逕十餘里。埒郭地皆豐潤。民食乃甘。

鄉鎮 大陸村在縣東北三十里。東陳鎮在縣南三十五里。鋪頭村在縣東三十里。有橋跨滏陽橋上。又東五里有白木村。亦跨滏陽河。昔年埒近各縣鹽。多由此起。載市廛頗盛。計十二鎮。大村七。中村一百三十一。小村一百二十七。共二百六十七。

交通 縣西十五里至河渠。又三十五里至高邑縣。京漢鐵路車站。陸路五十里。半日可達。大陸村郵路。由唐邱換馬店。仍回縣城。正東郵路。沿河經新河冀縣。以至衡水。必俟水盛時。衡水以上。始通小舟。

第一百五十一章

宣化縣注國垣京張旅行 張蔚西冀北游覽記

宣化縣治北緯四十四度三十七分。偏西一度二十一分。

位置 京師西北三百四十里。東界龍關。西界懷安。南界蔚縣。北界萬全。東西九十里。南北一百七十里。

沿革 秦上谷郡。漢廣寧縣。晉省入下洛縣。唐初爲懷戎縣地。後析置文德縣。爲武州治。遼爲歸化州。金改宣德州。治宣德縣。元爲宣德府。明爲宣府三衛。清設宣化府。治山脈。燕然山在東。墨山黃羊山雞鳴山皆在東。湯池山有溫泉。西南龍洞山有龍洞。十八盤山高峻曲折。天德山在西北。與斷雲嶺相連。馬鞍山出紅石。四角洞產瑪瑙。水系 河流多橫斷山脈而出。據山巔而下。河身悉成峻窄之谿谷。東南有惠民閘引洋水灌漑。西引清河水。南引泥河水。亦資灌漑。洋河自萬全來。經縣城之西南。至涿鹿界之雞鳴驛。入於永定河。

物產 葡萄莖白甘美。可用以釀酒。在沙城設廠。雞鳴山煤礦。面積一萬九千餘畝。歲產烟煤六萬七千噸。售價二十萬元。局用十二三萬元。由京綏鐵路局自辦。

實業 煙筒山會雇土人掘鐵砂。露天開採。得三百餘噸。每噸工費只銅元十數枚。砂價每噸十五元。不止百倍之利。某督辦與某國訂售砂合同。爲議會所反對。

戶口 五萬二千四百七十八口。三十五萬七千一百零四人。

教育 省立師範中學。近又先立女師範講習所。道立乙種工業學校。提倡實用。縣立高等小學校。亦較整齊。國民學校。多私塾改良。清真小學。爲回教私立。頗有精神。

城市 邊關重鎮。蒙古要衝。居民九萬。中多回教徒。市中所製宣化氈帽。尤便禦寒。濱臨洋河之岸。不利舟楫。北倚亂山。長廣十餘里。城外居民寥落。城西壅成沙坡。

鄉鎮 雞鳴堡在東南六十里。雞鳴山下。前明已築城置驛。今因路礦益繁。深井堡在西南六十里。有城。初屬蔚州。會設把總。今裁。甯遠洋河。榆林。雙營各堡。城堞相望。西有回回莊。爲回民所聚居。葡萄灣之葡萄。尤美。共五百餘村。

交通 京綏鐵路大車站。張家口外蒙古必由之途。龐家堞。辛窰兩處鐵礦。距站不過五十里。由此出入。煙筒山鐵礦。距站不過十里而已。下花園車站。在西麓。雞鳴驛在東麓。煤層外露。運轉尤便。修有支軌。直達礦井。由宣化至水磨火車。早晚往來兩次。

第一百五十二章 赤城縣

赤城縣治北緯四十度五十二分，偏西三十五分。

位置 本省極北之地，距京四百里，東北界熱河之豐寧，西北界察哈爾之沽源，東南界延慶，西南界龍關，東隅一角界京兆密雲，東西七十五里，南北一百二十里。

沿革 古赤城爲蚩尤所居，漢上谷郡地，後魏禦夷鎮地，唐爲媯州地，遼始置望雲縣，元升爲雲州，明初州廢，宣德中置赤城堡，清康熙三十二年始置赤城縣。

山脈 獨石口常本縣極北長城之口，有一夫當關之勢，雷山、屹峒、聚陽、巒帽，各山皆險，赤城山石多赤紅，山在西，石色赤，下有紅泉，其餘金閣、蒼崖、黑峪，各異其色。

水系 白河卽沽河源出獨石口外，察哈爾沽源縣，馬尼圖嶺南麓入邊城，至雲州堡，有小水自西來會，又東南經本縣城東，又東南有小水自東北來會，又有龍門水，兩

源自西合而來會，折東流有一水自邊外盤道口來會，東出邊牆復入，至密雲界，物產 狼、狐、獾、兔，往往由口北竄入，家畜尤以駱駝爲鉅，勝於牛馬，驢騾，野雞，山多野雞，青羊山多牧羊，不皆青色，鷹窩山，昔產海東青名鷹，今漸少，樺山有樺樹。

實業 官坡荒地。爭領爭墾。每尋衅鬪訟。蓬蒿結實。名曰莎米。生於沙灘。亦爲穀屬。龍芽即升麻。三四月間采食。

戶口 九千九百六十六戶。四萬一千二百八十三人。

教育 各校聯合運動大會。到會男女學生千人。精神活潑。學區分爲四。三十戶以上村落。即令設學。

城市 赤城山在東二里。俯視城闔。湯泉河在城西源出西山。從西北入城。謂之赤城湯湧。出時暴熱。旁有冷泉。相距不遠。

鄉鎮 獨石口曾設廳。改縣。轄境皆在口外。惟城倚長城。今察哈爾分區。獨石縣移治口外小河子。改沽源。獨石仍爲縣境。望雲州東北有望國崖。雲州堡距城三十里。北有捨身崖。滴水堡滴水崖。隆冬不凍。寶濟鄉暖湯七十二眼。共一百二十八村。

交通 北距獨石口九十里。西南六十里至龍關縣。又西南一百一十里至宣化縣之京綏鐵路車站。計陸路一百七十里。兩日可達。至於塞外獨石外百里至察哈爾沽源縣。一名平定腦色。又二百里至多倫縣。即喇嘛廟。漢民工商所萃也。

第五百五十三章 萬全縣

萬全縣治。北緯四十度五十三分。偏西一度四十一分。

位置 京張共長三百六十三里。張家口之禁門及外長城。爲直隸察哈爾分界。東界

宣化。南界懷安。西界山西天鎮縣界。東西一百三十里。南北七十里。

沿革 漢廣寧縣。唐武州文德縣地。元爲宣平縣地。明初置德勝堡。永樂移萬全右衛

治此。宣德中屬萬全都指揮使司。康熙改萬全縣。今移治張家口。省文謂之口。

山脈 野狐嶺爲金元用兵重地。三面環山。張家口地形稍下。在山之阿。氣候比塞外

爲煖。土門路煤山在城西。

水系 縣城地勢高於張家口。每雨後流泉東注。塞外察哈爾弘北縣之西溝。亦自北

而南流。向塞內。蓋清水河合塞北諸水而成。二水合而張家口市街或被水淹。又東

洋河自山西來。至柴溝堡南。西洋河自山西來會。又東流合南洋河。皆入於宣化境。

物產 農人食品曰山藥蛋。植物之佳品。爲榛子。葡萄。蘑菇。農產莜麥。高粱。黍米。小米。

大豆。蠶豆。白芝麻。落花生。每日由張家口積成公司轉運出境。

賓業

張家口有上下二堡。中貫石橋。自通商後。日趨奢侈。戲園多至五處。妓館飯館。日增。橋東別成一新世界。山西票號。昔年出入千萬。今爲中國交通各銀行所奪矣。戶口 二萬七千六百九十六人。十三萬七千四百四十七人。

教育 縣立高等小學。城內與張垣并重。張垣第一女學成立。已逾十年。今察區之師範中學。均寄張垣。蒙古營國民學校。亦由察區辦理。

城市 縣城偏僻。縣知事移駐張家口。城小而堅。銀行在焉。兵變不能攻入。小北門極小。高不過四尺。昔所謂張家口也。察哈爾都統借治上堡。商業在下堡。車站在橋東。鄉鎮 膳房堡在縣北。距張家口三十三里。西南至洗馬林五十里。洗馬林原名尋麻林。在縣西北。均爲外長城重要邊堡。又新河口。在西北。距縣四十里。距邊十里。昔設守備駐堡。今裁。

交通 由張家口至恰克圖。二千八百八十九里。已有長途汽車。共客車三十二輛。每車甲種七人。乙種四人。每票由張至庫。定價每人九十元。由庫至恰。每人三十元。晝夜駛行。中途不停。沿站不換車。尋常仍以駱駝交通。商家信件。每從俄局郵遞。

第一百五十四章 龍關縣

龍關縣治北緯四十度四十八分。偏西四十九分。

位置 京北三百六十里。東界赤城。西界宣化。南界懷來。北界察哈爾張北。以長城爲界。東西一百一十五里。南北一百四十五里。

沿革 漢置女祁縣。屬上谷郡。爲東部都尉治。後漢省。唐末置龍門縣。元廢爲鎮。明設龍門衛。清復置縣。因龍門關得名。民國避重名改龍關。

山脈 龍門關在縣西二十五里。長安嶺綿亘於東南。最峻者則有鷓鴣堡附近之拂雲山。以及雙峯雙尖八仙熬頭娘子諸山。蘊藏礦質頗厚。

水系 龍門水二源。出縣西之龍王堂趙川堡。東過縣城之南。又東過八里莊。又東過鷓鴣堡。又東會尤家溝。又東至各河寨。即赤城界會於白河。又有陽樂河出縣南。亦東流至赤城界入白河。

物產 大松山松山皆產松。椴樹山產椴。青山比羣峯獨青。其他皆可造林。紅石山所出紅石。可作玩物。松子亦爲佳果。櫻棗一名羊棗。礦物以磁石礞石赭石爲著。

實業 龐家堡辛堡鐵礦。爲龍煙鐵礦主要之礦山。礦苗之旺。亞於大冶。居全國第二。

昔年獵者得熊膽麝香各珍品。今日幾絕。田賦完全在萬元以上。人民安心納稅焉。

戶口 一萬四千四百零九戶。六萬六千五百七十三人。

教育 縣立高等小學畢業生。送入宣化師範講習所。以儲師資。全縣分五學區。先設

國民學校四十處。學款由稅契加捐。

城市 周四里有二門。城內有玄宮塔。城南有南岩閣。城北雙峯如插筆。城東丹崖如

開榜。城內觀音寺有人造鐵樹一株。

鄉鎮 鵬鶚堡西有鵬鶚崖。在縣東四十里。明初置浩嶺驛。當北路之中。爲往來要道。

今裁。趙川堡爲本縣赴宣化大路之中尖。是以至今地方益繁盛。雖龍門關堡長安

嶺堡不如也。葛峪在西北八十里。亦有堡。共二百二十一村。

交通 距京綏鐵路宣化車站一百一十里。計由縣西南至趙川堡五十里。又西南又

十里。至宣化。爲郵路所經。若官紳入京出塞。則南行七十里。即可至沙城堡車站。六

或八十里至新保安。

第一百五十五章

懷來縣董成昭王繼儒同調查

懷來縣治北緯四十度二十四分偏西四十二分。

位置 距天津省治西北五百七十里口北道治東南一百二十里東界延慶西界涿

鹿北界龍關西北界宣化東南界宛平昌平以內長城爲界。

沿革 古冀北地秦隸上谷郡唐爲嬀州懷戎縣五代沒於契丹曰可汗州金屬德興

府元屬奉聖州後改龍慶州明初置守禦懷來千戶所改懷來衛清初改懷來縣。

山脈 涿鹿山脈東來爲攀山老君山入寶山盛產煤官亭山中爲山峽其北由龍關

入界者則有長安嶺螺山大海院山又東綿巨入延慶界。

水系 永定河自涿鹿縣來湍激無比因上游兩岸皆山無從橫溢穿內長城入京兆

宛平界洋河自宣化城南東南流至縣西保家莊入界會於永定河二河會合稱燕

尾河東流經老君山折東南至合河口有嬀水即清夷水一名清水河自東來會。

物產 穀類多高粱亦藝黍稷菽類多黑豆次綠豆缺豆果類蘋果爲著梨次之桃杏

多輸出葡萄美而少貨類則有線麻礦產多煤而質多遜寶鳳山楊木昔曾入貢。

實業 懷來工廠。在新保安模範村桑園內。染織羊駝毛貨。爲京北之藝之佳者。農產額徵約五萬元。西境胡公渠。惠民渠。洋河水。以灌民田。

戶口 三萬二千八百九十戶。十六萬四千六百四十五人。

教育 縣立高等小學四。男三女一。單級師範講習所一。國民學校八十。縣立模範小學二。女子小學五。鄉校以攀山爲盛。全縣分四區。每校一校。以學校林爲基產。

城市 因山爲城。雉堞隨以高下。頗饒逸致。東北隅在山上。南臨嬀河。有六門。東西南各二。無北門。東南兩關。爲明末流寇所毀。惟西關獨存。商店繁盛。東西大街亦殷庶。鄉鎮 新保安在縣西北七十里。商業繁盛。沙城堡在縣西北五十里。舊設巡檢。今裁。土木堡在縣西北二十五里。舊設把總。今裁。榆林堡在縣東二十五里。舊驛今廢。皆京綏鐵路所經。攀山鎮在縣西南二十里。有西陵守備。計六大城。二百七十餘村。

交通 明英宗北征狩於土木。清德宗庚子倉皇出走至此。始得乘輿。蓋京北之大道也。今京綏鐵路過縣城之西南。設立車站。各鎮出車站亦能吸收各鄉土產。不獨爲張家口要道。並爲獨石口要道。車馬往來不絕。鐵路旁村落必有城堡。爲前明列戍。

第一百五十六章 陽原縣李秦榮同纂

陽原縣治北緯四十度七分偏西二度十三分。

位置 京西北五百里東界宣化東南界蔚縣西北界山西天鎮北界萬全東西一百里南北六十五里。

沿革 漢陽原縣屬代郡後漢省唐爲興唐縣遼置永寧縣兼弘州永寧軍後改博寧軍。金亦曰弘州改軍曰保寧改縣曰襄陰明廢州城順聖川清設西寧縣今復漢名山脈 鸞峯秀拔西南三十五里寺塔高十三級以巨輒藝之五岔嶺來脈與蔚縣接盤崖山之盤崖洞秀拔千仞禪山多禪溜雲山勢嵯峨鰲魚山肖其形。

水系 永定河自山西挾朔應山陰大同渾源諸水入界上游河渠之利大興河流經縣境之南仍名之曰桑乾又東北入懷安縣界龍王河在城東一里又西沙河在順聖東城西一里皆泉水湧出西流入永定河。

物產 糧食高粱穀粟豆麻皆足食胡麻菜子可榨油特產火石名曰漢瑪璣可製煙嘴圖章苞香溝出藁本等香料礦產有無煙煤鷺鳥有靈鷲陳列萬生園。

實業

南山有煤礦鉅塊如堅石爲家用燃料。取地上浮土。用古法以製鹽。製城亦應

用化學。今招商包收捐款。油坊取胡麻菜子以鉅碾榨之。麻油爲食品。菜油燃燈。

戶口 三萬三千零五十九戶十三萬四千九百四十六人。

教育 高等小學三。縣治及東城瑞骨曠各一所。國民學校七十八處。女子高等小學

一。模範小學一。藝徒學校一。均在城內。女子國民學校。分布城鄉者十處。

城市 城有四門。南北有關。以二八日爲集期。四牌樓爲東西南北交會之地。形勢便

利。商况發達。牌樓皆題宰相之名。金元以來古物也。

鄉鎮 村莊二百餘。大鎮二。東城在縣東六十里。居民千家以上。三六九爲集期。銀錢

麻油布疋爲多。瑞骨曠在縣南二十五里。居民千餘家。一四七爲集期。酒肉油布爲

多。皆有警區。浮屠溝在縣東南四十里。俗稱浮頭溝。長城在南三十里亦著名。

交通 京綏鐵路距城一百里。陸行一日。在山西天鎮縣車站上下百里之間。有一堵

泉爲尖站。移民出塞者以察哈爾二道河爲最多。其最遠者則遙赴大庫倫及恰克

圖爲數共以萬計。

第一百五十七章 懷安縣

懷安縣治。北緯四十度二十八分。偏西一度五十分。

位置 京西北四百六十里。西接山西天鎮。南界陽原。北界萬全。東界宣化。東西百一十里。南北六十里。

沿革 漢上谷郡下洛縣地。唐末置懷安縣。屬新州。元屬安利路。明廢縣。改置懷安衛。屬萬全都指揮司。清康熙三十二年。改衛爲縣。

山脈 雲頭山最高。平頂山上最平。水口溝山有海眼泉。熊耳山肖其形。均在縣南。虎窩山在西南。楞姥山駱駝山皆在北。紅塘山沒皮山皆在東北。

水系 永定河自陽原東北經懷安南境。東城鎮南。又東北有壺流河。西南自山西廣西經蔚縣來會。即古祁夷水。亦曰漚夷水。縣東萬全左衛東南四十里有牛心川。又柴溝東北八里有沙城暖泉。

物產 農產多莜麥。呼爲油麥。其麥價值在蕎麥之下。味亦不如蕎麥。而耐寒則過之。瓦窰山多陶甓。花山多花。白腰山有白土如帶。檉樹俗名西洋柳。

實業 蜀秫製酒者謂之燒酒。糧食之味苦難食者化而爲酒。則可禦北地之嚴寒。以待親友。謂之慶場。

戶口 三萬零四十九戶。十七萬三千八百八十八人。

教育 縣立高等小學。經費不足。請就田房稅契。再加附稅。未奉部准。全縣分五學區。

五十家以上村莊。即籌設國民學校。

城市 周九里。有四門。人以氣岸相高。不事含容。不尙奢華。能耐勞苦。鄉人不涉城市。差棍唆勸。以細故涉訟廷。

鄉鎮 柴溝堡在縣北五十里。去邊二十里。堡周七里。有東西南三門。元設柴溝營。明設參將。今因鐵路所經。商務漸盛。西陽河堡在西北。臨西洋河。原設守備。會河堡當東西二洋河合流處。遼金所築。李信屯堡周一里。只有南門。共村莊近三百處。

交通 縣城距京綏鐵路西灣堡車站三十五里。爲出入之要衝。京張既成。開拓張綏。取道長城之內。因沿路村鎮較多。運出貨物亦較盛。村人豢豬。豬商收之。檻車運向天津。而鐵閘罐冰車中。則由豐台運。津沽鮮魚。以向豐鎮。交換食物。各以遠珍爲重。

第一百五十八章 蔚 縣高文敏趙炳調查

蔚縣治北緯三十九度五十一分。偏西一度五十三分。

位置 京師正西四百里。西北界山西廣靈。北界陽原。東北界涿鹿。南界涇源。東西一百二十里。南北一百一十里。

沿革 蔚州之名。始於後周。明設蔚州。及蔚州衛屬山西大同府。清康熙始改衛爲縣。改隸宣化府。雍正時州亦改歸宣化。乾隆時裁縣入州。民國改州爲縣。

山脈 北嶽恒山脈自西徂東。蜿蜒縣之東南。其最著名者曰小五臺。南有陶朱山。北有七里山。紅沙坡。均在壺流東。翠屏山在壺流西。

水系 水之較大者曰壺流河。源出於山西省之廣靈縣望狐山。東流入境。經縣城之北。又東北流至西合營。右納清水河。西北流。又納太平河。又折而東北流。入陽原縣境。至小渡口。注入桑乾河。

物產 麥豆粱黍。爲民食大宗。稻極少。近年植麻及藍靛尙富。家畜皆備。礦物有石棉。近年煤礦開采漸盛。曰煨炭。製造瓷器極粗劣。鄉民用之。南山有硫磺及礪石。

實業 中國銀行設有分行石印局二處。製造粉筆工場一處。又有織布局三處。貧民工廠分柳器股。織席股。麻繩股。毛氈股。開辦三百元。經常千六百元。基金千元。

戶口 四萬六千零三十六戶。二十萬零八千二百二十人。

教育 縣立高等小學三師範講習所乙種工業各一。模範小學一。國民學校一百四十九。女子學校八。半日學校六。今工校注重染色機織之實習。全縣學生已逾萬人。

城市 城固三里。三門三關。缺北門。壺流河會暖泉。逕城北。南通城濠。近日土匪殘爲

三聯會。數萬攻城。縣署商會。悉被拆毀搶掠。人民逃避一空。由縣知事優容養成也。

鄉鎮 四鄉八百餘村。分八鎮。曰桃花堡。曰西合營。曰北吉家莊。曰白樂堡。曰北水泉。

曰代王城。曰暖泉。曰白草窠。西南馬莊。有泉一道。金時鑄鐵板一。開十竅。分水澆田。

民利賴焉。暖泉鎮商行。昔受聯合會強迫。將行利縮小。罰大錢千吊之多。

交通 郵路一百四十里至涑源。一百六十里至梁格莊。陸行三百里接新易支路。西

由暖泉鎮赴山西廣寧縣。東經大王城西河營分二路。東由白樂堡桃花堡出。涿鹿

至京綏路之下花園車站。北由化精營深井堡至宣化車站。白樂一帶。盜匪爲梗。

第一百五十九章

延慶縣蘇莘居庸遊記

延慶縣治北緯四十度二十四分。偏四二十八分。

位置 京北一百八十里。東界京兆雲。東南界京兆懷柔。正南界京兆昌平。西界懷

來。西北界龍關。正北界赤城。東北隅。界熱河豐寧。東西百五十里。南北六十里。

沿革 燕秦上谷郡。漢置居庸。高齊廢爲懷戎縣。唐置媯州。唐末置縉山縣。五代

入遼。置縉陽軍。金廢州。又改縉州。又省入懷來。明爲隆慶衛。清延慶州。今改爲縣。

山脈 大海陀山。帶山峰頭積雪。高出居庸百丈。東跨長城茨兒東口。石河口。石溝峪。

南帶內長城。而與八達嶺相連。昔所謂軍都林障。遼險者。今地利荒棄矣。

水系 河渠可引者。若葵河水。佛峪口水。灌田甚便。此外並有西羊房渠。下板橋渠。張

山營渠。黑龍廟渠。皆築壩分水。以資灌溉。水定河口。涿鹿沙城子。東南流至合河口。

媯水自本縣之東北山。經縣城南。復經懷來縣城會之。東南流入邊牆。

物產 山多榛子。村圃有柿。林道旁有榆柳。八達杏頗多。水產有鱒魚。柳溝營柳樹較

多。紅土坡之紅土。可作染料。百草坡之百草。亦資芻牧。靖狐堡猶多野獸。

實業 西北兩面半多水田。開鑿井泉。可補河流灌溉之不足。不乏富庶村莊。地方學費接畝攤款。以成半耕半讀之風。合乎實用主義。

戶口 二萬零二百六十六戶。十萬零四千四百七十四人。

教育 縣城高等小學較完備。永寧鎮兩等小學體育器多備而不用。國民學校。多由私塾改良。學齡兒童。過時失學。可慨。師範講習所。程度太低。不免遷就。

城市 燕置上谷郡城。秦漢因之。在縣城之北。建置最早。降鎮衛城在縣城之南。陀羅臺在今城東北。蚩尤城在縣城之西南。

鄉鎮 永寧城在縣東。明水樂設縣。嘉靖築城。清廢爲鎮。有縉陽山、團山、神仙砦、火燄山、火石嶺、黑漢嶺、周四溝、黑草峪、皆有堡。宏陽鎮在縣西南三十里。統漢鎮在西南八十里。蟒山寨在東南二十里。岔道口在縣南廿里。共二鎮。大村四。小村二百四十。交通 京綏鐵路康莊車站。距縣城只三十里。上下甚便。東距永寧城郵路四十里。一縣實兼兩縣一衛之地。正東山徑崎嶇。古人據險以守。迄今未通郵路。至於驛站大路。則已由鐵路鑿山通道。沿途安車坦道。坐看道旁山色也。

第一百十六章 涿鹿縣吳敬姬述涿

涿鹿縣治北緯四十度二十二分。偏西一度十二分。

位置 京師西北三百里。東界懷來。西界宣化。南界深水。西南界蔚縣。東北界龍關。東西九十里。南北一百六十里。

沿革 黃帝邑於涿鹿之阿。今涿鹿城在縣西南。漢涿鹿縣。沮陽在其東。廣寧在其西北。唐置永興及礬山。金改燕興。元復永興爲保安州。明清爲州。民國改州復縣名。山脈 涿鹿山在縣東南。黃帝與蚩尤戰地。橋山在西南。釜山在西北。即合符釜山。磨笄山爲代王夫人殉國處。礬山舜廟出於附會。鷗兒嶺據形勢。保寧山。孝文山并著。水系 永定河自蔚縣入界。在舊城西十里。土田資以灌溉。下流入懷來境。寧川即故于延水。今淤嬀川在縣東。一名清水河。自懷來入境。東洋河自宣化入境。皆入於永定河。境內有九十九泉。阪泉最著。涿水在東南。一名張公泉。與阪泉合。物產 礬山特礬石。可鍊鉛。爲金質最輕者。可製碼砧火鍋菸盒。農產莜麥山藥蛋。果有榛栗。野禽有沙雞石雞。製造品有麻片柳筐。

實業 地方斗捐一項。歲收宣錢十三萬一千餘吊。折大洋三萬餘元。除學警兩費外。尚存五萬吊。撥爲工廠之專款。惠民渠。新民渠。北平坡渠。俱引桑乾河。開渠灌漑。戶口 二萬零一百九十一戶。九萬七千五百八十八人。

教育 縣立高等小學校。職教員皆師範畢業生。國民學校教員。類多塾師傳習。省立師範畢業生。嫌其地僻薪微莫肯就。是以鄉校多仍舊習。不獨直隸各縣同一概也。城市 保安本唐嬀州。新州。遼人奉聖州之舊。城周四里。有四門。明永樂時。軋築。縣東縣西八里。均有堡。鼎立相犄角。中國銀行。設有分行。足見金融之發展。

鄉鎮 上花園在縣西四十里。下花園在縣西三十里。尤秀。遼蕭后種花處。舜鄉堡在縣西南七十里。有舜井。舜池。礮山堡在縣東南六十里。本遼金故縣。沙城堡在縣東六十里。有東堡。中堡。麻峪口在縣南。天津關距縣南百里。爲內長城。共百四十餘村。交通 下花園爲京綏鐵路車站。南距縣城三十里。上下甚便。每日有兩次車可到。京北出張家口。西赴豐鎮亦便。通道燕雲。朝發夕至。遼金元清侵入內地由是。明永樂以天子守邊。凡黃帝子孫。念西北邊區。地廣人稀。其取道於此。以謀拓殖乎。

中華民國廿一年再版

【大中華直隸省地理志】 定價大洋貳元

總纂 閻侯林傳甲

分纂 交河蘇莘

印刷所 中華印刷局



總發行 佩文書社

西單商場  
南文書社

代售處 各大書店

分售處

